



盡裡鬢眉子細量
幾人不負此昂藏
鉛華已落留真面
玉液頻添浣俗腸
對月梅羞濃際
鬢經霜菊抱晚來
色遠幻作漆園叟
興到游濠老倍狂

光緒丙申上元日采珊自題

命孫為珠書

遠於俗逸於吏率乎性忘乎勢尊於
於時量惡於志冲和其度靜穆
其神景彼芳躅步前修之謹獨而
希有道之全真

江夏陸開濟題

睹君之貌見君之心貌古心古立
靜存誠靜根於仁誠積於明形
諸儀表骨重神清言滌其瑕川
月海雲言葆其初璞玉澤金其
斯謂上壽之徵

漢川劉德馨題

序 余 體 紫 孱 總 角 喜 跳 躍 氣 分 受
損 道 光 丁 亥 迄 辛 卯 經 書 甫 讀
畢 時 有 咳 疾 先 君 羸 以 改 業 關
闈 乙 未 咳 平 重 理 舊 讀 嗣 是 縣
府 裁 科 試 屢 拔 前 茅 丙 天 厨 祿
靳 心 殊 飲 然 咸 豐 乙 卯 試 京 北

遺於額由此因激生憤殫十數
秉精力簡練揣摩每值失意恆
自怨自艾而不敢稍耽暇逸同
治庚午甲戌兩入珊瑚網又以此
性俯張不合於時光緒甲申息
鞅山城雖未脫去塵網此心
已久甘櫟散甲午賤歸來杜門

卻掃於世事一無繫戀每思彙
平日時文試帖擇其近理者留
為手澤不惟稿多散佚恐老生
常談適與陋傷璣同譏乙未
長夏爰就少日記憶及壯年閱
歷並景逼崦嵫所珥筆所誌者
編為丰譜以先後所作雜體詩

文按率均入所以紀事非欲以
所著傳也而生平設心制行落
落焉潔其道不肯穢其迹斯編
已約具梗概禁而存心後有同
志者綜覽全編以爲有越世風
規無戾於俗所又不至苟同於
俗也則幸甚

光緒二十二年
春歲次丙申
孟夏
月崇樸軒主人漫題

李采珊先生家傳

先生諱策清字采珊先世由麻城遷京山再遷漢川塢夫里十五世至緒蕃以歲貢爲安陸縣訓導人所稱雲椒先生也先生爲訓導君次子幼穎敏勤學率教異於常兒年二十四爲諸生益究心經史及詩古文辭值粵捻繼亂歲無寧處賊去仍集子弟生徒講論不輟同治庚午舉於鄉甲戌成進士時先生年已五十四矣引見用知縣分發河南提補西平到官甫十月以方正忤上官奏請改教先生未通籍前曾爲天門訓導至是笑曰吾故物也旋任宜昌府教授十年引年乞歸先生學以主靜爲宗服膺宋五子



及有清張陸之書踐履篤實自爲諸生卽聚徒講學遠近從遊者衆其後擢甲科數歷仕途文章丰采學者翕然宗之見聞濡染於昔人義理之學斷斷如也然先生實能更事西平在豫號難治縣西角子山毗連南陽岡巒綿亘數百里爲捻匪巢穴時出劫掠先生始至卽興辦鄉團會營并親往督練一日至分水砦遇葉縣人送女乘驢往遂平至某寺前匪劫女並驢去泣訴道旁先生率小隊拘寺僧引至張村前張後張夾小河而居木橋中通先生劣容徒步至前張搜出布疋衣物牛羊甚多過橋至後張見一家後園土墻有足踏新跡至園後望一男子負女東逸呼救

聲猶可辨急追獲之訊出窩藏者爲本縣糧書之母匪首卽合水砦保正張鐵棍與弟鐵圈并逮治之盜劫人忿其首官火其居老母七旬燼焉久偵知盜爲縣北某村人除日率隊往捕不獲乃責其同村秀才某約期獻盜新正望日果縛盜至立置之法擒破出山寨率隊督團往勦匪已先遁獲擒首徐和尚甲子以前寇擾漢東渠魁也上詳請誅之丁莊寨距城南二十里爲擒攻踞礮聲聞城中飛檄南陽鎮請兵會勦鎮兵五百人由東路進先生會營并陳集堂率二百人由西路進擒避多擊少開西門出一紅衣匪馳馬當先鳴槍不中陳弁揮刀直前殺之擒衆驚潰擊

斃四十餘人，生擒百餘人。東路兵尙未進也。縣北之寨爲捻踞者，皆聞風竄去。政聲日隆起，而署撫李鶴年遽以小故撤先生任。涂宗瀛遂奏劾之，而先生乃以儒官終其身。

培庚嘗謂仕宦之遇不遇，非才有高下也，巧與樸之分耳。巧者殫才智以事上，而勤民百無一二焉；樸者殫才智以勤民而事上，百不及四五焉。爲大吏者於彼則賞其百長，於此止得其數善愛憎，由此分黜陟，由此定誠慤剛介之。士幾何而不蹉躓於世也！先生卒年八十，有四子，四長毓，長員外郎銜刑部主事，分貴州司兼督捕司行走，三毓，恩鹽提舉銜甘肅通判，歷任秦安華亭縣知縣，次毓麟諸生。

早逝季毓澤廩貢生候選訓導長孫爲珠光緒己丑舉人
安陸府學訓導培庚姪婿也次孫爲燥銓叙局核准第三
類縣知事調甘任用歷任平番張掖承審岷縣審判官毓
恩子爲琬與爲珠子朝鼎以先生自撰年譜來乞爲傳生
平懿行甚多爲揭著大概如此二子亦美才皆北京國立
法政大學卒業爲琬曾充湖北菸酒事務局諮議方供職
岳陽米捐徵收局朝鼎前任湖北高等審判廳書記官方
供職法權討論委員會先生之遺緒與其德澤遠暨又如
此天之好是正直理固終不爽與

欽點內閣中書本衙門撰文管理誥敕房事務委署侍讀

貴州補用道奏派湖南土稅統捐局總辦欽加二品銜賜
進士出身清史館纂修姻愚姪陳培庚頓首拜撰

崇樸軒年譜

漢川李策清采珊甫著

男毓長恩編次

孫爲

環璣

校字

曾孫朝

元鼎

校梓

元孫佐智發行

予家自始遷祖祖一由麻城北關外之竹墩城遷古雲杜高現二世祖鎮生三子長能
福徙今垌夫里入漢川籍世守耕讀戶丁漸盛至太高祖作蘭已十一世矣作蘭生高
祖士鶴士鶴生曾祖光瀛光瀛生祖考宗一宗一子二人長先考雲椒府君也府君女
一最長子三人伯兄應甲季弟翊清仲即不肖策清先母氏嚴庶母氏嚴先母外祖嚴
先春女幼失怙恃外叔祖先天撫養成人二十于歸先予於道光元年辛巳十二月十

八日巳時堂上重慶祖考以予頭角嶄然特重愛之

道光二年壬午二歲

道光三年癸未三歲

道光四年甲申四歲

四月季弟生予未滿三歲尙在乳抱一切引攜護持及食飲疾痛惟庶母是依育閱之恩至今弗忘十月二十四日大父見背享年八十

道光五年乙酉五歲

道光六年丙戌六歲

予性慣喜跳躍平地可跳升卓上庶母每飭戒之防傾跌也

道光七年丁亥七歲

始就讀天門生員譚允林師諱桂一師與予家通戚好又係父受業師治家勤儉每下學歸躬親農事後全家罹壬辰之疫可慨也

道光八年戊子八歲

就學本縣生員馮揆菴師諱子癸師以予資性穎異又循循規矩每向人贊不絕口
道光九年己丑九歲

在家受庭訓值市中演劇僭弟竊聽多時歸即罰跪責以刷柄柄折予泣訴再不敢蹈
此以後從無違命擅出之事九月大姊適方國材

道光十年庚寅十歲

祖祠就學本縣增生周滋川師諱渭師與邑前輩周序東爲族兄弟正月方國材夭九
月得遺腹子述善名曰銘寄養於予家長而歸例授從九銜

道光十一年辛卯十一歲

仍就周師學秋中襄隄大決里中乏食者衆

道光十二年壬辰十二歲

以年荒廢學春月時疫大作罹疫之家十居八九道殣相望日未午各家閉戶不敢出
予家托佑獲免時論羨之惟父以去年秋冬置產罄其資糧家計形窘時有上鄉某與
父有舊交向擲大麥數石是年冬並次春全家多以麥粥度日窘況難言萬一矣

道光十三年癸巳十三歲

仍以年荒供牧牛事一日騎牛至龔家嘴河邊被但姓兒鞭牛入河牛驚跳墜於河水中天現紅亮色得別牧牛者梟水救之乃免於阨然亦險矣十一月母命予隨彭傭種麥於嚴家河見曦而往饑則麥麪和麥黃草餅食之日夕而歸

道光十四年甲午十四歲

是年春秋兩季豐稔可以赴學父以予體孱弱時有咳疾不令讀書春月在中兼理售糧八月命予進花行學習當事者嗾予奉客茶氣憤而歸決意向學冬月聘本縣生員程靜齋師諱景山教讀館於家

道光十五年乙未十五歲

予偕伯兄季弟就程師學課程一息不敢曠全部周禮於月下燈前讀之雖暑月蚊螿弗輟也四月旱蝗七月大姊病故

道光十六年丙申十六歲

仍就程師學開筆作詩文甫成篇師以爲舉止大方期以遠到

道光十七年丁酉十七歲

聘本縣生員張懷兩師諱祖銘於家塾七月師以科場解館父慮予學荒送讀於表叔

劉星乙學

後以歲貢官
宜都訓導

道光十八年戊戌十八歲

仍就程靜齋師學作文頗有條理經書亦詳求解釋十一月父爲予完娶

方朗山公
季女公積

學未遇援例貢成均著亦
愛書屋詩集行世詳縣志

道光十九年己亥十九歲

正月人生日父率予暨弟讀書於劉家壩之老官廟時有茂才聶春帆呂皋亭並童生饒書洛聶教菴共往來三四月偕渠等赴縣應書院課作麥浪秧鋤二律七月縣試予
以時症出頭場卽歸府試補考院試黜

麥浪

一隴黃雲一隴秋輕花細影共沈浮風經柳岸痕將漲雨過桑疇浪欲流萬頃青光翻
上下千畦碧練蕩夷猶曉來麥氣添新潤逐盡濃烟豁遠眸

秧鍼

新秧處處遍春畦破甲如鍼出水齊刺去有鋒難引石懸來無孔不穿泥才疑弱線抽
輕柳也識繁花繡落梨稚子相敲何爽約還聽蛙鼓夕陽西

道光二十年庚子二十歲

代饒書洛覓童館於祖祠予與弟就祠讀書每課父擬題與饒共相切劘尙覺有益作
蟬箏鴈陣竹夫人競渡四律冬初本縣廩生馮南巨師諱純江啟館於應城之汪家祠
予往附師以予文多襲墨調乃取前明及國朝大家文揣之間肆力於唐宋古文甫兩
閱月筆路迥異十二月縣試師預許考列前茅頭場榜揭果列第五名每覆前列正案
第五名縣尊李謹齋師諱恂

安徽鳳陽舉人

蟬箏

鶯歌燕語別花前獨譜秦聲奏管絃咽去剛逢新雨後彈來恰是夕陽天韻流雲綠風
前逸響答桑青陌上連齊女奔庭成趙曲鄰家畫閣倩誰憐

雁陣

聲斷衡陽塞已通橫斜陣列碧雲中幾行夜渡漢關月一隊朝辭吳嶺楓布就何殊成
戰法排來恍欲奪邊功三更笳鼓重回首寫作人人趁好風

竹夫人

冰肌玉骨本銷魂况伴炎蒸久候門清潤凝脂羞著粉光圓適體怕留痕祇因性冷忘
顏色都爲心虛忍笑言枕簟三更始作客始知滌暑藉私恩

始作客之
疑誤

競渡

江到汨羅悲楚遊於今競渡有龍舟乘潮勝會千年紀戰國幽情幾日休弔往誰添湘
水恨爭標憤賞曉蘭秋三閩故里依然在宿怨分明雪滿頭

道光二十一年辛丑二十一歲

正月府試郡伯楊蕉雨師諱炳坤

浙江
拔貢

取列正案第九名三月院試黜四月赴馮師學

五月初九日丑時長子毓長生學堂附近各村慣演半臺戲同硯友逐日往觀予以不
偕往觸忌每日戲場酒食茶費分歸學中攤派予強應之而終不與俱往十一月馮師
就陳海門先生

名其學嘉慶己卯舉
人官荆門州學正

之聘聲言不收附館十二月初四日朔風割

面大冰凍父以年畢師未就命胞兄引予謁馮師乞附館師商之居停堅執不允當歸師途門外呼予反諭以遲日再商開年定於來學途中口占有寒風吹臂縮積霰攪魂飛之句蓋紀實也作觀風四律

佛手柑

誰供阿難秀色養拈花指月伴旃檀柑移佛國傳新種手撒兜天鍊舊丹好是開拳翻玉爪憑將掉臂弄銀盤年年朱夏爭陳果臘蒂何曾怯影單

僧鞋菊

秋容色色占中央是否僧鞋亦傲霜步月門前無俗豔掃花徑裏有清香拋殘棕樣繁英白踏破雲痕一握黃赤足曾經慶壽約著來蝴蝶拜稱觴

潯陽琵琶

幾曲琵琶怨白頭潯陽商婦感江州聲傳溢口平生恨水拍蘆花半艇秋千載知音才覲面滿船明月共含羞縱教坐上勾留久耳畔哀絃枉訴愁

赤壁洞簫

石壁何年映面紅，洞簫有客伴鬢翁。南飛一曲吹還裂，西掠餘聲答更雄。烟漲烏歌連北岸，江留鶴影促東風。還聽玉笛磯頭弄，指下梅花勝俗工。

道光二十二年壬寅二十二歲

正月赴馮師學同學海門先生二子伯才仲篔伯才名作賓後官武昌縣訓導並仲篔名國賓中同治甲子鄉榜

外來徐劉韓三君同寄爨於村北之楊某家二月隨伯才昆季並學友考蒲陽書院予

列第三名學中俱正取合得膏獎十數等三月復課予列第二名自後予課文膽就海

門先生必先看又熟稔在學不外干以爲生性純而用力銳所就當未可量秋後師病

解館歸應縣試縣尊張鳳友師諱書麟江西彭澤優貢取正案第三名二覆有甌山牧笛滋

水漁歌小別山七律采芝山絕句府試郡伯夏幹園師諱廷楨江西新建人翰林院編修首場第

二二場第一三場第三四場挑取五屬前三名崑試詩賦漢川挑予並王樹亭名德後

中甲辰 聶敦菴名祖彬中同鄉榜 治生戌鄉榜 賦題周亞夫屯軍細柳以灑上棘門若兒戲耳爲韻 此十五人

後多登甲乙榜予賦題原不甚清楚正案列王聶一人之後院試黜郡中有集句四首

十一月從學應城廩生呂蓮仲師諱其錦館余家嘴之廖祠同學十餘人予與余殿國

最契殿園二子芹香名作舟瑞亭名作楫同案入學芹香以勞績保知縣官陝西米脂知縣瑞亭以教職候選

小別山

名徵小別婦孺詳屹聳漢臬作保障塞草香風猶附會散花仙女更荒唐俗名仙女

山姚公樹色迷朝徑深港菱譚噪夕陽過客頻饒山水興芒鞋竹杖任徜徉

采芝山

相傳山生芝草人多采之

采芝山草正肥采芝山上鶯亂飛草綠鶯黃年年有此山飛來何日歸飛來峰三字山上石刻尙

存

黃鶴樓集句

崔題詩在上頭不知經歷幾千秋紫毫粉壁圖仙籍錦檐銀珂觸雨遊黃鶴有心多不住白雲何事欲相留高窗四面清風入惟見長江天際流

大別山寺樓集句

又得浮生半日間登樓擲酒自躋攀雲山突兀闌干外臺榭參差烟霧間漢口夕陽斜度鳥湖中西月倒銜山晴川歷歷漢陽樹嫩蕊濃花滿目斑

晴川閣望江 集句二首

楚江無浪復無烟，獨倚危欄悵遠天。
樓閣千家圍鄂口，舳艫萬里過晴川。
陰森古柏祠神禹，縹緲孤亭懷洞仙。
莫說當時工賦手，於今鷓鴣草芊芊。

高閣臨江萬古留，雲煙幾點小齊州。
楚天霽色開樊口，漢郡嵐光入醉眸。
鷺翬英雄空逝水，四圍城郭鞏金甌。
妙時曳杖重搔首，指點寒潮捷上流。

道光二十三年癸卯二十三歲

是年文境不見大進，詩賦受益七月，師應科場散館。十月約舊友商黃潤圃先生公聘雲夢副榜冷師諱德揚修俸講定百二十婚受關來學以學俸不豐爲詞十餘日不上學。改予文二篇賦二篇，言予文力量駕今科之元作賦亦入彀，惟破體字過多耳。不數日從肩輿回家，既而黃家索還原關書，頗費周折。十二月應縣試，仍張鳳友師首場。第二三覆第一正案第三謁見時諭以漢川士習不純，本擬爾作案元以外議抑之，爾須努力當爲闔邑增光，不得以一領青衿老也。十月初四日亥時次子毓麟生，課作榴火竹笑二律。

榴火

猩紅火齊噴來新照眼榴花倍有神
妬殺裙腰光蹙錦鑽將木末氣蒸人
蜂探好擬燃
藜夜蝶戲剛逢吐焰晨
往日石泉應有約茗烹黃葉一般親

竹笑

拂雲掃月映琅珩
笑引清風入畫欄
痕墮雙筇飲瓊碎
粉嬌半面忍摧殘
心虛未許邀
凡豔性冷何妨結
舊歡花鳥此中爭
唱和相逢一日幾盤桓

道光二十四年甲辰二十四歲

正月應府試夏幹園師取列正案第七名三月晴川書院甄別取內課第一名閏三月

院試學憲王吉雲師

諱履謙 順天大興人 翰林院編修

取入縣學第三名給科舉八月科場後十

七日過江梁東木方易之同船北風不甚大開船時適船幫兩人喊搭船梁方不允予

允之甫至江中風大作船手張皇不支搭船者一首一尾乘風破浪浪跌則船出浪湧

則船沒衣服行李顛撲濕透搶入小河非得兩搭船之力幾蹈不測此事殆有前緣也

榜發僅列房備是歲春間郡中住三月餘除入場外每日作文一篇小講鈞下見題便

擬文機大熟院試首藝騰清次題尙未下以後歲科鄉會朝殿各試手筆快利皆得力
於此郡中作愛菊愛松愛蓮愛竹四律並詠古四律

陶靖節愛菊

一自東籬挿帽斜扶疏繞屋是誰家折腰不作迎人柳涉趣宜稱靖節花祇爲餐萸同
隱逸偏因對酒飽煙霞從知老圃邀佳客借得延年避世譚

陶宏景愛松

風標雪幹舞闌干滿院秋濤撲畫欄自合山中爲宰相何妨閣下一盤桓留人定挹三
秋爽餞客能生六月寒如此幽間曾有幾香爐弟子共追歡

周濂溪愛蓮

屏卻繁華寄雅情香薰臉膩遠尤清光風霽月人超俗荷露蓮霞眼倍明西子臨渠衣
欲裂東君望汝盞還傾蓮溪祠裏朱華爛醉豔歸來久不醒

王徽之愛竹

勁挺一柯開雅懷琅玕長使伴幽齋邀來粉面親三徑借得煙光瑣半階謝女調琴同

灑落司空品句獨和諧幾回笑詠詩情壯多爲此君寄語佳

灑波灣放棹

一路灑波灣復灣長江放棹淺水間
鳥飛漢口渡斜尾螺擁洞庭粧半鬢
打槳浮萍人小立推篷夜雨鶴
狐還漫呼舟子停橈問多少
嵐光指遠山

郤月城懷人

一片秋光月到城黃公城上郤屯兵
當時誰弄落梅曲此地同誇細柳營
壯士高歌何兀傲入關小草自枯榮
幾回往蹟談青史千載何曾負舊盟

郤官湖泛酒

夜郎攜酒泛平湖上郤官與客俱
詩膽重逢看劍約歌聲猶記引杯娛
衣香四座當年有簫鼓三更近日無
翹首中宵觴月地曠懷冠蓋莫踟蹰

伯牙臺訪琴

漢南江上古琴臺臺上曾經訪故來
海水移人同灑落煙嵐貺我獨徘徊
孤懷應識揮絃樂妙趣還邀載酒陪
莫說知音無幾輩於今逸鬻屢疑猜

道光二十五年乙巳二十五歲

本縣歲貢秦榆村師諱篤輝就館於黃潤圃先生家予二月送課師以手書招予到館

書中有安得此子樂數晨夕與作薪火傳之句隨赴館專務舉業借師以秋間病痢解

館師著書數十種已刊行者四種經學質疑綠墨綠館文鈔詩予回家讀書課

期不敢曠九月十七日子時長女生許字天門國學生胡樂亭之次子仙丹名

庚辰瀧病天無子苦節傳是年科試二等胞兄試卷已蒙拔取以韻語有疵黜之

惜哉

道光二十六年丙午二十六歲

正月初旬母病痰咳以氣體素旺之身滿擬必愈身後事未及備詎日益劇竟於二月

初十日已時棄養享年六十附身附棺均係驟辦不甚合法每一念及淚潸潸下所抱

恨終天者此也出殯於天門古提河之原殯事畢父命予三人析居五月省報父委長

陽縣教諭以道遠未赴任六月京報父選安陸縣訓導十一月予隨赴任十二月庶母

攜予全家到署

道光二十七年丁未二十七歲

元旦毓長發蒙授以句讀不應其母以手撻之春季送課於周景垣師諱啟運 廣西臨桂

人翰林院庶吉士 時官 德安府知府夏月族人以市中賽會被控赴署邀予回家寓川城數月證費賄

塾百數十串結案後或質田或質糊或質坐山或書借字年荒都無力措還予焚其券

冬間赴署讀書

道光二十八年戊申二十八歲

仍就周師閱文五月服闋學憲龍翰臣師諱啟瑞 廣西臨桂人 翰林院修撰予以去年服中作觀風

全卷取超等第二名八月父為伯兄捐監就府經歷職家屬由署歸家冬間啟館於家

道光二十九年己酉二十九歲

在家教讀三月送考郡中四月科試取一等第三名補增弟以府試第一人入縣學六

月襄隄潰大水予屋水深二尺餘全家住樓上七月旱疫作喚咻之聲不絕於耳冬季

荒米每斗六百文科場報罷場後省中劉占五先生交還家君借款先生原名際飛 改名子垣 道光

乙酉鄉榜官遠安教諭 刑 撰翁自訂文稿 天門人 作論四篇書後一篇

誠者聖人之本論

人心自真而之妄非有妄也。但自明而之暗耳。暗則成妄。故學在去弊必先除妄。妄除則明生。明生則誠出。子思曰：誠則明矣。明則誠矣。聖學徹始徹終之道不外乎此。所以潛哲之聖人德著允恭。誠孚於物。柔順之聖人道昭於穆。誠通於天。可知真實無妄。足以括天德王道之樞機而爲超凡入聖之總匯也。自世人不察或雜以罔念或參以私心。微特正心修身之理虛無而鮮據。卽格物致知亦無所用其力矣。夫以放肆流遁之胸求其沈潛入理。豈非以圓鑿而入方枘乎。是以言誠者必歸之聖人求聖之所以爲聖。總不外乎心之誠。一言能誠則言不欺。一行能誠則行不僞。成己以誠則無愧於己。成物以誠則無損於物。中庸言誠者不思而得不勉而中。又言誠者物之終始不誠無物。此孔門相傳之道無有踰於誠者也。亦無有先於誠者也。所謂本也。譬之水有源而後盈。科放海木有根而後發。幹交柯源遠而流長。根固而葉茂。有本者如是也。顧或謂聖人渾涵天理不必有本末之可言。不知聖人秉二氣之精萃五行之秀。聰明才力其質也仁義禮智其性也。達道達德以推諸九經之事之效。皆其後之功用也。非有肫然

不欺者存於中奚以措之裕如哉所以程子曰凡不能動人祇是誠未至司馬溫公曰可以終身行之者其誠乎此皆盡心之要務希聖之實功也不然任其心之動而不能靜聽其氣之浮而不能斂不入於聖域即惑於歧途有志求誠者可不以聖人爲法哉幼讀唐律最豁解月中桂詩即嫌收聯羽化二句有題意無題面嗣閱別本有人改作有時同片玉移植在堂東切則切矣又覺過於沾滯且下喬入谷不見作者抱負擬易以仙人修玉斧聲在廣寒宮似與通首雄渾相稱工於推敲者未知以爲然否也

張江陵進帝鑑圖說論

有明一代相業如江陵張文忠者誠不多曁也稽其以草茅孤介任君德之成敗故曰講有規聖訓有編以及注大寶箴上貞觀政要解皆所以輔導冲主謀斷兼資方諸丙魏房杜庶乎近之而其惓惓於顧命之重思以前代之理亂興衰備清問而效啟沃置毀譽愛憎而不顧者則莫如進帝鑑圖說一書是書也始唐虞終南宋采其事之善可爲法者八十一惡可爲戒者三十六一一繪圖綴俗說以進冀以主術之純正培元氣綿國祚當是時神宗覽冊公從旁指陳相應如響自古君臣都俞之風當不是過神宗初政上無不奉法之吏下無格而不行之法皆此圖說之進得君專行政久所由致也議者每摘其進書疏中俯鑒愚忠一語謂其自以爲忠倣伊尹之言儼然以阿衡自待矧奪情以後大節有虧責其貪冒者有之惡其偏恣者有之且三子咸登上第左右用事多通賄賂蒼頭入賞爲官文武勳戚之臣多聯姻好律以寵利居功之戒不無可議然必因是而疑進圖說一事自居帝王師跡近震主則是伊訓之作尹不宜陳戒於告歸無逸之訓且不宜致儆於逸諺爲是說者將謂兩宮有並后之尊誰爲調停諸璫操

得肆之柄誰爲抑制外戚開資緣邊將少控制又誰爲持之堅而辨之力乃身沒未久言事者大肆譏張爾時帝鑑圖說尙在神宗進講之側而公家之禍遂至不可解迄今念公之言曰機穽滿前衆鏃攢體不足畏也此其忘身殉國忠勳自不可泯滅夫成季宣孟猶當十世宥豈十數年肩勞任怨舉廢飭弛功在社稷竟不獲庇其母保其嗣並榜其罪於天下是非曲直必有能瀦白於後世者矣孟子曰責難於君謂之恭陳善閉邪謂之敬其以古帝鑑者即責難之意也摘其可法可戒者卽陳善閉邪之謂也覽斯圖說不可謂非公之恭且敬必爲之洩溺垢穢不遺餘力遂疑爲懷疑少容疑專權疑純任霸術羣輕於訾議是豈足爲公詬病哉

明神宗初政張公叔大之力居多統觀全局海剛峯謂其工於謀國拙於謀身史家以爲切論似也而不盡然也當其時侍讀裕邸即厚結內侍馮保由此大用出身已不得其正况奪情一舉大節有虧抔土未乾而禍遭莫測不得謂非公之自取後嗣之一蹶不振殆由才足以濟世德不足以庇身核實論之定可以爲能臣爲重臣若正誼明道而不愧爲純臣吾不敢過信也

霍子孟論

論古貴有特識固不可獨徇己見亦不宜剿說雷同致貽失人之誚讀漢書霍子孟傳未嘗不廢書三歎也自古人臣當國其濟世以才其維世以節其所以善用其才善全其節尤不可無學光自武帝時出入禁闈幾三十年未有乖迕及輔冲主沈潛靜詳審歷膠擾叢蹙之地人所氣沮勢屈坐視而無濟者彼以身肩之不可謂無才受襁褓之託任腹心之寄力主廢置以安社稷確然秉志始終不移不可謂無節夫人有積學數十年一旦當小利害鮮不倉皇失措者若光之屹然山立隱隱與阿衡之放桐碩膚之黼辰如出一轍非其察理甚精奚能動與古合論者猶以不學無術少之抑已過矣或謂昌邑之廢宣帝之立不免擅權專制無人臣禮或又以許后受毒妻顯邪謀光明知其事未行而不能禁既行而不能舉霍氏之覆宗光實肇之核實而論如昌邑之淫昏不廢孝宣之慈仁不立是謂當斷不斷此豈尙有遺議惟不能制其帷薄立女爲后縱湛溺盈滿之欲致顛覆之禍以此責光光固百口莫辨也要之霍氏之亂雖自貽之實則宣帝啟之蓋宣帝自在民間稔知霍氏尊盛日久卽位以後當繩以禮法使自裁抑

其子弟雖習於驕侈尙可杜禍於未萌善乎茂陵徐福之言曰奢則不遜不遜必侮上
陛下愛之當以時抑制使福說得行猶得曰霍氏之禍萌於驂乘也乎魏相奏言春秋
譏世卿惡宋三世爲大夫宜帝誠慮及此庶乎預沮陰謀可以全功名之後如霍光者
就令學不足以用其才全其節而忠勳之在漢室所謂安劉氏者又一勃也乃抔土未
乾家無噍類律以古人十世之宥未免太過是以爲人臣者在於履高位而不危而爲
人君者尤在於履帝位而不疚

李鄴侯論

古所貴乎相臣者謂其有過人之識裕過人之量而以一身係天下之安危也出處進退之間無非忠君愛國之意第執形跡以求之謬矣甚哉黨同伐異自用師心望影藉響堅持物議皆非所以定臣品衡相業也唐李長源以神童得見明皇終以宰相封侯誼兼師友蓋社稷世臣休戚與共於君國有不能忍然者故可止則止可仕則仕此固非忍於去國及依戀爵祿者所得藉口也而世猶有議其守志不固終至屈佐外藩夫江西判官澧州刺史君命也當日者聖人於魯不憚受公山佛肸之召豈智出季路下哉聖人之於君國禮貌既衰不脫冕而去苟有用我不俟駕而行侯受明皇知與天子友歷肅宗代宗德宗三朝或退或進與聖人之不忍一日忘君國者將毋同勿論相業之美光輔累朝即作羣臣奉箋以迎上皇於蜀使肅宗得上保其父引黃瓜臺辭以沮良娣之譖使肅宗得下保其子既安代宗於肅宗之時又安順宗於德宗之世仁言利溥憂禍潛消豈尋常相業也哉唐書貶侯與房瑄張鎰同傳不思張猶可稱房則虛名誤國相去霄壤矣至謂德宗晚好鬼神侯以好神仙附會乃得復相抑而誣之甚矣其

曰謀事近忠輕去近高自全近智以及勸帝先事范陽明太子無罪亦不可誣揚之止此而又多不滿之詞豈千秋定論也哉

書史記貨殖傳後

儒者讀古人書當深識其人未可穿鑿附會至以私見論列失作者之深心若太史公之序貨殖本以漢武科歛而發論者謂其自傷貧困則大謬矣天下龜貝金錢祇有此數王者因勢利導此無所壅彼無所爭順其自然上下交濟所謂以美利利天下也不此之務而剝削之耗潰之一切筭權酷朝變夕厲浸尋以至大敝汲汲不可終日將何術以救之昔董寬夫之言曰陰陽調而風雨時羣生和而萬物植諸福之物可致之祥莫不畢至使武帝善體此何致設平準官籠鹽鐵稅拜方士爲五利將軍用東郭咸陽及桑孔諸人析利於秋毫雖其後封田千畝爲富民侯有糜費天下者悉罷之未嘗無休養生息之意而海內日見虛耗得非以權貨算繙多方搜括而興之爭也乎夫人情莫不耽逸而樂康徒事政令徵發或彊禦或措克縱能塗飾耳目求其竭能盡智爲國家裕不匱之儲也蓋難有經世之責者得鑒於前孜孜焉爲久大之謀其上緩徭賦以恤下其下奮智力以奉上其文寬簿書期會其法少兼權倍稱其俗免苛靡偷活之漸其幣無誇矜勢能之榮其爲令易行其爲效易明也然則太公魚鹽之計不爲奇管

子輕重之書不足述億兆人之脂膏不忍供帑藏三十年之通制不擅爲變通孔子曰道國在節用孟子曰無政事則財用不足孔孟不得志而其言乃百世遵行而不易此史公所以傳貨殖之微意也若夫察數之機終轉勢之折閱操奇計贏役聰明才力於滯鬻能積而不能散則倚魁之行也知利而不知義則市儈之習也少知自好者不爲而謂五百歲紹述自任者願以一身之困頓感激憤發而序貨殖龍門可作其必曰天下事未易一二爲俗人言也

道光三十年庚戌三十歲

在家讀書夏日登梅子山作五律考後擬古五首歸家雜詠五首歲考季弟一等補廩

後官光祿寺署正二月初三日巳時次女生

許字蕭純卿之子奎文庚午閏十月出閣

夏首偕林乾若弟龍甫登梅子山

漢臬曾浪跡挈伴好探梅風月應知我江山亦愛才歌傳沌水隔酒載武昌來石刻停

橈問攀躋又幾回

石巖舊有海闊天空四字

擬杜工部詠懷古跡原韻

能文殷仲遷都下識字子雲投閣閒運忌生申茅破屋年逢典午玉頰山沈來白馬空

惆悵蹇得青騾任往還自古詞章憎命達名才淹滯阻鄉關庚信

多年華藻高唐賦一瓣南豐卽我師夢裡臺荒神女事郢中宅易楚宮時三湘弔古長

留恨九辯悲秋別有思近代風騷憑領取斯文繼續夫奚疑玉宋

一入漢家畫掩門秭歸已別舊留村圖成鷹墨千秋恨佩到羈胡八表昏塞草有緣埋

秀骨宮花無計返香魂琵琶曲變空惆悵絕艷於今少定論王昭君

夔門夜月照魚復，岷嶺至今說故宮。巢鶴樹高臨峽上，臥龍岡遠對隆中。但憑靈綬移先祚，那有溪毛薦若翁。玉殿荒苔頻惆悵，錦宮花草四時同。劉先主

遺像綸巾空想慕，祠餘古柏參天高。力扶漢鼎成三足，睥視吳宮等一毛。魚水遭逢綿

國祚，草廬經濟付兒曹。而今路出錦亭外，猶記當年籌筆勞。武侯

浴佛日舟發漢江

曉起煙如織，風帆上下爭。黃塵迷一葉，白水撼重城。忠信期能格，波濤望自平。頻年江

畔渡，縈絆是虛名。

舟次漢關小飲風雨驟至

險阻朝來脫，舟行笑語親。神風俄送雨，杯酒屬同人。鼓柁江痕溼，開窗鄂樹新春暉。何

日報悞我半遊塵。擬抵家後安陸縣省親

晚泊蔡甸

繫纜雨餘天，歸舟客未眠。近鄉淹雁字，望遠杳人烟。共話消今夕，同行憶往年。己亥試後

與同事宿此 歌聲何處起，四顧乏隣船。

滇口舟中卽事

風利遲沽酒朝炊買活魚雙鱗穿網快一尾上竿徐異味今重領鄉心此暫除榜人遙
打槳樂事在觀漁

晚歸

知有金錢卜行舟已近家才忘風捲石又見浪生花

抵岸後又有風暴

又
兒女聞聲喜杯盤竟

夕譁更深憑檻望山月上窗紗

咸豐元年辛亥三十一歲

恭逢

御極恩科專習舉業父檢先輩程墨出題每課藝成取原墨證其得失七月科場晤祁
香三渠云今科場前合作文四十餘篇意以爲多予未明言默計所作將近七十篇入
頭場苦心孤詣首題天下有道二節通體跟上禮樂征伐兩大比遙對中間一紐二場
香三同弟鄰菴來予號彼此看稿予以香三文前後入彀中比題外生議嫌其拋荒正
意榜揭予未出房而香三高捷主司得意在中比是科南省首藝同題閱直墨有與予

同跟上同謀篇取列高榜者文之獲隼與否數不容強也十月科考學憲杜繼園師諱翰山東濮州人翰林院檢討取列一等第四名弟亦一等四月作吉陽道中七律七月六日先慈冥誕見背已六秋悽然淚下作三絕

吉陽道中

繞麥穿桑曉徑斜
淡雲漠漠擁歸車
頻逢驛舍分春甕
暫就山莊試露芽
白兆風曾催落絮
蒲陽月已映孤霞
平生未慣關河閱
喜拭征塵即到家

七月六日先慈冥誕憶見背已六秋悽然感懷

卅載痴頑不解愁
強叨清福慣隨遊
忽然痛觸萱風冷
憶別慈顏已六秋
生前是日笑顏開
梨棗殷勤只舊醅
祝嘏無緣弔鶴去
空持綠酒醉蒼苔
記得良辰那自持
一年一度淚空垂
也知客裏偏多感
難遣生前繞膝時

咸豐二年壬子三十二歲

正月赴署課文仍以大家程墨作證德郡賽會來城觀者甚衆有日由紅牆外過予適作君臣也五句題以文未愜心竟日不出書房門牆外之聲弗覺也七月下省時粵匪

擾湖南武漢戒嚴應科者多聞警而返入塲只四千餘人首題赦小過二句子以前科
跟上見擯就題發揮精力不懈主試者有王師吉雲專取抱上先有司句予卷又未出
房府委家君代理應城縣教輪訓導兩缺君有口占七絕四章謹錄秋後襄隄潰本地
十室九空鳩面鵠形目不忍睹十一月十二日漢陽失守十二月武昌省城失守作擬
古五篇招涼珠排律

壬子中秋夜應城齋署憶一子省試

今夜月明昨夜風冷齋矮屋別西東遙知阿子不成夢猶是鐙挑起草紅

少從南宮表兄遊偶談應城學田創自賀公對揚時心慕之今蒞斯任檢查租冊殊有
今昔之感

昔日戲言官應城今朝到眼認分明石橋庄名嘉水繞雙橋庄名志曲創始猶傳

相國名

登西城望家

三澁湖濱舊隱居隴臙煙樹悵吾廬近鄉未許還歸賦憤守一甌樂有餘

新修城樓有感

城頭樓堞煥然新城下
荒居舊業貧願把脂膏充國帑
從來一體屬君民

擬王子淵聖主得賢臣頌

夫居巢營窟者難與道廣廈之崇闕抱布漚麻者誰與論繡裳之綺麗今臣生於西蜀混跡蓬蒿之內棲身草茅之中絕無長沙獻策之才願荷宣室垂顏之寵何足以辱明詔答主知然不敢不竭微忱而抒素抱夫王者體五行之運在乎建極綏猷而已賢臣者朝廷之棟梁也得賢則贊襄多而化彌速得棟梁則營造亟而功易成故匠人之求大木也陟嶺登山長途僕僕及至名藪拔千霄之產鸞鸞食其實鸚鵡擾其間質萃梗榘材羅枳梓忽若珍錯滿前如此則使離婁察墨公輸運巧雖規天矩地戶萬門千而立就者良材已得也僕夫之御鶩胎也雖鞭抽縛振而不利於行服輓就轅精疲神荼及至驅中黃駕赤騮纖阿爲御陽子驂乘沛艾騰驤條驚塵起歷險超塹迅若飄馳逐日車追風馭翱遊千里捷足爭奇何其速哉神駿已得也故服參苓之藥不憂盲疾之弗瘳寶圭璧之藏者不慮光曜之弗盛何則有治人者有治法英流奇士即聖主之所以懋王猷也是以吐握求之長容善之風以羅山林之豪俊也夫師心自用者必墜先業大度能涵者乃成帝基昔秦皇下逐客之書故有土崩之禍漢祖廣容人之量故

收席卷之功由此觀之宰治者得士則昌而非人何理當賢人之未見信也抱關効職則君不見其才伏闕上書則上且疑其諂聘徵旣無其遇屏斥徒積其尤是故膠鬲困魚鹽尙父辱屠釣夷吾作士百里食牛同此遇也及其攀龍鱗附鳳翼運籌如指掌從諫若轉圜舟楫資其偉略鼎鼐握其重權賜几授杖而膺榮寵礪山帶河而受符誓傳之苗裔世守前型蓋世必有明哲之君而後有忠良之佐山嶽乃容土壤海宏始納細流鳳凰鳴以時龍馬出非偶書曰朝夕納誨以輔台德詩曰濟濟多士維周之禎故元首克明股肱必肆力若唐虞商周之主獲皋禹伊呂之臣蹇蹇匪躬師師在位神交心契喜起一廷雖烏獲挽千鈞師曠調六律未足以喻其妙也乃知聖主必擇賢臣以襄治理賢臣亦擇聖主以展經綸置腹推心翼乎若鷗鳥搏扶搖沛乎若鯨魚跋巨浪其暢心若此則道胡不洽化胡不神下舞上歌導揚宏烈內撫乎諸夏外綏乎百蠻鼓鐘之澤長金革之患息靜穆無爲之治雍容垂拱之朝屢獲嘉祥永膺寶籙何庸資震食溼學長生煉石凡丹求仙術冀超然絕俗離塵哉易曰上下交而其志同蓋信乎其貴同也

說文紀略

自爾雅出漢代而有訓詁之學許叔重作說文而有偏旁之學五聲清濁相生孫炎始作正音而有音韻之學篆隸古文異體學者務極其能而有字書之學玉海文字之學有三其一體制謂點畫有衡縱曲直之殊說文之類其二訓詁謂稱謂有古今雅俗之異爾雅方言之類其三音韻謂呼吸有清濁高下之不同沈約四聲及西域反切之類蓋說文非許氏創作殆總集倉頡訓纂班固十三章三書而成倉頡篇五十五章訓纂篇八十九章班固十三章凡一百五十七章以每章六十字計之合九千四百二十字說文序云九千三百五十三字然則說文集三書之大成兩漢訓詁萃於一書顧不重哉魏了翁渠陽雜抄載李壽新編許氏說文解字五音韻誼前後序了翁書後云有二篇皆巽巖先生文然則五音韻誼爲巽巖作無疑今所行本削去巽巖兩序不曉出誰氏文獻通考載其序於徐鍇繫傳下永樂大典又載於徐鍇韻誼下并悞

崇樸軒年譜 卷上



擬張茂先女史箴

太極始出兩儀是生日月流行剛柔以成庖犧畫卦爻始乾坤夫婦克立家道同敦維婦宜柔以順爲正淑慎爾容虔恭爾性彤管記言葭蘭居敬鹿車安貧牛衣知命衛寵南子娘子軍惑吳寵西施美人計得髣髴輕雲之蔽月飄飄流風之迴雪丰姿豔色遂以傾城而傾國妣氏爲締綌而治葛稱宗夫豈無倦恐失婦功敬姜論勞逸而績麻足風夫豈好苦恐失女紅理無盛而不衰物無滿而不虧如鏡之照如玉之持雞鳴宜慎彪吠最危苟不勞而思善而逸則生淫空庭寂寂綺閣沈沈德之不修奚以盟心斧之藻之無愧衾影內則莫忝中饋勝任夫巴姬埋璧懷羸奉匱古有斯人尙其鑒之勿驕爾志盈則必缺勿逞爾智巧不勝拙勿矜爾富炎炎者滅勿恃爾貴隆隆者絕畏夫多露懍厥小星鳩洲守訓醫野自銘豈徒以藍橋搗玉畫閣拉梅棄馮婕妤之勇而取卓文君之材故曰賢甚於美德甚於才三從堪守福所以來如增四畏恐有後災願告庶姬箴言其該

擬揚子雲荊州牧箴

赫彼荆楚居國南鄉江黃錯趾吳越扼吭武王授師漢東得志虜息屬鄧羣侯麋至歲
饑洿亟戎伐其東旬有百日始克諸庸厥貉次師莊用以霸子共不競乃避三駕懷襄
失政呂秦獠張降泊孫心爲人牧羊烈烈雄圖無主乃亂於赫有命聿歸炎漢焚歷蹶
辟更僕難稽皇天無親惟德是依凡百廢興敬怠迭勝小臣準古敢告執政

擬司馬長卿喻巴蜀檄

告巴蜀太守漢承天運威德及天下久矣昔秦人失道文教不興陛下卽位創道德之途開仁義之統尊崇孔子詩書絃歌澤被天下首重賢良雲漢作人昭回四海天降星辰侍帝左右大儒輩出策究天人四夷之君時効職貢望風引領不能自已陛下尙念政教未修流風猶微內之或犯義侵禮於邊境外之則邪說橫作於其上故遣中郎將往賓西蠲發巴蜀之士千人奉衛使者俾疏逖不疑修文偃武今聞其乃發軍輿制並令郡守擅發轉粟萬人此皆使者之過也當行者規避王事或逃亡自殺亦非事上之忠也且夫巴蜀之於西蠲猶雁門之於匈奴皆地錯犬牙時警狼烽耳然猶非有沙漠之界長城之險也曩者匈奴入寇擄掠民人俘馘牛馬近邊之士肝腦塗地陛下赤子斯民已遣六將軍追出顏山之外使巴蜀易地而觀其憂患何減於漁陽雁門哉夫開邊塞樹外藩陛下非詔長駕遠馭正欲爲百姓安堵地耳假令百姓素知禮義感戴生成方將賡偕作厲同仇枕戈以寢摩刃以須人徇疆邑如適樂土尋至封狼胥銘燕然而還豈惟是區區轉粟奉幣而已哉忠義憤於心則山河壯其氣此固志士仁人所當

盟胸而誓臚也。今乃不然。一奉幣至南夷，輒自逃亡，生爲不義，死爲無名。父母羞其無行，天下鄙其不忠。如斯詬耻，雖挽蜀之長江，巴之三峽，不能洗其被刑戮。尙何辭乎？然愚民不足責，搢紳先生、孝弟三老、民之領袖，胡爲教導不先，風俗不厚。至斯也，陛下方欲同文，八荒患使者之失宜，如彼悼百姓之失教，如此故遣信使曉諭發卒之事，開示忠義之心，已別有敕申，誠使者檄到，卽下縣道使咸喻陛下意，毋忽。

擬沈文修竹彈芭蕉文

淇園長楸幹臣修竹稽首言竊素叨君子之稱應少排擠之舉理宜勵節自安虛心獨
抱一任花消紅怨奚繫予懷那知草惹青愁何干已事詎今月某日忽臺西階澤蘭萱
草訴彼巖下靈根花中弱質端宜對月姊以呈姿迎風姨而擢秀孰意姑蘇臺畔甘蕉
一叢據地逞其根深障天恃其葉茂春風一度竟掩幽香甘露三宵敢欺嫩綠况復添
離人之恨助雨淒涼何嘗有正士之操隨風反覆包藏而心內有心蔓衍而日復一日
偷不白簡是陳任渠綠天僭號何能俾楓亭狀元文官貴人得以清風共賞涼月同邀
伏乞鑒我玉版繩之金科遣似黃州秋菊小謫同看例隨唐苑牡丹長途遠戍庶渭川
千畝獨對風流湘浦三秋共承雨露擗管不勝恐惶之至

招涼珠十二韻

大千世界苦炎熱節候非秋氣已殊寶紀燕臺將比玉涼招夏屋恰懸珠難忘暑意知
庚伏欲滌塵氛想癸符不借末光通火齊還教圓影澈冰壺午餘應向懷中滿亥既休
嫌掌上孤疊雪輕羅差可減含風細葛又何須擎來恍並蟾輝映拾去如隨象罔趨消
得煩襟除硯礫引從爽籟勝葵蒲誰誇赤野搜明珎自繫紅綰解繡襦色到平分時已
變輝同徑寸價都無千年偃蓋青松在四壁澄鮮白水俱窗外生寒猶有竹簾攏鈎起
更清娛

咸豐三年癸丑三十三歲

正月初五日赴署德郡兵事倥偬日夜刁斗之聲令人心悸冬月回家作酬秦嘉谷中

秋宴月詩錄原唱

酬秦嘉谷中秋宴月原韻

愧乏醇醪旨且多輪暉滿座映秋波梯雲有約龍騰海拂露無聲鵲駕河屢倒銀瓶須
縱飲狂燒錦燭任高歌團圞話徹袁宏渚玉筍班班喚爲何

正清談其子
姪約回家去

附原唱

迭擾郁香味多良宵攜手踏金波
珊臺水遠通牛渚玉宇塵清淨
鵲河月落樽前堪暢飲
風生座上且狂歌
空彈剝啜周貫聚首今宵興若何

咸豐四年甲寅三十四歲

二月初三日土匪隨粵賊上竄劫永興典擾各村予舉家避至蘇家上灣三月德安失守府尊易諱容之臨時下四學催團練札父藉差出城闔城文武殉難夏月收復後返署時署府張委各學查守城門父以逃難人生死係查門一言決意棄官適匪至城復陷父攜一僕出北門走予聞信帶傭人往德安探父踪羣賊肆掠之中冒險而行逃難者以予兩人爲瘋顛先至郭武舉家郭向有交情云昨午隨到隨走繼至白兆山山頂廟僧開飯店云有主僕二人昨晚宿此今晨向山南走予由山踉蹌而歸父已先至王家販之王天民家王與予舊好以虛聲駭之父歸家予亦歸相對而泣秋間累泛舟避賊於嚴家河九月予啟館於蘇上灣十月季弟赴京肄業解館示同學諸子二律

嘉平十六日解館示同學諸子

崢嶸數子氣如虹，列坐翩翩喜折衷。一瞬光陰詩卷裏，頻年咳唾雨風中。霜飛茅屋寒先逗，月到莓階影漸融。妙趣何時堪領略，三更茗碗伴燈紅。

自愧書難讀，等身偏從文閣望。絲綸荆華有意曾傾日，龍市前月入都肄業李徑無蹊不染塵。

簡脫殘編蟲蝕字，有人擔舊書來買聲喧古木鳥親人。無端紋別星迴日，且看春華轉眼新。

咸豐五年乙卯三十五歲

嶺月賊未退，本省停科。予擬應順天鄉試，中路梗。五月初偕方曰銘、錕、船上樊城。臨行時，門外賊火七處，父云：時事如此，不要捐官。由一路賊卡中過，至樊住數日，竟輜車走西路。行至葉之舊縣，遇僧王毛、勇大隊，駭甚。河北結得懷慶、趙陳兩人，伴車同行。北河寓中渠等，高興招引歌妓，並代予招妓，予拒之。渠以予出門，慎重益欽服。六月十三日到京，寓漢陽館南院，隨捐貢。考到錄科時，弟館江夏壬子傳臚、彭子嘉師、諱瑞毓、公館予與其姪冠卿。名祖壽，後冲戊午鄉榜官。四川知縣。越卿及何鐵生。名金壽，後點同治壬戌榜。江蘇揚州知府。奉旨建祠，始行入國史循吏傳。聚處甚密，旋拜子嘉師，並雲夢吳禹臣師、諱鼎元。道光庚戌進士，後官江蘇常州知府。送課文一日，吳師請客，首坐爲胡小泉先生。師對先生言：予爲同鄉中之工於爲文者。

予內愧焉八月六日彭師以同考入闈頭場首題我對曰無違予文合覆述語氣經房
考蔣霞紡師諱達呈薦主考原批甚優二十四日復閱批此卷三藝一律文到妙來時
也詩少研鍊出色之句以此見遺榜出鐵生高捷謁蔣師師甚惋惜來京帶銀百兩場
後存五十餘兩因道上不安靜留路費餘銀捐雙月訓導九月下旬出京仍走西路十
月到家捐事不敢言一日父檢予護書見捐號收條云已報捐應加滿三班並花樣道
上有各處留題詩

出都門口尚

梅曾冒雪開菊豈隨霜萎偷無霜雪摧樓豔遜桃李

題良鄉旅店

塵流征衣黑風凋客面朱社途嗟落落旅邸聽烏烏有飯非雲子無湯是酪奴良鄉風
味好但與故鄉殊

曉發樂城

未落殘宵月先聞枕上雞衾寒忘火熱霜重想冰漸煑酒人聲寂挑燈戶影低行裝初

檢點牆外正鴉嘴

湯陰岳廟

嘆息艱難百戰餘，獄成三字太模糊。
情同肅愍冤尤劇，才并汾陽福不如。
只惜書生來叩馬，空教大將忍騎驢。
梓鄉魂返終無恨，但恨君王朔漠居。

比干祠

古祠穿雲入雲開，屏山裏遺像肅宗臣。
有商曾專美，虛堂永馨香。盛德百世祀，當其伏
闕時。忠言眞逆耳，請除非法刑。天命泣不已，爲奴愧胥餘。
抱器歸元子，願將聖明戴。王室弭如燬，主德諫難回。
臣心剖不死，一腔忠義血。化作山頭砥，龍逢憂夏祚。
捐軀差可擬，巍峨棟宇旁。坏土留遺趾，碣題宣聖筆。
三仁首屈指，累朝崇節義。餘徽重仰止，遂令停輅客。
式廬將敬起，吁嗟乎大節留名幾。千秋長見墓門外，
水流而山峙。

殷比干墓

晚渡黃河

一渡黃河夜色淒，浮名幾載付輪蹄。
才如李白天難問，泣下楊朱路轉迷。
壯志奚隨流

水逝雄心莫逐莫雲低沙堤野宿無人問喜聽茅檐報曉雞
時九月二十八日卯刻抵
河北岸以兵差遲至酉刻

渡河上岸已三鼓就迎
下店未歇南岸站口

朱仙鎮題壁

卅載感滄桑驅車過大梁有心爭逐鹿無計悔亡羊地拓中原沃河流濁水狂請纓今
得路願與靖櫓槍

新鄭道中

村煙迤邐帶斜暉一望平疇萬綠肥更喜天光正點綴閒雲爛處雁橫飛

朱曲鎮謁子產祠二首

我行湊洧上東里紀名區博物眞君子文詞古大夫風曾消簡弔澤早靖萑苻惠德留
遺愛與人誦不殊
祠中額題
古之遺愛

怕聞繻葛戰先謁洧川祠姓字荒唐沒勳勞美錦施北門嚴管鑰東里肅威儀太息歌

誰詞馨香亘古垂

光武故里

天意仍劉屬真人起最奇英雄方有待謹厚竟先爲白水與終應黃圖定不移乃知龍
變化潛見各因時

謝光武祠

裕州北

崛起同開創中興局一奇丈夫當如此天下不難爲雷雨聲猶壯神明祚弗移赤符餘
炤在荆益又乘時

南陽草廬

先生抱膝臥南陽一入草廬歲月長天老其才趨管樂人欽厥志邁關張高吟早識龍

潛久小隱何須鹿逐忙幾頃躬耕留故址洲前猶記百花香

范仲淹有詩南陽有絕勝城下百花洲

臥龍岡

嵩山綿巨勢縈紆結得景岡隱蔽廬莫是龐公棲息處隆中相對意何如

昆陽故址

關東主氣本崢嶸何物妖氛肆戰爭應子曾推南苑國昆陽猶憶古時城天將小醜雙
爭斂地拓中原一掌平從此皇圖仍有屬銘勳萬里耀曉旌

止子路宿處

斜陽已滿山村煙猶含碧平臯日色暝未息征途役屢關隨月上山行共古驛歧路聞
犬吠投宿心計迫逸老荷鋤至欣揖劍佩客連畦露野白絕澗秋藤隔小徑穿桑麻繞
屋更幽僻敲門時繾綣湫隘復何惜新炊羅酒漿深情感疇昔伯仲更循循拱手肅前
席更殘還不寐燈火照盈宅長途懷步趨今夕是何夕

新野道中早行

半載留京懶記程籃輿襖被客裝輕綠陰不是來時路黃葉村中趁早行
平林野樹日光寒霜落輿梁曉未乾歲晚還家無別事閒庭繞鄰話團欒

舟次襄陽望鹿門隆中諸山

岩巒隱隱夕陽烘一路輕帆趁晚風遠市沙煙穿樹黑隔洲漁火襯江紅山形如馬重
巒上鄉思撩人一劍中客路星霜誰與覺移舟泊渚聽征鴻

峴山

秦關連蜀棧荆北走奇峰剩有遺碑在何緣叔子逢陟山應墮淚置酒偶留蹤明日襄

隄路蒼烟又幾重

樊城

古城勝蹟久荒涼老樹疏輝淡夕陽山甫而今留舊烈鄭南山水自蒼蒼

晚泊宜城

月下風清絕點埃扁舟繫纜大江隈宿鷗亂叫蘆花岸叫破遊人夢幾回

咸豐六年丙辰三十六歲

三月專足到京加三班並花樣同卯五人簽掣第五以爲無望選第一李國華第二李

繼章均未註冊扣選第三吳道灼第四吳道亨十一月選黃岡黃陂缺十二月接弟家

信可以望選

咸豐七年丁巳三十七歲

正月選天門縣訓導二月初五日得報四月作燕詩五月下省領憑撫臺胡文憲以防

務吃緊註紮下游省垣警報日數至各門防堵嚴密每日奸細入城盤詰明白登時正

正法予寓漢陽朱雲陔學署

名鳴璣道光己亥鄉榜官漢陽教諭刊味蕉室文稿天門人

藩憲馬牌示六月十九

日考驗向西舫選江陵教諭是日同考予卷取一等稟見時云予文未荒而詩最佳西舫同縣名孝廉年又居長以此氣沮六月到天門隨上府本缺署事王策六早上府送考府尊翼幹亭以先入之言有意俟府試畢策六交卸予以恐悞硃限爲言得同事等解說幫銀三十兩始交卸東齋汪岷峴泉襄陽拔貢工書性伉爽以予初任又無科名諸多慢易應辦公事飭學書請予起稿予辦理裕如閱數月有自今請雖吾家聽子而行之言考棚燬於兵府尊面諭各學向應試之有力者勸捐贖金續修同事唯唯無一言予對府幕車某言須府憲下札方可取信於人車韃之下孔催辦尅日興工同事有藉此染指者予則滴滴歸公學憲馮展雲十一月按臨府尊以此事向學憲談及予不知也考畢傳見學憲向予言汝公事明白宜加勉監場時見胡魯笙喬年鄭雲卿子兆程秋臬炳氣宇軒昂目爲邁衆之才三人同入學胡生後中己未鄉榜同治戊辰進士入詞館放雲南主差官至翰林院侍講鄭生後考取辛酉拔貢官陝西西安府知府程生後中同治壬戌鄉榜考畢十二月回天門家屬十月先到署燬於兵公館租北門外東齋汪郡中交卸咸寧陳愚溪國正到任道光甲辰舉人存心厚而處事光明郡中同寓甚相得也郡中作留題古蹟四首步學憲韻二律題貞烈一首

燕正月選天門訓導除文將室初夏見梁上巢燕呢喃感而賦此蓋倣香山集中之燕示劉首而作也

書簷雙燕入雄雌各自鳴忙巢苦銜泥巢就四乳生乳生翼而長飽食愛香秣爲戀巢中飢不惜往來頻勤劬剛一月心力每自縈呢喃告之語毛羽豐且盈雛肥母已瘦雙雙辭綵楹長空翅不回一瞥萬里征雌雄長寂寂終宵常屏營梁空落月照啁啾百感成燕燕爾無悲爾何思爾行爾自爲雛日高飛早背盟老燕思爾意今朝爾自明願語蚩蚩氓人重物自輕寸草報春暉慎勿蹈不情

宋井

磬石苔封古闌干井畔疏詞源傾萬斛德澤被三閩芳接梅仙宅流分楚子居心澄原似水千載仰誰如

孟亭

千載風流擅長才不厭貧蕉衫留畫像梅雪寄詩人石刻鬚眉古堂開草木春微吟憑曲檻輝鎖漢江濱

陽春臺

一覽春臺上襄王勝蹟傳笙歌飛暖響松柏鎖蒼煙郢樹環城古荒苔帶雨鮮芳辰吟
白雪麝墨灑花箋

石城

屯兵羊叔子白石壘城頭郢樹圍山列襄波繞郭流千堆雲氣護一代戰功收簇簇深
紅露墻邊壓酒樓

步馮展雲學使試院落成示諸生原韻

戴匡星采煥輓旌天使遙臨肅奉迎嶺表東來騰紫氣燕臺北去著英聲如山望重當
前仰似水心澄徹底清下里初霽新雨化轡軒莫漫促歸程
珠宮貝闕廠蓬萊廣廈重逢籟俊開豈有文章迷五色還從雲物望三台姓名早兆金
甌卜狂狷都歸玉尺裁喜造鳳樓賢郡伯葱葱鬱鬱氣佳哉

附原作

梅花晴雪映前旌駐節江臬候吏迎望裏山川留霸蹟亂餘風雅得遺聲郢歌上接
三閩響漢水遙連七澤清獨惜馳驅當歲晚春艸再訂隔年程

莽莽邱墟闢草萊崢嶸使館極天開衣冠氣盛誇都會奎壁光明應上台南郡徵文
情並遠石城訪古句能裁蘭臺更待重修葺好對雄風賦快哉

題潛江張女貞烈

我聞沱潛之水清且漣鬚眉隊裏多英賢又聞沱潛之水清且冽巾幗叢中多奇節不
然張家有女初長成十年待字尙守貞自古艱難惟一死胡爲抗節忍輕生不事嚴親
事慈母茹苦含辛助孀守相攸欲卜敬仲昌得婿喜爲康成後文郎椿萱已久違攜囊
暫向外家歸鏡下玉臺新就館絲牽繡幕靜依幃聲息相聞不相見朝朝莫莫閉庭院
會須標梅賦有期畫圖省識東風面消渴忽惹病魔侵賦鵬實傷弱女心秦樓未及跨
雙鳳拚將一死試吞金香魂渺渺歸泉下栢翠松青恣凋謝夜臺有客含笑迎生不能
從死必嫁吁嗟乎大節凜凜著人間逝水東流去弗還遙望山頭女貞子莫教人擬望
夫山我因擁旆駐鄰邑維持風化須盡力旣信芳聞有遺型敢惜齒牙向人說轡軒採
風過是鄉定發潛德與幽光倘攜樽酒墓門奠豐碑合睹姓名香

咸豐八年戊午三十八歲

毓長毓麟從李琛圃先生讀正月庶母迎養到公館三月二十一日毓長完娶幼聘妻兄方易

予假歸四月送考安陸府考畢回署本省有科場並補行乙卯予每作文必與愚

溪商愚溪亦就題擬作裨益良多六月奉委識認差省中除公事外總以讀書作文爲

要七月學憲病武昌府如代考錄遺委予監場適有極相契之世交以關節示予予恐

悞渠事場中記而不用事後與知已談以予爲笨拙予不悔也同寓李琛圃先生及其

子姪並胡魯笙頭場首題夫達也者全節予以題理深細殫精竭慮出場頗勞頓適接

父專足信並高黴參信中有攜入場中不無小補頭場想必用心題目開回二三場只

要不礙中不必過費精神八月初八日景東堂燈下草初十日收檢考具地下遺有紙稿乃魯笙

三文一詩機神洋溢氣體清華是考出房下科獲雋足見文章有價不專以命運論場

畢回家省親隨到天門三藝輕愚溪滿批以爲卷已發刻榜揭並未出房愚溪惜之范

鶴生太史爲予父撰七十壽序十二月二十八日長孫女生郡中作解佩亭古蘭臺二

律五月作送陳愚溪晉省省親古風八月作同陳平山遊湖玩月二律擬古五首

解佩亭

花滿長隄外，萋萋草結茵。飛仙留幻迹，遊客悟前因。夕照空亭裏，東風淺水濱。漢皋問
眺處，煙樹自芳春。

古蘭臺

雲樹蘭臺古，煙巒出郢中。調應分雅俗，風早辨雌雄。臣主情何壯，賡歌遇亦隆。登高能
作賦，異曲本同工。

送陳愚溪晉省省親

人生寡性情，相投只意氣。人世輕別離，相睽誰歎歎。當其締交時，自忖翻無謂。去冬共
寒巖，覩面稱知己。簿宦奚足榮，盟心差可喜。挑燈記雨夜，揮汗亦若此。有時抒幽情有
時闡，宗旨階閒。峽蝶飛清談，消晝永。乃觸庭幃，想柔榆。戀莫景，墻頭雞犬聲。林外梧，櫟
影感。此傷霜鬢，一一榮。旅懷所嗟在，匏繫莫由賦。歸來從事，豈獨賢得間。任溯洄，一帆
返故廬。那費金錢，卜早慰倚閭。心登堂，誦戩穀。蘭芽更繞膝，奇珠弄一斛。君不見竟陵
城下月，獨賞興易闌。東西湖上花，獨遊香易殘。登高翹首武昌路，望勿羈久愛團圓。

陳平山司馬邀同項子琴譚進山游湖翫月

龍塵歸來晚興多，同人有約泛秋波。
東湖水淺鴻留渚，北斗雲開犢飲河。
露頂脫巾揜醉飲，停橈散髮試新歌。
吳天煙月今安在，一往情深喚奈何。

頻年枯水警機槍，湖上重瞻日月明。
地近龍潭浮一葉，橋連雁址逼孤城。
泉香品得詩脾沁，荷影穿來畫稿成。
我是晴川招隱客，願將風月話平生。

埒平山和作

十里平湖景物多，水晶宮裡漾晴波。
偶邀勝侶思拏棹，豈意嘉賓似隔河。
濁酒數樽成薄醉，清談半日抵高歌。
知君乘月獨歸去，太息其如良夜何。

年來且喜掃天槍，德仰晴川分外明。
茅屋灤洄巾柘水，藕花環繞竟陵城。
欣逢佳日約重踐，飽讀新詩和始成。
累幸兒曹沾化雨，絳紗帷裏拜先生。

擬杜工部重過何氏五首 原韻

記得南塘路，開緘又賜書。
欣添閒歲月，酷愛舊田廬。
竹護籬閒鳥，蘋喧澗底魚。
卽今重命駕，好景憶村居。

誰掃將軍榻，幽棲幸未移。
尋花穿鳥道，隔葉喚鶯兒。
屋矮山排闥，箏彈水滿陂。
此中饒

逸興曉日挂疏籬

旭照迎人處清溪吠犬時欣逢招隱客早賦逢初詩蝶惹枝頭蕊蛛添屋角絲莫嫌來往熟攜手更相期

谷口情何限濠梁趣更長評花停酒盞話雨試茶槍石磴陰垂柳藤床夢熟梁和風潛暢否噓植問東皇

鴻爪曾留跡依稀憶隔年出門尋故徑回首聽流泉破惜秋風屋貧憐負郭田斯遊真不俗樂趣任陶然

咸豐九年己未三十九歲

正月人日父七旬正壽予假歸効舞斑衣隨賓臨祝旋迎養到公館監修齋署七月署工成父回家予課仍與愚溪商多匡我以不逮此次

恩科首題子曰爲命一章予文側重子產三藝尙愜心出場回家繞鄕數日父飲食如常精神步履尤健心喜以爲愛日方長予赴署父以南北榜揭報罷心甚怏怏九月杪忽受外感身熱日劇十月初三日予得信回家侍疾無狀竟以是月初十日亥時慘遭

莫測享年七十季弟遠羈京華予與長兄親視含殮萬死莫贖身後一是如法部署停
柩中堂十一月接愚溪唁信以予久不獲奠抱憾終天慰以七律四章中有錢選暫留
錢府外玉活遠待玉人來

是科典試者錢實青故云後甲子主考王
珊名應詩中玉人滿擬必售仍未如望

二月作復

柬陳平山二律

復柬陳平山原韻

平生書愧等身多碧沼無緣挽頽波偶觸詩心懷舊雨曾從辯口警懸河十年好夢尋

浪水

隨任安陸
學署十年

兩度春臺續郢歌

丁巳戊午
送考安郡

太息伊人長隔水新恩近日又如何

門第吉祥饌歛槍芹香並撥厝朱明銀章世緒培心地枯水家傳托面城喜有高人酬
夙願貽來鉅製本天成青氍愧我無模範願共嚶鳴賦友生

咸豐十年庚申四十歲

二月阡期就設奠如儀丐愚溪以題主事愚溪來卒事製輓聯

尙餘一派家風
水湖邊人似玉若

問當年化雨
陽道上口成碑

並題主祝辭初八日出殯於古隄河先母墓左大事畢仍啟館統

長統麟兄子統驥並劬於學文章詩賦咸覃精求工經書亦刺得要旨且謹循家法予

心喜之。下年起造新屋。湖南河口兩次購料。以用人不慎。船水失事。乾沒二千餘金。屋工年底尙未告竣。九月十九日戌時。三子毓恩生。

咸豐十一年辛酉四十一歲

館如舊。毓長毓麟毓驥同讀賊踪。去來無定。本省停科。木瓦雜工日數十人。逐件稽核。無暇晷。一切照料。多仗內助。九月始落成。十一月卜吉入宅。愚溪來盤桓數日。去時攜

手河梁黯然魂銷。所謂相見時難別亦難也。十二月十三日毓麟完娶。幼聘天門劉卓菴之次女

閏二日岳父朗山公謝世。享年七十五是年二月予送府考。毓長毓麟並取前列。髮捻上

竄。黃孝漢陽戒嚴。適學憲扁試。經古午刻。信警士子盡放出。予率毓長等連夜走蔡甸。

次早漢川縣覓船回家。作東陳愚溪四律。

東陳愚溪

別來身世兩磋跎。回首眞同一夢過。造命文章緣我拙。隨時閱歷向人多。蝶階風雨增詩感。蝸舍星霜肯浪磨。猶記竟陵湖上月。同遊消受好煙波。

無求何地不神仙。矧到林泉結夙緣。曉陌鞭催牛背雨。平湖權起鴨頭煙。酒醒任我傾

三爵書悔遲君讀十年贏得諸兒閒詠史傳家似勝囊中錢

那堪家事耐勞支細檢殘編爲課兒荻筆初塗蚊字戲桐花忽折鳳鳴枝最憐玉燕投懷日難遣明珠脫手時長把心田資灌溉養成丹桂傍書帷

清名清福足盤桓絳帳高懸屬此官顧影空憐匏繫日頻年冷對首盤餐蒼顏那惜黃金駐粟里早將素志完翹首蘋花溪上路秋風約我憶張翰

同治元年壬戌四十二年

館如舊二月服闋學憲買小樵歲科並考予送考赴郡寓東門外香瑞菴毓長毓麟毓驥先後兩案入學予錄科取闈府第一同考者以爲極盛時有同寓之伏烈五漢陽道光辛卯

舉人向予言好事不多得予深佩其言秋閒恭逢

御極恩科頭場首題子曰古者言之不出兩章毓麟備薦場中憶先父見背時以予等科名爲念不禁泣然毓麟三場過耗心血入場大受擁擠得氣喘症竟於十月初十日資志天予思伏君之言益信好事真不多得也是科愚溪少君宗岱中式陳端人中式來謁名子楷同治乙丑進士官陝西武功知縣十一月十九日季女生許字瑞
告歸後主講晴川蒲陽各書院應城人

卿之子名德望
巳四月出閣
作經解一篇雜作四篇大隄曲一首太白樓聯

平章百姓解

自古文今文之體異而訓詁遂歧出其說書平章百姓平字史記作便大傳作辯學者不求諸聲音之相通而但泥於形似無怪謬誤之日滋也九經古義據說文采辨別也讀若辯古文作𠄎與平字相似說文𠄎部古文平作𠄎謂孔氏襲古文誤以𠄎爲平訓爲平和失之矣毛萇解平平左右曰平平辯治也服虔亦曰當從古文作𠄎夫平訓辯治可也必謂爲古文𠄎字之誤則說文𠄎字註何以不引尙書乎考劉愷傳班固傳註並引書作辯章百姓鄭註云辯別也蓋鄭從作辯之本故云然偷古作𠄎鄭當日𠄎古辯字或曰𠄎辯別也非此之例點竄古字率意改爲辯則後世臆度者之所爲其於話經之體不大相刺謬哉又案蔡邕上封事曰更選忠清平章賞罰平章本於堯典白虎通義引尙書曰平章百姓曹植求通親之表亦引傳曰九族旣睦平章百姓此皆在梅氏古文未出以前而皆作平不得以爲𠄎字之誤也明矣總之古字可通而音義相近辯與便之互異者平字古音在耕部便辯二字古音在眞部眞耕二部字音最相近故易彖象傳屢以爲韻大戴禮少閒篇天政曰正地政曰生人政曰辯辯與正生爲韻

非其明徵與况平與萃通辯與徧通說文踰字註曰讀若萃或曰徧然則平辯二音可以相通矣而其簡明切直者尤莫如五帝史記紀註小司馬之言曰古文尙書作平平訓便因作便章其今文作辯章古文平字亦作便便訓辯遂爲辯章此可以定尙書古彖之譌而辯章便章與平章不過傳寫之異其體耳百姓孔穎達註尙書如堯典禹謨湯誥盤庚泰誓酒誥君奭呂刑等篇凡數見皆指百官言惟百姓有過百姓懍懍乃專指民言夫百官謂之百姓者在左氏云天子建生因生以賜姓謂建立有德以爲公卿因其所生之地而賜之以爲其姓所以明王者大公無我之心任賢而不任親義至大也名至正也故蘇軾亦以百姓爲指國之九族而言民之望也其首變古義不用百官之訓者始於蔡傳因有黎民於變之文恐語義重出於是謂百姓爲畿內百姓黎民爲四方之民抑知聖人之視民一而已時雍之治光被之休無遠近也豈畿內之民宜平章而四方則置之四方之民能於變而畿內仍未化乎此則扞格之說也况如蘇之解則堯能正身以正家正家以正百官正百官以正萬民其秩然之序不紊矣故當以孔傳爲是

熊劉二公詩集序原

谷樓巖飲之士素無肯名有所撰著必假登高者挈之以行如左秘書賦成必請序於元晏先生是已若吾楚熊劉二公文章膾炙海內余束髮讀二公制藝賞其古調高唱謂此乃班馬手脫爲詩歌便與屈宋分席惜其集不傳幾有疑子固爲未能詩者癸巳司諭石壇得二詩抄本珍同瓠史辛亥秋教授沌陽搜求家藏校讐亥豕而彙梓之願始遂嗟乎詩文一貫耳而兼者頗難操觚家每爲帖括所縛固不克咳唾珠璣樹幟騷壇而潛心推敲者縱使指畫旗亭制舉者則又罕工焉豈精有專注未暇旁及歟將韓柳歐蘇之俱優者異代遂難嗣響與得熊劉二公乃知兼才大力雄視一代不沾沾以詩名家自能分八股之餘與王阮亭朱竹垞分道揚鑿豈不偉哉獨念二公自開國以來名在天下嗜其文者諒皆欲誦其詩卽吾楚汲古情殷繫豈乏人卒未有並稱而傳者且使余非棲遲郤月又安得克償夙願是余之來漢若專爲茲役而來者區區韻事倘亦有數存耶旣成爰誌其顛末於首以見吾執鞭欣慕之意云

騶虞解

詩召南吁嗟乎騶虞毛傳騶虞獸名白虎黑文不食生物詩序云仁如騶虞則王道成蓋以人君有至信之德則應之召南詩人所以歎騶虞者猶周南終麟趾皆取義於仁獸也韓魯兩家則師說各異其謂騶虞爲天子掌鳥獸之官賈誼引詩云壹發五豮吁嗟乎騶虞騶者天子之囿虞者囿之司獸者也宋范處義解頤新語亦謂文王以騶牙名囿虞爲虞人案諸異說皆由射義天子以騶虞爲節樂官備也以官爲騶御虞人之官不知所謂官備者謂壹發五豮喻得賢之多足備其官也且周南以麟趾應關雎召南以騶虞應鶉巢正見王化旣成衆祥畢集以麟趾美公子以騶虞美賢才皆取其仁耳陸璣詩疏騶虞白虎黑文尾長於軀郭璞贊云怪獸五采尾參於身矯足千里儵忽若神是謂騶虞詩歎其仁中興徵祥說天下太平則騶虞見然則釋騶虞者當從古毛詩說爲允

七澤考

七澤惟夢雲見於經隄略云長武安襄荆岳爲古七澤地宋代將湖渚開田故七澤獨
雲夢存焉或謂一澤而每處有名東抵蘄州西抵枝江京山以南青草以北皆是合之
爲一分之則爲七然考史記越世家有竟澤陵司馬貞索隱云竟澤陵當爲竟陵澤楚
有七澤此其一也又湖亦爲澤吳之太湖名震澤楚有洞庭青草二湖謂之重湖見張
舜民南遷錄杜預春秋釋例云南郡華容縣東南有巴邱湖江南之雲夢也則洞庭青
草當爲二澤矣又藪亦名澤故職方合言澤藪鄭註云大澤曰藪國語王孫圉對簡子
曰楚有藪曰雲連徒洲金木竹箭之所生則雲連徒洲二藪當爲二澤是則七澤云者
雲也夢也竟陵也洞庭也青草也雲連也徒洲也爲澤凡七如此蓋江南北皆有澤而
全楚諸水包舉其中矣

蓮爲君子花贊

磊磊天懷世故不撓矯矯胸臆退息居貞臨流濯足抗古振纓澄而不淆濁而能清何以不淆與人無爭何以能清淡泊寡營彼君子兮誰與競美瑟瑟清波盈盈隔水慕可依紅裳還集紫有花曰蓮差堪比擬嘯錫嘉名濂溪周子霽月光風清白自矢秀擢天然淤泥不滓緬彼芳葩心乎愛矣淨植亭亭珠盤瀉露興懷美人不虧其素清風落蕊翠蓋高懸景仰名士自全其天照水一枝籠煙數點牽帷佳客凌波冉冉紅粧欲墜白粉欲攢納涼公子垂佩珊珊芳心不改古貌若矜手持一書太乙上乘供像如來神通姑射名呼兩字長庚下謫中通外直俗燦不侵如彼七賢隱於竹林養晦全貞清標淡冶宛若耆英聚於洛社孤傲曼倩牢騷靈均浣花詩史帶草經神窮形盡像擬必於倫蘭蕖葳蕤芍開綠繡桂馨秋山槿秀籬曲及時敷英亦堪興觸較茲靈修擬於未足月下解語花中免俗步豈託金德將比玉似此清操羣芳罕匹不蔓不支春華秋實大夫蔥蘢青士坦率未染繁華同稱秀逸此花此人斯真傑出

菖蒲拜竹啓

越百草先生謹啓淇園瀟灑侯竊素疏主人之間少修君字之儀自慚叢生引年無術
擣抽芳池茸含幽谷撐一拳於沈宅挺九節於嵩峰未奉執鞭之命詎工佩劍之容固
嘗對月姊以呈姿迎風姨而擢秀乃遇此君面目森然虛懷可挹勁節獨敦等葵傾之
必向如柳起而忽眠參從上界擣起垣衣伏在下風東來苻帶顛似南宮疑稽首於石
丈臥推北牖同折腰於陶君拙枕雖効蚩鄙未泯臨啓慚慙罔知所措謹啟

籌江議

長江之險稱爲天塹爲內地扼要之區顧攻守異宜古今異勢自來名臣良將各有方略總而籌之大要有五不過練水師結聲援據要害募義勇峻賞罰而已江自巴梁而下迢遙數千里若處處設防兵散則力分力分則勢怯猝然有警水陸中隔勢必首尾橫決不能相顧惟嫻水師輕戰艦順流則瞬息百里逆流乘風亦堪破浪直如越子旬卒誤吳李庭芝之輕舟犯圍虞允文之海驍衝敵韓世忠之大鈎沈舟岳少保之流草止輪畢再遇之傳囊人以破水櫃王濬之下樓船以破石頭種種奇略俱以舟戰取勝近今礮船尤爲超絕前古能守能戰則練水師其一也然水師輕銳若兩岸無備猶恐前後受敵須於岸上鱗次爲砦以作應援如宗澤造連珠砦山水砦連接之法而其最詳者如汪信立百里爲屯十屯爲府之議無事則泛舟長江往來游徼有事則東西齊集戰守並用刁斗相聞互相應援以爲聯絡之計則結聲援其一也夫應援之法亦須扼險以重兵駐大鎮以精銳守要隘方無老師費財之憂守鄂之法明崔文榮謂守城不如守江守江不如守漢其說尙矣然古今異勢彼敵來西北則漢陽爲鄂城之保障

此時逆在東南則潯陽爲全楚之門戶必分守門戶隘口復以礮船橫截中流方有可據之勢蓋自上下竄非得風則挽舟爲難故防之在陸路兼備自上禦下但順流則長趨甚易故破之則礮船尤奇至江南之地昔人以淞河口瓜洲口合肥等處爲險隘不知畫守江南之策固應如是若攻之之兵但屯江北諸口則江南猶有長江之險可恃不若多備戰艦彼出則我乘其後彼運則我絕其糧長江之險我獨有之則據險又其一若夫行師之時官軍之堵禦難周鄉勇之情形最熟當勸沿江州縣各立義團以助陸軍聲勢或五里置一信礮但聞礮聲卽同赴要處自保鄉村戰則官軍在前義團亦可互作接應更多募漁人篙師能習風濤者充當水師有能如入河之古冶游涌之閻敖及李庭芝應募之水師鋸星樁奉臘書潛行數百里者重賞以收其用則募義勇又其一古人行軍賞罰並重而新撫之民恩賞尤亟夫賊肆不義擄掠我民人劫奪我軍糧彼方借吾民以爲兵策其破之之法有二一則如宋相李忠定公禦金之議置官招撫擇有材力者用之有能全一州復一郡者加以爵位非惟絕其從敵之心並可資其禦侮之力一則如春秋治區夫取費之法寒者衣之飢者食之爲之令主而供其之

困費來如歸南氏自亡凡茲二者原自相因故先以恩德誘其投誠爲破敵第一要術則峻賞又其一也由斯以言峻賞以來之義勇以攻之阨險以圖之聲勢以震之水師以截之加以慎碩謀應機宜則採樵以誘絞曳柴以敗荆縱火鑿魏背水以破趙神而明之存乎一心固非方略所能籌也

大隄曲

大隄襄陽地名
王誕始作大隄曲

沿隄漢水流春來泛桃花停機襄陽渡沽酒問山家山家住何許長隄巨修路朱扉雙
銅鑲青山對朝莫莫復朝朝遊人淚滿橋垂楊三萬樹樹樹隱鳴鑼高陽酩酊下倒
醉聊復爾東風江上來吹綠門前水水流花自香低頭弄鴛鴦鴛鴦自雙飛行人枉斷
腸

擬太白樓聯

酒縱能豪有心捉月非關醉

仙何可謫搔首問天不礙狂

同治二年癸亥四十三歲

館如舊正月髮捻二賊交竄浮家泛宅迄無甯日幸而雨暘時若春秋兩季豐收本地

土匪不至助亂耳三月二十五日戌時劉媳得遺腹子

乳名
小麟

同治三年甲子四十四歲

館如舊賊窟至狼奔豕突遍於各村全家避至青林嘴及楊腰陂等處或舟居或結簾

爲棚居一日予乘閒回家探信值小雨踏泥至後山遇捻逆二人持矛呼捉捉幾被擄幸脫虎口四月初八日長兄住宅被燬大板

御纂七經朱子綱目因避賊移兄廳樓亦被劫自後盤踞予家多次衣物搜盡市中正街招賊火殆盡七月賊退遷葬先父先母於游山祖塋前事竣赴科場首題求也干室之邑三句予文緊按題界劃清下句而司衡者偏以倒攝下句爲得解毓長出場呈稿予以溢下訾之竟擬中數日額滿見遺自古文章無憑只求當閱者之目予文與主試者相背其見黜也固宜約內紳耆議赴縣呈災代擬稟稿正月愚溪奉諱開缺回籍避亂舟中作述懷二首

約內報災稟

爲瀝陳實災籲恩賞準備案事緣生等居鄰柘水籍隸芝山土瘠人貧載在古志女憧男慤勉爲良民矧自福星臨泄以來甫洞悉乎民艱旋剔清平吏弊晴川雨肅元氣深培澤國春回先聲早樹懸蒲績著何致警來萑苻拔薤風清豈同植并苗秀乃今歲農功伊始賊勢忽猖豕突濫水之隈蜂屯洞夫之里被芟夷者方三十日遭荼毒者已數千家於斯時也子婦倉皇丁男縱逸棲何暇於擇木避幾同於奔波賊乃思作檻以圍熊頻張人網等提筐而捉蟹多設鬼機惡氛燭天頓教燄遮紅日愁聲滿地可憐慘逐清流而且肆怒而假祝融先鋒而持大蠹山無艫其迷霧室有雀以穿雲旣入豺虎之圍何異魂飛湯火縱結魚蝦之族依然命寄梗萍乃軀罹凶那得祿孫之翼若翁被創空聞紹祖之號痛骨肉兮淵沈沈災並遺於黃口導奸回而草竊人誰矢以素心至於彼方跼篋而倒囊我已懸釜而墮戶儲無儻石搜盡東室之箱剩有糟糠撲殘西鄰之甕將委溝而逝矣挽粟無門欲制挺以撻之雪仇何日泊夫大兵雲聚小醜水消欣渴鮪之再生嘆哀鴻之重集驚心夢寐怕聞狗盜之聲觸耳訛傳誤認狼跡之迹由是鱗原

躡躡蛸戶淒涼麥已過夫有秋呼庚不輟秧禾分於初夏熟酉亦遲加以擾攘之形上
干天怒沴戾之氣隱懼神詠鋤禾已歷五旬洗甲未逢一雨詎遭楚炬而有土皆焦幾
類秦鞭而無田不石伏惟仁憲關心民膜當日時艱黍雨頻施棠陰廣被消一方之疵
癘憫四境之瘡痍悔從前暴日炎歊當思災有由致冀此後仁風照拂何敢匿不上聞
用縷實情俯希霽鑒

夏日避亂舟中述懷二首

鞭來鹽車上太行，駕得買颿下瞿塘。縱然莫避前途惡，強之使前鮮不卻。羸馬扁舟行本遲，曲港通衢隨所之。豈知世路多凜冽，彼車之裂不躡於山。躡於山躡於垓，此颿之倒不墜於灘。墜於灘。

薰以香熾本自燒，膏以明生還自煎。雄雞禪懺斷其尾，散木空山終天年。嵇康鍛柳索素琴，李斯東門憶黃犬。塞上不逢翁相見，此中得失復誰辨。

同治四年乙丑四十五歲

是歲賊未至，累受虛驚。名場久不得志，文課閣下，間取周景一山洋指迷，下應天雪心賦，并廖公入式歌及疑龍撼龍經，閱近數月。適京山秦君聲菴來家，約同出門看山黃。孝安陸雲夢應城各家已發之地，聲菴詳爲指示。回時仍取各家書証其形勢，巒頭頗得粗跡。八月代方易之作重修鳳凰臺觀音堂，引九月歲考。毓長取經古正案取一等。十一月初七日亥時，季子毓澤生，十二月十八日申時，長孫爲珠生。

重修鳳凰臺觀音堂引

自黃帝稽首於崆峒教宗元室盧敖置身於汗漫化啟空門故玉宇瑤房照見千門月
色紫清丹極飛來百道泉光蓋大衆以佛法爲皈依而神明藉禪林爲棲息有由來矣
吾鄉鳳凰山麓舊有觀音古堂迨久歷天星霜遂頻穿夫鳥鼠况夫粵氣大熾楚炬同
焦昔也棟折榱崩幾危燕幕今也芟藁闢棘徒切烏瞻某等思頂禮而無依悼神靈之
靡託爰就廟中之香火儲爲修復之錢基十餘稔資息相權數百纒欸籌立就將庀材
以率作擬諏吉而圖功第大廈之支難憑一木而成裘之腋動集千金倘蒙接引之方
同襄善舉各獻菩提之願廣結福緣庶幾廟貌重新神光普照招提大啟祇園作選佛
之場舍利宏開玉女成散花之室是爲引

同治五年丙寅四十六歲

是年秋成豐稔春夏以來賊踪尙遠地方安靜六月中旬毓長下省捐主事十月小麟病痢殤十一月賊大隊由皂市下窰附近男婦扶老挈幼紛紛四逃予家正在收拾外面喧傳賊至全家倉皇出走覓舟渡青林嘴望見市上火起典房被燬夜間歸來搬運衣物糧食年底始回小除夕又有警信旋走旋歸

同治六年丁卯四十七歲

館如舊正月賊由京山下窰曾菊舫

名彥齡道光甲午鄉榜

由京山教諭假歸挈眷住予家兩

日回縣城本地地震數次毓長三月進京簽掣刑部分貴州司行走四月十五日賊退以後未來毓長應順天鄉試予七月下省科場首題子曰君子上達兩章予文前提後東中間兩大比切實發揮詞氣充沛淋漓名以燦後中光緒己卯鄉榜許爲必中八月二十三

日襄隄潰水至門外九月榜揭南北報罷時有父子相夷不能同居子逸父緝之幾釀莫測予匿其子於家闔數日機洩移匿於隔河之某家再四以血性勸其父飭其子以不孝卒至父子感泣相受如初陰騰文勿以小利使人父子不睦予惟不忍坐視父子

之不睦耳

塲後花園山下書懷二首

黃鵠何矯矯側身澗底鳴本有四方志詎甘一飽營養成冲霄翅萬里恣長征飛鷁不
敢近豈容鷓蚌爭東南苦喋血此心早怍怍雖無填海木攬轡志澄清龍淵如可淬誓
刃橫波鯨仰視北斗高計日掃檣槍

武昌月好別經秋坐對名花分外幽欵塞無聲憐遠雁臨波有影悟游鯿拋殘午夢書
猶記報速庚郵筆欲投歲久何堪馳羽檄願偕薄海賦同仇

同治七年戊辰四十八歲

是年未收及門送課五人去年十一月學憲張香濤後官兩湖制軍下觀風題予代姪丹泉改

全卷列正取歲攷入學

同治八年己巳四十九歲

送課者如舊予作文不拘課期得題即擬三月胡生魯笙來謁留住兩日深以予科名
久湮爲念五月有人邀往洪山看祖塋便道肩輿赴咸寧晤愚溪相隔五年鬚髮半白

握手而泣住數日肩輿送省行至紙坊山水阻之易舟輿人轉愚溪詰以易舟之故輿人言詞含糊渠不放心專足持信走予家探問予月之十二日到省覓舟回家十三日新溝上舟人不慎槳失於水詣岸向下流索之予坐舟中心怖舟人拾得槳日莫風雨大作不能行泊隄下予益怖黑夜冒暴雨上岸岸側一窰就窰棚避雨坐一夜次早天開舟中行李衣物被雨溼透戊刻順風到家內子病十三日晚開更劇是夕乃予家一隄也醫生陶青元在家調理數日全愈十二月市中因演劇口角相鬪方姓人受屈鳴鑼集衆將械鬪以洩忿並聲言先擒市中喝令人某予族衆亦各處借兵器以相持有懼禍者向予言予說萬不可械鬪伊言有騎虎之勢予當夜作書切責妻兄易之並學生古五蘭卿謂渠等不卽時解散將來釀成大禍悔之無及閱信後氣稍沮而洵洵之勢尙未全消時族人將竹矛多竿齊聚祖祠予對族人言設方姓蠢動予先出俟予受辱始許替予復仇否則定將倡首人送官嚴辦方姓聞予言亦帖服繼以本地戚友解釋而事寢是役也造兩姓福憑一紙書古人修詞立其誠苟能推誠則言可服人言顧不足重哉

同治九年庚午五十歲

及門十餘人送課數人日少暇暑六月西水大發祖祠原基在新七灣之間頻年被水屢修屢圯予與卓寔兄並弟龍甫熟商勸弟捐園地作基趁水上遷之村北理其事者卓寔鳩工庀材則闔族力也歷數月而工竣七月劉星乙表叔來家言元旦得南柯家中報四十七名舉人以此高興與予同舟下省寓花園山麓場前天氣燥極予著大單衫入場未帶綿衣初八日晚間大北風身涼題紙下以臥被圍之首題子游爲武城宰一章次題文理密察二句三題子路人告之以有過則喜禹聞善言則拜詩題次第看花直到秋得秋字作首藝時記得嘉慶丙子科子夏爲莒父宰一章題同鄉蔡珉圃先生中式文人地兩大比予亦以人地二字立胎作兩大比開講尙覺合式入手提句改不妥帖時已已初立碎其稿就卷尾援筆疾書三藝成而日甫莫燈下只作試帖二鼓後便息次晨稍爲檢點交卷出場才十點鐘二場每篇近七百字三場十事對九十六日午後出場回家九月初五日船至田二河晤李惠卿廣文見面說榜發天門乾驛中周某予則如作滿城風雨句爲權租人敗興既適有人自省來云係初八日出榜予歸

初九日辰刻無信命毓恩報字測之報神字測以左示字榜已發右申字一拏出便中

已刻得報中式第四十七名主考曹霞屏師諱煒

翰林院編修

蔡硯農師諱逢年

兵部郎中

房考朱荻舫師諱宗濤

甲子舉人試用知縣

隨下省填親供主考回京謁朱師禮畢開口說汝

卷十四日呈堂一拏出便中

應測字

以二場書經文不合閣十日擬另換別卷因汝二三

場精力不懈冀監臨取對墨卷知係謄錄漏寫書經文後比換謄硃卷乃中定榜次稍

後因此也尤可異者予大門對聯至樂無聲惟孝弟太羹有味是詩書朱師公館對聯

亦此語鍼芥相投洵不虛也十月拜客閏十月次女出閣蕭家轎封盒封通寫賜進士

出身由是進取之志益加勵十一月二十六日開賀豎旗十二月十五日同應城王心

臣

名世濤咸豐己未中式官黃安教諭

北上二十八日抵許州寓中度歲有陝省公車同寓頗不寂寞

同治十年辛未五十一歲

正月初三日由許州開行月尾到京時弟龍甫在京當光祿寺差毓長當刑部差予與

毓長同寓南橫街之元通觀隨謁見兩座師并拜客除請老師圍拜會館題名外每日

寫字看書二月十五日覆試三月初五日移小寓進場首題有子曰信近於義全章予

卷經房考陸雲蓀師諱懋宗呈薦總裁滿批擬中數日額滿遺榜後考取宗室官學教習同祔香三王心臣易雲舫馮伯陶黃曜庭出京行至周口伯陶病件車皆走予留寓數日代料一切俟其病愈始同歸道上有題古五首十二月有汪小赤祝壽集句四首
淇水

沿溪泉瀾瀾繞徑竹森森竹生有榮悴流泉無古今

黃河

一瀉直千里臨流渺百川襟懷託浩瀚帆影亂雲煙放眼乾坤大驚心日月懸乘槎令
得便遠泛斗牛邊

問津處

數里沙隄阻客程臥羊山下暮煙橫

臥羊山即黃初平叱石處

吾人素有濟川志豈向迷途濟此

生

沮溺耦耕處

予生在隴畝躬耕閱歲華及茲歷大梁萬頃瘠幽遐古有同心者相攜避世譁衣冠但

雙笠生計半桑麻共此羲皇樂日月老煙霞至今林薄間叱驢響輕車

宋門

大梁自古稱雄鎮四馬匆匆過宋門落日澹含山影瘦前途悵望幾消魂

祝汪小赤明經七旬集句四章有序

汪小赤明經竟陵名宿也居嵩臺白湖之濱少負奇姿凡詩古文詞靡不駸駸乎入古人之室而生平精力尤拳拳於時藝設以有本之學見於措施所就當未可量而乃久躡名場退老西河一時游其門者咸各得衣鉢以往歲丁巳先君延爲孫輩課師相與談論甚洽惜予以司訓官竟陵不獲久親光儀迄今再冉十數年矣先生之文早付削廁庚午往謁領其言論較十餘年前未稍頽唐而詼諧過之壬申上元前三日爲先生七旬慶辰屬予一言疥之璧以先生敦品力學與予之好讀書斤斤守繩尺而弗踰者心心相印義固不容辭也爰集前人成句四章以祝之

人日題詩寄草堂高適迎春先有好春光白居易閒披圖史神偏旺陳繼儒儒吟到

梅花句亦香失名流水何心成太古戴叔倫先生有道出羲皇杜甫今朝醉舞同

鄉客 盧綸 南極老人應壽昌 杜甫

故園花發任君攀 武元衡 竹徑松岡共往還 方岳 萬卷藏書宜子弟 黃山谷 一樽

酌酒對湖山 王志道 春回柳眼梅鬚裏 陸游 夢到清泉白石間 趙孟頫 自喜軒窗

無俗韻 朱子 莫年詞賦動江關 杜甫

鶴骨龍姿尙宛然 蘇軾 合成商嶺探芝仙 文彥博 門侵細柳垂珠箔 晁冲之 燕

蹴飛花落舞筵 杜甫 滿目雲山俱是樂 邵康節 盈溪桃李盡皆賢 程崑崙 百年

三萬六千日 李白 乞與佳名到處傳 蘇軾

華岳峯邊探茯苓 賈島 白雲明月是前身 李龍 文章聲價從來重 姚鵠 慷慨平生

無與倫 失名 盛德好將銀管述 韓定辭 春風還試綵衣新 晁冲之 乞言到處詩筒

滿 賈元 吳 對月題詩有幾人 蘇軾

同治十一年壬申五十二歲

啟館於家及門附課甚多不暇按期作文 毓長去年十一月假歸二月挈眷赴京四月初一日平抵都中啟行時盤川多仗通挪一時尙難歸款補刊先考七十自擬壽聯於

祠楹除夜作寄京示龍甫毓長七律二章

先考七十自擬壽聯

貽三子謀介七旬壽

司十年訓晉四品封

己未人生日爲先君雲椒公七旬誕辰 策由竟陵司訓假歸效舞斑衣時君以四語

自敘生平擬刊作壽聯而未果越壬申祠宇遷修落成憶君見背已十有四稔感深

霜露何禁泣然爲補刊此聯以誌終身之慕亦冀後之覽者勿數典而忘焉

後光緒元年臆

贈中大
夫憲

示龍甫毓長

謝擁皋比十五年行蹤卻似阻風船原期鼓枻超塵海豈意鋤經守石田愧我空投班
吏筆懷人忽憶祖生鞭今宵骨肉煙雲隔兩地屠蘇各理筵

去年京邸東行裝楚水燕雲各自傷逆旅春風羈過客天涯舊雨半同鄉流鶯日下驚
時暖塞雁雲開識路長壯不如人老益壯欣從傀儡再登場

同治十二年癸酉五十三歲

仍就家教讀從學約七八人改課有暇功則擬題作文興之所至工拙不計也去年某月附近議築門前塢以隄脚爲難寢其事今春復議予捐南面上下隄脚田壹石零餘三面出錢買脚而議始定旋計畝派工尅日興修當年粗就隄形以下逐年踵修而隄成雖西水頻經潰漫而本地積水不受災則大有裨於同塢惟塢田高下不一其中弱者力不足黠者心不公每補修年分工不能齊將來恐成廢塢廢則不惟前工可惜即予捐產作隄之心亦屬無益而塢申身家所係衆口噉噉咎將誰受有業之戶何苦占目前之便易招後來之怨府也庶母氣體素強年踰七十瑣務尙親拮据予每勸以節勞八月朔日發昏暈身熱頭痛於月之十二日巳時棄養享年七十有六身後一切早備予親視含殮次日家奠越三日厝其柩於游山考妣之墓側是科首題公叔文子之章一章予擬作前後散行中一小比陳介山汪漱六中式後來謁雪深圍爐踏雪而走介山名泉言太挑二等官殺城訓導漱六名德潤主講蒲陽書院俱應城人

作詠雪四律并錄和作

雪意

公子金貂酒正紅，連朝滕六釀遙空。冰光似有疑無際，霰影將飛忽墮中天。壓四圍低欲墜，雲封萬壑冷先攻。此閒消息誰爭得，老鶴翩躚訊早通。

雪聲

朔吹纔停萬竅暗，瓊花雜遝響悒悒。庭梅拂處人初覺，園竹鳴時境愈沈。滿塢白雲偏有韻，一溪流水自成音。等閒識得空中趣，松下清風海上琴。

雪影

積素凝華大地陳，盈盈彌望靜無塵。高樓倒處寒逾峭，元鶴歸來照倍親。流水小橋沈別浦，梅花明月印前身。蓬山頂上尤靈絕，留得清暉好蔭人。

雪痕

一捻風前柳絮盈，分明指甲望中呈。小園花褪猶留粉，高閣人來尙佩瓊。宦轍每思鴻爪印，詩情併入馬蹏輕。浮生變幻原如此，勿使污泥滓太清。

附汪古香和作

雪意

日黯溪頭不漏紅瓊華欲墮尙空空雨聲已過芭蕉裏絮影成猜荻葦中遲客並愁
帆腹凍消寒宛用酒兵攻銀花也似梅花信可有江南驛使通

雪聲

恰似銜枚萬馬暗玉龍酣戰氣愔愔聞根徹處聰明淨繁籟停時院宇沉但覺爬沙
微有响依然落地不成音甌清酒碧相將外領得幽情一鼓琴

雪影

炯炯清高氣不陳瑤花濕漾絢風塵疏星曉月陰俱避紙閣蘆簾映倍親空處詩宜
傳禁體寒來客亦上吟身一天冰玉分留蔭虛白堂前朗似人

雪痕

銀鋪市地凸凹盈化去融融有跡呈高士門庭常著屐東風樓閣儼雕瓊裝來古佛
雙趺坐照到斜陽一抹輕最是禪心終不染空明好與證三清

同治十三年甲戌五十四歲

正月徐達三名啓材品學優道充丙午甲戌來家約同伴入都十二日開車二
專於教讀門下造就之士良多

月十七日到京謁見兩座師拜同年同鄉三月初二日

兩宮太后

皇上及宮嬪謁陵回宮恭候西便門外道旁仰瞻

天顏慶幸之至初八日進場首題子曰君子坦蕩蕩次題自誠明謂之性三題孟子曰君仁莫不仁二句詩題賦得無逸圖得勤字丑刻下題三藝成而日初晡鏝下作試帖

二鼓息次日卯刻細加熨貼謄真交卷已刻出場二三場均已刻出場榜前詣國子監

憩園橋覽新舊石鼓並歷科進士碑隨到雍和宮轉金鰲玉棘出東華門走御河橋出

前門回館四月十二日午刻得報中式第九十六名總裁萬藕齡師諱青藜禮部尙書崇樸

山師諱實刑部尙書李蘭蓀師印鴻藻工部尙書魁華峯師諱齡吏部左侍郎房考崑筱峯師印岡

詹事府右庶子十三日挂榜辰刻攜孫爲珠赴禮部看榜午刻謁見崑師十六日保和殿覆試

二十一日殿試二十三日謁見四座師是日晚邸郭報到家二十四日進乾清門聽宣二十五

日長安門看榜列三甲第六十二名二十八日朝考大禹以五聲聽政論親賢任能疏

賦得能虛應物心得心字取列二等第四十四名領紅綾餅並領表裏五月初一日詣

翰林院看朝考榜初九日引見辰正入乾清門排班巳初上乾清宮丹陛跪背履歷

李策清湖北進士年五十四歲殿試三甲朝考二等第四十四名

皇上御座設乾清宮門內仰觀

天顏不勝隕越之至初十日報

欽點卽用知縣隨指分河南十九日胡介卿給諫邀遊天甯寺並到白雲觀見壁上雪

山應聘圖跋云邱真人應元世祖雪山之聘

純皇帝刻石紀其事樸山師跋又見趙松雪道德經碑字體精工亦樸山師跋六月初

三日謝公祠團拜初十日謁崑師暢譚吏治隨謁四座師稟辭十六日出京珠孫奉母

隨行七月初二日抵汴初三日進城各衙門稟到稟見珠孫等回家八月初四日藉差

回籍二十六日到家十月初一日拜客十一月二十日開賀二十一日挂匾豎旗二十

二日賀客畢除日毓長由京回家道上擬古二首留題古跡四首

擬蘇子瞻遊金山寺

我家幽棲隔江南偶爾探源一過往豈無風波愁險惡宦遊直出海濤上沙痕出沒蕩

我胸南冷尙有石玲瓏連山委宛青不斷大勢都歸一覽中時當薄莫梵音寂日影茫
茫迅電激山僧引入對蒲龕收視返聽話寥闐際此沈酣冥無人神昏顛倒作奇想月
下磅礴解我衣對酒開襟成獨朗江山休笑塵鞅絆松濤已入蒼巖半趁得餘醒未成
眠江神慣見煙雲散悠悠身世渺滄桑何獨夢夢視彼天

擬蘇子瞻自金山放船至焦山

天風吹下久嗟唏大地江山莽翠微洶洶波濤樓觀閒來見者稀莫肯違金山苦留意
纏綿心似猿鶴性過飛赤壁有簫莫可聞長劍倚天獨自揮時有老僧驚相問巴人強
我駐征騑參來彌勒香初上話到窗寮日已西同遊不見中冷客褰衣若下董生幃欲
從久客望鄉關春柳依依冬雪霏山林困陋古所有嗟予道否不自肥爲買陽羨田幾
頃飽食安眠須早歸蕪田尙有陶潛秫雷首豈無公信薇任他冠蓋鬧如雲行當挂笏
謝天扉

許州曉行二首

匹馬輕裝冒曉行清溪環繞許州城最愛荷香橋畔路一堤疏柳釣船橫

歷盡程途苦輿人促早行閒雲低野岸殘月墜孤城市遠人無語天高雁有聲林端朝旭上霽色喜相迎

汝墳橋

淺水清溪客路經汝南橋畔響駸駸當年本是化行地惹得詩人說到今

穎考叔祠

考叔眞純孝荒祠近古城高風懷穎水錫類試嘗羹地接星亭遠門臨穎谷清階前喬木茂憑弔有餘情

光緒元年乙亥五十五歲

正月十四日攜三子毓恩並兩僕由天門出岳江上船二月初九日除鎮換車十六日抵汴十七日稟到銷差二十一日奉委開封臬局審案五月奉委院署接收呈詞藩臺劉永如署撫院每月傳閱游梁書院課卷科場闈差未得有慰以詩者依韻賦二律並紅葉黃葉二絕秋日遣懷五古二章輓吳柳堂聯正月二十日由長子毓長刑部主事加四級馳贈先考雲椒府君爲申憲大夫先妣嚴氏爲恭人庶妣嚴氏爲恭人予同日

復由毓長刑部主事加四級誥封中憲大夫元配方氏爲恭人是年三月選雲夢縣訓導未赴任

酬慰闈差未得 原韻

衆香隊裏鬪羣英誰信頭銜分外清到處良苗欣灌溉失時小草盡敷榮每於世路忘機械早識天工有鑑衡不惜龍門浪不見曾經燒尾怕雷鳴

莫以行塵涸落英滔滔黃水漸澄清自安鯤渤儵濠意誰競朝華夕秀榮濃豔固應迷本色稱心乃得驗平衡前途各有因緣在待聽仙瑛一闕鳴

紅葉 限黃字

掃葉西風陣陣狂半江紅樹映斜陽多情更有楓林月伴我霜天揚硬黃

黃葉 限紅字

晚節黃花自不同休將落葉怨秋風東皇轉瞬多噓植杏院爭誇及第紅

秋日遣懷

崇蘭棲絕澗零露始可掇佳人抱空谷含和以自悅崇蘭有幽芳佳人具貞潔傲盡籬

菊霜飽經嶺梅雪愧他簫艾姿未勵寒松節

珊瑚海上生枝柯本交互可惜持鏡網溶溶沉海霧居然澗壑深滋潤斬雨露凡卉亦何妍朝開那及莫弱植希榮華得無摧折懼

輓吳柳堂先生

生殉古已難人願贖兮留鉞虎

死諫今還有天教直者繼史魚

光緒二年丙子五十六歲

院上牌示考俊秀出身人員奉委監試同以詩紀事依韻賦七律四章毓長二月二十九日由家到汴三月初四日赴京毓恩送至河沿三月祥符縣鞠子蓮稟請縣署問案同事同年孟觀南有吏才諸事藉資歷鍊七月初四日奉藩札調簾八月初三日考簾題居之無倦二句賦得青雲滿後塵得雲字同考現任有以五十金買傳遞者後派外簾收卷初六日上院拜東午刻帶秦印卿子毓恩并兩家丁入闈未刻監臨李小湘中丞派入內簾簽分十三房房考有同年孟觀南汪雲芝並趙炯齋約入西經房戊刻

內監試卓友蓮招飲初七日拜兩主考汪柳門楊晴宇并監試監試主考先後回拜初八日吐瀉次服洋煙愈初九日丑刻傳題紙首題孔子於鄉黨二節次題義者宜也三題學則三代共之皆所以明人倫也賦得歲易儉爲豐得豐字十一日兩主考來經房坐正考送滿漢席十二日起兩主考處坐十三日副考送席收卷一百本十四日上堂閱卷薦四本收卷一百五十本十五日祥符送席收卷一百本薦十本十六日收卷一百本薦十四本毓恩吐瀉服洋煙愈十七日收卷二百本薦十本十八日收卷一百三十五本薦十本十九日收卷八十七本薦八本合收頭場卷八百七十二本二十日薦八本二十一日薦八本二十二日薦四本二十三日薦四本合薦八十本正考傳見交男字六十八號卷斟酌發贍當改四十三字贍眞送上二十六日監臨到文衡門打恭出闈二十七日同主考監試祭先師孔子自二十四日至九月初一日合薦二三場卷各八十本初二日兩主考請燕席當交男字號試帖斟酌發贍初二日作闈中紀事七律初七日到監試處見手摺擬中正榜四名副榜一名初八日巳刻各憲詣文明堂寫榜初九日寅刻出榜李毓信號寫生信何傳中號執齋信揚州廩生丁丑龔楚翹

號匠山唐陳書號雲生裕州歲貢李應午延津縣廩生十三日赴院飲宴十四日薦卷遺卷交收掌十五日磨勘訖中卷合訂五套加批面交主考未刻出關各衙門稟見銷差十月接子毓長信僅膺房薦場前拜門並送條者多人概卻之作印章銘集離騷

監試考官七律

說到知人帝亦難清時誰肯濫衣冠銓曹舊擬三班貴銷院新收六等官知府至從九皆考

作字埋頭摹楮柳摘文巨手傲蘇韓者番親見龍門浪共向雲霄一舉翰

憶昔功名寸進難紛紛束帶並峨冠唱名又是新花樣叫名者添某犬老爺監試多為舊屬官

前署開封亦與考太守家丁方喚管知府許帶管家先生國子早呼韓虞廷三載績曾考莫把鴟翎

當鳳翰

明知簪組束人難矮屋科頭且挂冠梁苑英華無俗吏公門桃李盡同官棠陰自昔留翼卓漢鑑於今有富韓閱卷派姚君近韓幾輩奇能書上考升沈入海得修翰

宦海緣深退步難分明悞我是危冠蠅頭蘆草草全篇論雀眼翎花幾品官地早登龍先御李中丞李小湘前考過一次才如繡虎也推韓他年採入循良傳翹步中天獨振翰

襄校紀事七律

蓬萊曾許聖恩叨得侍丹黃興倍豪鎖院爭隨星使入夷門執占月華高頻年薄宦同
雞肋上國英才集鳳毛盼到青雲誰接引姓名幾輩屬仙曹

自昔文章造命難登場傀儡快臚歡黃昏倦眼惟今日白水盟心屬此官多士乞靈藜
照赤者番窺秘篆吞丹休教菜把索供張紙帳蘆簾一例看

正值冰壺玉鑑開都從廣廈關門來靈鍾嶽麓中天瑞秀擷荆河曠代才卅載銀袍
輸歲月十次鄉試三秋幕府契岑苔經房左間壁孟觀南右汪雲芝燕山楚水漫惆悵尺素泥金兩地

裁弟龍甫等應本省鄉試毓長應京兆試

已經燒尾聽雷鳴又見龍門浪掣鯨腕底回瀾須健筆胸中不夜抵名城爲償夙願噓
翹秀知有雄壇仗主盟竊喜兩河收鐵網滔滔黃水看澄清

印章銘集離騷

瑤席兮玉璫豈理美之能當極勞心兮懍懍苟得列乎衆芳亦余心之所善兮修繩墨
而不陂何方圓之能周兮班陸離其上下世溷濁而不分兮循規矩而改錯固時俗之

從流兮孰云察余之美惡人生各有所樂兮何不改乎此度也保厥美以驕傲兮芳菲
菲其彌章

書韓文後

昔人謂韓文起八代之衰文章之有昌黎猶人倫之有孔子蓋孔子集羣聖之大成昌
黎集古文之大成也文至六經左史極矣而其中皆有工有拙昌黎則取長去短合經
史而陶冶融鑄自成一家皇甫持正所謂無負無方至是歸工非虛譽也外此雖柳子
厚之廉悍可以相敵然亦純駁相參未及昌黎之完美至宋之歐蘇曾王得其一體亦
足自立以後則獲其一鱗片爪皆可免俗然以言繼體不啻培塿之仰嵩恒矣若明七
子抑昌黎而伸史漢彼烏知史漢乃昌黎之草創也哉

崇樸軒年譜

漢川李策清采珊甫著

男毓長編次

孫爲璉校字
璉

曾孫朝元校梓
範

元孫佐智發行

光緒三年丁丑五十七歲

正月初八日稟見藩司面諭出詳酌補西平縣缺三月祥符縣鞠子蓮請閱縣試卷同
事五人予取有王生名鎮馮生名汝驤正案馮第一王第二院試王第一五月十七日
部文到院六月初七日牌示飭赴任十三日傳見交委札隨致信京中加同知銜二十
四日稟辭出省二十八日至汝甯稟見府憲王七月初二日由府赴西平初三日巳刻

入城申刻接印公館住文城書院毓長同到任上下約六十餘人十七日進衙門八月初七日家屬到署西鄉角子山毗連南陽綿亘數百里自國初以來多捻匪巢穴時值天旱四出劫掠每月數次下鄉驗案時藩司劉以不應開征被議開缺臬司傅署藩九月奉札停征旋札飭就地勸捐辦賑並嚴定開廠日期捐費緩不濟急到處設法挪款開辦粥廠每日四鄉領賑者蜂集至廠不能容分廠辦理至次年春月公私賠累七千餘金

八月有南鄉劫案賊首恨其稟報乘夜火其居燒斃事主之七十年邁母案不能破隨探明賊首係縣屬之北鄉某村人除日帶領小隊親往兜拿不得午後至賊同村之秀才某家責以平日參賊不報咎無可道渠不獲已交限狀限正月二十日交賊回署已三鼓矣次年上元日緇賊送案立斃於重枷並搜捕餘匪分輕重治之

九月會同武營陳集堂赴合水砦催督鄉團適葉縣民人某赴砦喊冤本日送女乘驢赴遂平婆家砦東某寺前遇匪將女並驢劫去時集堂不肯辦予出砦追至寺前帶寺僧引至附近之張家村有前張後張兩大村中隔小河河架木橋先至前村某家搜出

顏色布疋並衣物牛羊甚多隨步橋引至後村某家見其後園土牆有足踏新跡飭小隊沿村圍拏見一人負女東逸剛里許女大聲喊救追獲將女帶砦中並將窩藏之婦某氏亦帶砦中回署訊明窩藏之婦卽署中糧房書辦之母搶女之首犯卽合水砦之保正綽號張鐵棍與弟鐵圈素日在此強擄橫暴被害者含冤莫訴當將地保張鐵棍拿獲收禁窩婦鞭荆條書辦重責革役保正斃以重枷以女交其父領走鐵川逸比捕買線嚴緝餘匪並緝以後地方稍靜

縣屬民風負氣輕生眞正命案尙少每於口角圖賴之案報後詔勘當斷結不許拖累到任之時有捕蝗委員酒龍章恃與署撫李鶴年同鄉通氣苛索夫馬差費十成刁難致形決裂回省謁見上峯生造謗言又署藩傅壽彤生期各屬藉祝重饋予不耳人以爲下手一著錯十二月初十日毓恩完娶

幼聘秦聲菴之季女
由嘉魚學署接來

光緒四年戊寅五十八歲

正月十五日二鼓後出山寨寨長韓竹樵等稟報十四日西山捻匪破寨大肆掠寨中人逃散請速撥勇圍剿十六日辰刻督帶小隊二百人並附近各寨酌提壯丁二百

人分途協剿申刻抵寨匪已聞風退入山中有未及竄者飭勇鎖拿供稱姓徐名和尙
早知此人係角子山著名搶首久稽法網網歸堂訊數次直認本省劫擄多年甲子以
前湖北之隨應鍾京黃孝漢沔都到其平生長技只慣用白蠟竿可抵禦二十餘人嚴
加拷掠收禁詳報請示批辦奉批就地正法

二月南鄉距城二十里之丁莊寨被搶破踞每日金鼓砲聲直達城中具文稟請南陽
鎮撥兵剿洗鎮兵五百人由東路進予偕城守陳集堂督隊二百人由西路進詎匪避
多就少突竄西寨門出予隊首當其鋒一紅衣匪馬上開炮不著集堂向前用刀搥匪
下馬殺之羣匪膽怯四散登時斃匪四十餘人生擒百餘人收隊回署將匪首分懸四
城餘黨鎖繫連日分訊周身穿紅衣者收禁後多瘐死脅從者諭各寨首具狀保出無
人保者十餘人飭役割其筋縱之時北鄉較遠之某寨亦被搶踞勢甚猖獗避亂者紛
紛入城至城不能容日夜防守嚴密並捉獲奸細搜出洋炮及聞南鄉剿匪情形一夕
偃旂息鼓而遁南陽兵在東路未經助剿

新撫徐宗瀛將到任署撫李交卸伊邇急於調劑所私未得機會適寨長譚天一以監

生鞏恕不出修寨費具稟又鞏恕之侄鞏芳義在聖府捐有官職聖府差官孫繼成執
割守提而鞏恕等屢傳不到當抄呈聖府割文並寨案稟請各憲批飭遵辦署撫李批
以寨案不應聽寨長勒罰又咨查聖府公差係屬假冒該縣毫無覺察著即撤任三月
十二日接署藩傳札飭交卸四月十二日交卸進省各衙門稟到六月初三日賑局札
委解賑銀赴陝州盧氏初十日出省十六日住河南府道旁見齊田橫墓碑鮑叔牙祠
府東關見夾馬營碑十七日住新安不支應作五律十八日住灑池東三十里無店野
宿滿目蒿萊十室九空作五律十九日住灑池荒涼之至麪每觔八十文住車廠二十
日候至午刻無車同涂潁泉到衙門坐催申刻開行二十一日過峽石三十里石路不
好走二鼓後抵陝二十二日拜查搗庭談公事隨兌賑銀午後搗庭邀游署後之巖榭
園二十四日啓行二十六日過南召坡中間北天門太虎嶺鐵嶺俱險人跡罕到二十
七日抵盧氏拜顧友簾二十九日兌交賑銀三十日作巖榭園七律並序七月初二日
上西城望秦嶺及中條熊耳羊角諸山初四日作七律送友簾初六日開行初十日抵
陝發友簾信交搗庭詩稿搗庭以詩刻之石嵌園壁十二日開車十五日住河南府稟

見太守唐光甫年伯十六日午後上船十七日洛水大發十八日住鞏縣四城皆水十九日午刻搬東關店中水火都不便覓煙館人買開水一壺燒酒四兩用五更雞糞食陰米二十一日水消僱肩輿赴泗水老澗坡遇雨酉刻抵虎牢關二十二日住泗水二十三日出東關涉水五里上山溝溝路多被水冲竟日大雨泥深不好走戌刻抵滎陽二十五六日過鄭州中卒二十七日抵省八月初一日院司稟見賑局銷差交手摺由馬遮致同年邊雲航信熊子怡以和弟希阮作相示依韻奉寄送同鄉劉忠亭七十壽詩並送熊子貞入都五律十月子怡奉諱南旋作七律一章送之是歲五月二十七日胞兄以時症失治卒得年六十七有六七月初五日辰時次孫爲瓌生十二月十八日長孫女出閣

新安道中

野樹千家合昏黃障夕巒危巖盤石古石徑二破屋竈煙寒流亡之家徑自山頭關

城從畫裏看武陵空悼歎南省武陵任養吾抵任未久惆悵駐征鞍

灑池野宿

夕照上巖屏，林陰合四圍。炊煙寒野店，曉露溼人衣。雲伴征車宿，月隨旅夢歸。清晨回首望山影，淡暝暉。

陝州查撫庭直刺邀游巖榭園並序

撫庭直刺之來牧是州也

皇帝乙亥初元之仲冬，州之人向有新任規費數百緡，君雅不肆，此又不肯以裁去。榜清名爰就此款於衙後，關榛剪蕪，拓地數十弓，視高下爲臺沼，因樹構屋數楹。尹杏農觀察就榭尋河源故事，題曰巖榭園。園北枕黃河，中條山西望秦嶺，太陽古渡洛水並熊耳諸山環集於外，佳木怪石參列於中，日夜河聲如吼，山水之勝甲於全豫，不獨陝中一大觀也。園西隙地數畝，樹藝各種瓜棚豆架，饒有山林泉石景況，是地屬在西陲，習於強悍，自君莅治，馴至安謐，政簡刑清，公餘之暇，時憩息於中品茶讀畫，澆石培花，爲怡性之一助焉。僕戊寅首夏于役陝，盧時值旱，荒民生凋，瘵滿目，蕭然偶覽斯園，殊別有襟抱感而賦此，用誌泥鴻之跡耳。

莽莽雲山敞畫屏，名園風景記初經。日迎函谷遙連碧，峰過秦關不斷青。西嶺太陽橫

古渡閒亭曲榭半深扁客中消遣清流在酷愛河聲捲幔聽

古治甘棠躡昔賢結來山水更前緣周京芾舍留餘地晉代桃源別有天並蒂名花含
淨潔盤根古樹鬱芊緜燕田種有陶潛秫盼到秋風夢亦圓

贈顧友篋司馬兼謝招飲

于公平恕本純臣才子勤官亦古人善治棠封應有譜盧隸於陝有古甘棠遺址巖疆黍谷定回

春北門題秦晉巖疆四字夷門宦轍同懷舊洛水賢聲恰頌新與君需次汴水有年時值君新任判版公允士民帖服

待看萱闈重繞膝由來捧檄爲榮親秋後擬筍與迎養

鳴蟬幾樹雨前催百丈松濤送晚雷隔院鐘聲伴客坐捲簾山色逼城來耕莘自昔留
遺躅邑屬空桑氏耕莘地拔薤于今有隼才月榭花茵塵鞅絆殷勤導我醉中杯

東庚午同年邊雲航名淪茲同治辛未進士時權篆襄城隨調魯山卒於官

自文旆榮茲新任引領南望想仁風善政不日卽勒爲口碑俾官於斯者愧爲弗如而
奉爲矜式斯亦足矣高官厚糈非我兄志何敢妄作諛詞弟塵海溷揉非不知旋辟中
墨動拂羣情而突梯脂韋決不敢蹈去秋藉手柏舉甫十閱月輒爲蜚語所中已於夏

仲調省依然執手版曳長裾視伺門者之指揮爲進退以素負悻直之姓名場仕路早
經摧撞茲復際此蹭踢旣不能學西山隱豹又不願隨東郭逐鼠所以隱忍而甘者以
到官之日賑捐防剿叢集一時公私賠累難於擺脫耳夫骯髒伊優自古分途上司當
官而行察吏本無嫌過刻然柄防倒持事在核實以激揚澄敘之方寄耳目於侍豎走
卒一有不遂從而媒孽其短悠謬之口卽據以爲進退人材之地在吾人一官之去留
原不足惜而比黨而危者謂若輩以經生自域不諳治譜宜其階尺寸而動輒得咎此
眞無以閒執讒慝之口也歲杪春仲兩次公事辱臨雖愛我者莫由助我而感激之私
時榮肝膈刻下隻身羈汴家屬寄寓文城兩下僕賃薪米之資當如何支持山重水複
未知得睹柳暗花明否也公餘尙希時錫緘礙臨書不盡所白

步韻酬熊子怡司馬

我性癡頑不解愁與君萍梗託蜉蝣才空冀北無餘子地踞荆南卽上流久戀重闌添
鶴髮難堪數載敝貂裘休教壯志消磨易人海升沈豈自由

澆書酌酒慣吟詩客邸欣逢折簡時宦况梅花增感慨鄉心芳草話迷離中原鹿逐誇

誰捷歧路羊亡悔未遲雁羽分飛勞問訊人生最好屬連枝

附熊子怡原作

客裏逢春半是愁茫茫身世等蜉蝣室家寥落音書少耆宿凋零涕淚流萬里隴山
銷劍鏃七年鞍馬盡金裘高堂鬢髮垂垂白負米何時效仲由

昨宵飛雁寄新詩苦憶連床話雨時我亦原同永歎君今鸞曲悵分離百齡過客
權無幾一領微官計已遲努力前途飯餐健鷓巢願託最高枝

送劉忠亭七旬壽詩

榴花紅照錦堂開上壽賓朋入座來愛日欣添長命縷流霞先奉大年杯桂蘭繞膝神
仙福杞梓承家幹濟才何必十洲稱樂地朱門深處即蓬萊
天祿藜光照簡青千秋心事尙傳經詩書付託歸門閥孝友淵源見典型鄉國近修高
士傳中原遙指少微星幾時五老游曾到江漢餘波尙炳靈

送熊子貞明府入都

我本疎狂性君眞蹀躞才新愁懷楚水舊夢續燕臺歲月拋征轡文章富玉杯塵勞殊

未息樽酒慰徘徊早作京華客薊門賦再游文瀾真壯闊心緒又離愁北向情何切西風戰未休關山班馬在投筆待封侯

岫嶠碑攷

衡山記夏禹導水通瀆刻石書名山之巔因名岫嶠碑韓愈岫嶠山詩岫嶠山尖神禹碑字青石赤形模奇按山海經云岫嶠者衡山之別名也嶠讀如苟岫讀如縷今讀如痼儻又讀如鈎樓又讀如拘畱皆非也字義總略云岫嶠一字三音平聲鈎樓上聲莒旅去聲句陋楊升安金石文所釋銘凡七十七字

送熊子怡奉諱南旋

秋風匹馬整行裝往事低徊轉自傷塞迓何堪將理遣凝情總是爲官忙
楓稜峭厲防中剝宦輒聲名在上場
只惜青天無處問雨雲翻覆太顛狂
余爲飛語所中君亦見沮於同輩殊深浩歎

尊鱸風起季鷹行行李蕭然一束輕郢樹荆門重話舊晴川芳草更關情
剛逢落葉添羈思
卻喜寒松結故盟
小別相思無處寫
春艸再訂隔年程
君擬來年春夏重游泮水

光緒五年己卯五十九歲

正月學臺瞿子久

庚午同年

奉諱請作支賓二十六日移寓譚子春公館閏三月十六日家

屬由西平到汴二十七日毓長結何執齋伴赴京作劉子衡馮馥堂送行律詩四月接

賑局札西平辦賑墊款批准移獎同鄉杜鴻軒議定實銀四百八十兩買賑銀千兩移

獎花翎餘銀一千五百兩恩兒捐通判並鹽提舉銜七月十五日澤兒季女劉媳同渠

母由龍亭到老府門看城隍燈二十一日得曹師放河南主羞信八月初一日粟大王

香班前六月黑崗口工險十餘日始平是日大王在廟對門之某家現形廟僧隨用盤

送入廟演戲進香二十三日譚子明來得奏請改官信考語不達時務措置失宜八字

先是同年某關說具受業手本以五百金見當道便可回任予不允遂致改官十月十

五日赴汝甯清交代十一月攜澤兒游南湖書院並南海觀音閣擬十二月代理西平

魏咸亭到府與談交抵各款未妥初七連日風雪寒重接恩兒由信陽來信知家屬已

於初四日出省初十日大雪十三日天晴由汝寧回家二十五日到家家屬亦到家出

省之日省中虧空不能彌補回家川資亦未能設措得同年孟覲南慨送兼金百兩汪

雲芝亦極力扶助乃得南旋素以鄉誼世誼來往者多度外置之並有下落井之石者

人情之險可畏也是年閏三月初三日由長子毓長刑部主事加四級賜贈祖考全三府君爲中憲大夫祖妣氏劉蘇爲恭人予由毓長刑部主事加四級誥封中憲大夫元配方氏爲恭人十月十五日次孫女生

劉子衡就封邱幕別時招飲詩送之

天風吃下夷門客蟻蟲微名屬此官別墅平泉驚蟻螫書房友人代題平泉別墅同巢仗義喜鳥

盤唐劉仲爲節度使有鳥鵲同巢之異家風早試胡麻飯漢劉晨事野性曾甘苜蓿餐擇木梁園輸歲月

願借棠蔭一枝安借字失律疑誤

高軒計日發名城幕府蓮花抗手迎好把鞭絲牽別恨偶逢車笠定同盟多年善米資培養到處良苗喜發生獻佛藉花花作主祇憑君酒送君行

送馮馥堂幕汲縣並謝招飲

鏗翮同棲汴水邊評詩說劍亦前緣君囊羸得生花筆僕杖惜無買酒錢掃葉照盆多借箸池魚籠鳥失真詮甫經握手旋分袂一枕黃粱又幾年

水到鑑湖清且漪浙紹人餘芬替我沁心脾滿腔血熱寒回黍有脚春來日向葵綠酒娛

人曾此地青衫悞我已多時來年幾樹花爭發隻手如何勤護持

撤委改官紀略並擬聯

宦海風波亦常耳深心怨望形諸言表詹詹近名之心樂天知命者當不出此然不平之鳴情何能已按寨案本係抗繳寨費以抗費爲不應聽寨長勒罰聖府公差劄文本係恐其假冒申請飭辦以請示爲毫無覺察卽行撤任抑思士人藉手一官經數十年寒暑估畢數千里南北奔馳視突梯脂韋驟得顯仕者迴別且甫經任事而緩征籌賑剿擒防城在在均形虧累爲之上者亦應守正持平代爲曲體豈可以衣冠爲梟雀操弓矢彈射而無稍顧恤乃署撫受求缺之託擅行撤任以厚所私新撫憑無根之言任意改官以沽其直待下均不免過刻刻以繩人何如刻以律己昔歐陽文忠貶夷陵蘇文忠謫黃州皆處之夷然以此介懷而跡涉訛謗居官行己之道將墮落下乘予則何敢所以髻掀眉舞而書之者亦冀後之覽者知當日之官場了無是非曲直相與咨嗟慨慕以爲改官非由於貪墨是則予之所深願也已

擬聯

風塵溷跡已頻年，曾藉手一官，或賑災，或剿捻，諸艱歷試，皆盡吾力所能，迄夢醒黃粱，始悟浮蹤迷宦海。

鐵石盟心逾半世，甫宣勞十月，不負氣不矜才，庶職克勤，只求民情無拂，縱名登白簡，應留公道在文城。

觀音閣汝寧南關外

我已見如來，恰聽他牧笛，晨吹漁舟晚唱。

佛猶觀自在，長對此松濤滿院，竹影橫窗。

光緒十六年庚辰六十歲

啟館於家正月初四日，恩兒澤兒珠孫同赴縣考，二十五日回家，澤兒頭覆考列第四，名三四覆均前列，正案第十一名，二月初十日赴府，攷三月院試報罷，五月初八日恩兒赴汝寧算交代，隨帶交汝陽縣車樂山府刑幕王景山信，七月算明，正雜兩款共虧四千數百兩，除任內留支及賑款作抵外，應交銀四百八十餘兩，按章買兵餉扣折核計，實銀一百九十餘兩，由監交車樂山代墊銀一百兩，交現任魏咸亭出具正雜無虧。

總結開具欸摺申府核轉此盤交代明白身既輕鬆而家免查抄皆監交車樂山並府幕王景山力也景山前幕陝州與予差次相交良厚樂山之墊欸由光緒丁丑渠代理祥符任內予有晉省公幹差車在附省二十里之某處白日被匪去規銀三百餘兩時樂山正值題補值實缺予以案報則緝匪需時有妨題補未經詳報此事省中同官皆知樂山不日即補汝陽恰逢監交竭力墊欸皆予之先留餘地以處人故人亦留餘地以自處也恩兒十二月十七日到家值予六十正壽衆賓皆辭惟本家及已親來致禮晉祝歡騰竟日

交代議單

立議單某某今議得魏咸亭應接李采珊前在西平任內交代現蒙本府督同三面算明正雜兩欸除抵實應交銀四百八十餘兩均係可以買撥之欸按兵餉四折核計約需銀一百九十餘兩特稟請買撥有稽時日而例限綦嚴未便再遲議由采珊交現銀二百兩即由咸亭照章出具總結開具欸摺申府核轉細數冊結仍俟接任造申咸亭係署事人員此盤交代緩征銀兩並未分征絲釐應由咸亭稟府存案准其原交原卸

不令受累恐後無憑立議單分執存據

光緒七年辛巳六十一歲

館如舊西平交代官累四千數百金全仗人力撥抵告清尙有私累三千餘金均由自家及附近親友挪來正無法措還適秦聲菴正月來舍德惠進京冀選教缺以圖彌補惟飽受汗中摧撞此心已甘樗棄況思籍氈席餘潤以求下債臺亦非易易而愛我者代爲籌畫情詞懇切只得曲意以從獲臂之譏不辭也二月初二日由府河到雲夢之周家灣僱車初五日冒風沙至車行連日風雪大冰凍酷寒車舍偪仄瑟縮之狀萬難消受十一日晚間天開十二日午後踏雪開行二十六日沐梁換車走山東三月初四日過連河初五日入直隸界初七日過十二連橋湖水十數里中通一徑湖中漁船絡繹大有山人足魚景象初九日固安縣北數里隔河河夫惡勒延半日始渡十日午刻抵京住漢陽館是日

安太后升遐十九日子刻進內城慈寧宮外看朝奠

皇上宮內行禮無內庭職事者中堂以下宮外行禮宮門外陳

設甚多名色不及詳考

四月初十日吏部司官驗到十一日堂官驗到十三日詣金臺書院院

長桑百儕尙書未住院講堂有前掌院張椒雲題聯髦士此間多願諸生風雨晦明蔚成國器夕陽無限好看一帶烟波雲樹環繞金臺十四日偕毓長張子壽游夕照寺挹翠軒小坐軒南拓地數弓爲小園園中鳥語花香足以極視聽之娛壁上聯語滿徑閑雲常近榻繞門流水自成渠二十五日丑刻赴內閣驗放午刻辭行二十六日奉

旨以教職用未刻毓長送出沙窩門同行者饒教亭張伯英二十八日抵天津二千九日附輪三十日卯刻開行未刻出口水淺候潮酉刻暢行五月初一日辰刻抵煙臺兩岸洋樓兀起形勢係天設海防門戶夜半抵黑水洋海天一色水波不興初二日微風東來四望無際飄飄有淺雲之勢作泛海詩夜深出黑水洋初三日進吳淞口午正泊上海申後同饒教亭看洋街五花迷目如觀海市蜃樓初四日上輪船次日開輪初六日過南京初七日過安慶初九日過黃州西刻抵漢口寓郡城同年劉劍芝家晚間劍芝同往晤張敬亭初十日敬亭邀上東城漢江樓茶坐擬午後敬亭招飲日將晡劍芝由月湖送至橋口代覓船月下分手十一日蔡甸見局員甲戌同年周小田託致德郡廣健如太守信十二日申刻到家十三日覓肩輿送張伯英回德安六月十八日恩兒

送澤兒等縣考七月二十九日予送府考八月初二日抵郡寓三槐嶺吳宅初三日劉
燮臣先生來坐初五日漢川頭場劍芝兄來寓大談二十二日出東門到晴川閣由洗
馬口走大別山麓進西門回寓二十八日場畢發案澤珠均未考取九月初二日伯牙
琴臺茶坐並到元妙觀由西門回寓初九日林瀛樵來談午後鳳凰山登高由南城步
西城歸作九日登高詩十七日漢川學外正場題猶勝火至猶以一杯水閱澤珠文稿
均不入彀二十日出水牌周陂無人雨中肩輿上船二十四日申刻到家

五月泛海放歌

茫洋天地間如罽空際立曾聽海客談滄溟爭突出遠島縈朝煙高峰下斜日水澹澹
兮鷗母消雲纍纍兮洞天仄睹茲萬象羅列森虎咆龍吟渺難測寄身穉米等鴻毛到
此塵勞應稍息何事方外求神仙放眼青冥空八極八極茫茫幾萬里海市參差蜃樓
起我欲跨鰲直窮羅浮巔一瞥覽盡東瀛水

漢江樓

漢水中分上通荆門九派

江天勝概遠在洞庭一湖

九日登鳳凰山

風月在人間策杖躡巉岫窺傷崦嵫景偏愛山水緣漢口夕陽低洲前芳草盤野雀枯
林噪一一墮輕翰摩抄崖上石樓霞那得餐人生幾兩屐到此親層巒莫嫌鬢毛衰散
步恣游觀

光緒八年壬午六十二歲

館如舊方以筮呈予岳亦愛書屋詩稿此稿前已刊行燬於兵擬重刊予作跋加批接
德郡賡健如信並漢東書院關書每年修金二百兩外乾修百兩代辦書啟以恐荒澤
珠文課辭之每晨榻前背熟文熟賦各三篇一日不間斷七月毓恩航海入都辦分發
八月同毓長應順天鄉試報罷簽分甘肅九月出京十月到西安寓黃小魯觀察公館
小魯代僱車余樹珊余芹香兩明府飲以旅費十一月二十九日到省時甲戌同年李
問樵名裕澤河南信陽州人任臬蘭首縣稟留幫審案件乙酉奉委省城西稍門厘務僕賃薪
米之資乃得自給二月熊峙衡假歸來謁劇談吏治甚愜名鎮南道光丙午鄉榜
揀發湖南知縣歷任桃

源湘潭正江各縣陸補江劉赤颿中式來謁名元麟光緒丙戌進士官程韻

藍應同知卒於官天門人

雲中式來謁

名擣團與其兄友愛之情甚篤心慕之天門人

代人作祭竈文諭魔文

亦愛書屋詩集跋

余岳方朗山先生吾鄉人望也以磊落奇偉之才端品勵行立德立功立言俱堪不朽原不專藉詞章傳惜數奇不遇道光戊子秋闈抱恙絕意進取日肆力於詩古文詞雖頭童齒豁猶丹黃一室孜孜不倦綜前後四十年所作殊多散軼惟亦愛書屋詩鈔早經刊行幾於家置一編咸豐甲寅粵氣肆災此板同遭劫火迄辛酉先生歸道山其家孫曰鏞屢欲復刊以明數典不忘之志並丐余重加編訂余自甲戌通籍南北奔馳嗣經銓分中州承乏栢舉值時勢之多艱公務旁午掇管未遑此舉竟度之高閣矣已卯改官鍵戶卻埽課兒之暇復檢全集讀之恍如數十年前登堂親承提命啟予於酒闌鐙地時也爰擇其志利音雅律格謹嚴便於誦習者屬付劖劂以爲家塾課本其大氣磅礴佶屈聱牙之章容俟續刻每作竊附已意標明作者苦心非敢云評隲也聊以誌服膺弗失之意焉耳

祭竈文代

恭惟府君職列周官祭詳月令設主於陔名有專司分尊於霽祀先羣姓爲萬家之主
宰迪吉逆凶握一室之權衡通微合漠此所以德在火而罔不森嚴亦廚司東而咸知
敬奉者也今某之媳某氏年逾笄醴性實饇甌甫試小姑之羹湯旋操幼婦之壺臼奉
裙無意水浣桃花仰屋有情薪添槐葉正喜嬰兒墮地老人之星初明何期箕帚忘形
女子之錯已鑄今者聰明失性么魔纏身如醉如癡略無忌諱靡朝靡夕上觸尊嚴欲
向金母乞靈恐無明効豈眞牧奴作祟時有謔言爰爇心香等霜晨之櫛縱恭申手疏
隨月夕以慇懃倘宥既往之讐三生幸矣望錫如來之福五內霍然得荷宏庥於無垠
益思明鑒之不爽想從前媒嬾成釁敢曲陳懺悔之心庶此後盛饋如常無再蹈佯狂
之事

諭魔文代

理本無私災祥原自不測家遭不造禍福乃真無門是故長木見標足驗勾吳之失道實沈爲祟聿彰絳晉之多妖蓋作之毒而受之殃良有以也亦施者乖而報者酷亶其然乎念某之姪孫某業託蠅營性安鳩拙偏隱遭夫愆伏遂顯罹夫迺遭月之某日晚間惡癘隨身迷心如醉驚魔入夢舉趾若狂爲厲豈真無歸乘虛竟致竊發異彭生之敢見居然無故尋仇同伯有以來驚宛爾若留宿孽某也坐鎮則愧無者德由衷而代布蕪詞爰爇心香翼三生之有幸并申手疏求五內之無傷爲孺子滌厥前愆請自今錫之後福清觴潔乃再陳烏賽之文沈痼霍然一弭貽臺之患否則不聞不覺長迷賣粉之聲如夢如癡久隕含沙之影則將厲我毒矢操彼弰弓同鑄鼎以辟衆邪比書符而驅羣魅縱有竹王木客莫當終南進士之揮惟當雷鼓雲旛都教曼倩先生之逐魔苟有識其而避之勿悔

光緒九年癸未六十三歲

館如舊澤珠課程仍照上年予自河南歸時文試帖之功缺如矣昔人學有三門義理考核詞章倭相良峰教人詩文詞曲皆不必學惟當用力於義理一門又言第一要戒欺萬不可掩著爲學之功無間最難日月之至非諸賢不能至字宜加體會予因此擺脫一切取朱子小學及呂東萊近思錄讀之遇有心得語輒錄之粘諸座右日以爲常本朝大儒向推張楊園陸稼書最爲正大篤實讀兩先生書真能使頑廉懦立鄙寬薄敦只在善用功者能領悟耳秋後族耆議修族譜謬以予總纂其事予謂家之有譜猶國之有史其爪鬣椒衍及上治下治旁治皆當攷核詳訂與其事者專其責尤宜一其權築室道謀鮮克有濟况凡事莫難於創始譜之作也戶口之登耗世閥之隆替與夫賢人逸士亮節高風胥於是乎在予不敏何敢輕肩其事又以宦轍奔馳飽經蹭踢心緒忙亂敬宗收族之事非敢辭也或不能無所待云十月毓長由京回家

光緒十年甲申六十四歲

正月初一五日大雪寒重二月十四日作壽木三月初六日得邯鄲報二月分選宜昌

府教授初十日游山西省墓同房廷芳先生由穀城歸來索題安漢書院聯四月初八日敬祖毓長次子爲璪出繼毓麟五月發秦香谷信交榆園題詩二律并序十六日析居拈鈎十九日約同房立白楊港合同五月十六日攜毓長下省領憑寓劉試館六月初五日藩司蒞驗看初七日漢川開縣考十三日登黃鶴樓並到曾公祠十六日撫院彭考驗題有天民者賦得修竹不受暑得修字與宜都楊惺吾同考渠久負時名此次文頗費周折午刻交卷領憑未刻毓長同上輪船劉味真來送二十日巳刻抵宜昌隨上府稟到稟見申刻接印七月初三日得毓澤發縣首信隨發縣尹薛誠伯謝信十五日設祖位敬祖八月以冷齋閒暇與毓長商訂修譜作竹雲堂記游山墓表以後逐門編纂無間斷初五日省城鶴樓被燬十三日毓長回家接圻州學陳愚溪服闋後復選圻州學正信當由馬遞致覆十八日漢陽開府考十月初十日毓澤完娶幼聘應城余蓬山之季女制軍卞閱兵船上稟見面云以知縣而安心做教官必是一個好教官十一月編明鑑摘要初六日漢川院試正場十二日發團案二十二日得雙喜報澤兒珠孫同案入學同鄉陳澤溥黃理卿來賀

題安漢書院聯

曲奏郢中訪當代歌聲妙手推陽春白雪

襟題漢上留今朝韻事鄉心話芳草晴川

題榆園圖詩 並序

光緒己卯客梁園適秦君香谷兄至汴甫半載改官南旋恩恩判襪迄甲申初夏余將擁皋比於彛陵君由汝南移研歸來歡承枉顧興譚汴中近事酒闌燈地出其家藏榆園圖索題蓋園舊有榆一株十圍故以名園久經名公題詠迺其尊人榆村師所手訂也厥後河伯頰災榆枯而柳苑不數十年又成輪囷遂因樹爲屋數楹顏曰高樹書屋感大木之槎枿思先澤之留遺復丐同人續題以成一帙夫榆柳兩三行開府惜屈抑而賦小園茲之柳繼榆生抑之久而發之光理固然歟況此樹之精英俱應列宿成象於天亦效靈於人柳之枝高而偃蓋猶榆之幹古而駿攀庇蔭之遠行見玉樹生於庭階彈指染衣之兆早徵於此爰賦五言二章以誌欽仰

何處無榆柳 條然物外心 園林真不俗 山水自成音 宿列三台貴 神應九烈欽 此中多

逸趣抱膝好長吟園是何年築歌吟集衆仙憑君搽舊句愧我續遺編室鑿蘭成窟門
停米老船莫嫌邱壑小圖書本天然

劉稚川詩集原序

岷思堂者劉稚川太史之堂也太史生九歲而失恃其後登賢書垂二十年而成進士
大魁天下每念太孺人輒潛潛孺子泣其所爲家傳纏綿悱惻仁人孝子之言藹如也
以故終其身岷思名堂云太史丁勝國擾攘所奔竄山菁水澗所遇黃巾銅馬所歷茫
穽卉服殘杯冷炙中有稟兀輒舉而筆之於詩即其崎嶇偕計涉黃河望太行玉屋渡
易水以達於金臺其間英雄廣武之歎素絲窮途之悲宜其言之激也迨策名虎觀待
詔金馬庶幾白麟奇才極文人之樂事然未幾而玉樓作記矣余讀已而嘆曰此稚川
先生之詩也夫雖然蘇李乏丙魏之業燕許闕李郭之勳少陵三禮轆軻一第子安軼
才蹉跌弱齡古今詩人軌跡差池者不可勝數要之焜耀竹素同有千秋耳後之讀岷
思集者於太史又何嫌哉

竹雲堂記

粵稽祠堂之建由漢迄宋而規制漸備自後各子姓合食其祖則有堂焜耀其堂則有名堂之名所由昉也余家族聚於斯越數百年此次纂修譜牒共思命名以額其堂本周官睦嫻之義以綴名似涉剽襲就本姓中採取吉祥故事又嫌溢美竊聞數典者當無忘祖溯一世行健公由麻城北關外黃土崗遷京山之高坵三世箕全公復由高坵卜居於垌麻之北關外爲古竹敦城京山舊治雲杜高翥曲江詩滿山修竹綠齊雲爰拈此語名之曰竹雲堂夫竹之爲物非草非木不剛不柔幹直而葉繁雲則出岫爭奇舒卷無端我祖頻歷播遷始則出於竹敦繼則出於雲杜根之茂者其實遂後之人果能顧名思義不忘爾宅爾田其來有自行見世系繁昌人文蔚起正如萬篁挺秀五色書祥其標名於竹帛而貽福於雲仍殆有天緣非由強致也因顏其堂並紀其略云

游山臺表

嗚呼惟我先考先妣既改阡於游山之二十年仲子策清始克表於臺道府君諱緒蕃字斗南號雲椒具雄偉非常之概其型於家式於鄉矜慎於官率剛正不阿人不敢以私干其稟性然也嘉慶戊辰年十九受知於涂淪莊學使旋肄業省垣角試輒優等爲主講陳愚谷朱柳衣兩先生高第方期大展厥志以抒素抱詎數奇不遇躋於秋風十五度遂澹進取益痛繩於學凡六經百氏之精罔不櫟其庭而據其席子三人先後侍讀家塾口講手提期於有成課讀之下兼綜家計冬龜手夏汗背挈鉅釐細親歷艱苦而家道已寢寢怡裕矣至於處鄉里臧黨中有慶賀必共爲欣愉有喪弔必代爲憂惜有箕舌之怨必居間以解其紛有雀角之爭必調停以釋其累其尤無狀者嚴詞剖析事理洞然悍夫往往神沮蓋君子居上則息萬物之囂居下則排一方之難其道一也道光壬寅由明經就職廣文丙午三月署長陽縣教諭六月選安陸縣訓導歷官十年一以扶植學校爲先務學中有某兄弟爭產幾釀巨案府君召至明倫堂曉以大義懷慙感泣而事以寢有某秀才無賴持以斧破困攫取隣家糧府君勒傳到學嚴加戒飭

後乃痛滌前非以功名終此外曲全士類未經詳革一人當時撰聯贈者有吉陽道上口成碑之句非虛美也已酉漢川大祲割清俸資族衆之貧乏咸豐壬子兼署應城縣教諭甲寅秋粵逆上竄德安戒嚴當事檄委巡守南城府君以難民奸諜稽察匪易且生死係於守城之一言恐負委任決計引歸事竣解組旋里春秋六十有五猶欲然以科名未遂爲念己未正月七旬大慶策清由天門司訓假歸鞠脛奉觴隨衆賓以博一日之權時長兄應甲就職府經季弟翊清由廩貢官署正竊冀愛日方長稍伸孺慕而府君遂以是年十月初十日棄養享年七十閱同治庚午策清舉於鄉又四年甲戌第南宮回思趨庭誥誡屬望諄諄僅而得償已不獲及見嗚呼是可痛矣先妣嚴太恭人爲本縣處士先春公女幼逢奇窶父母早卒依叔父先天公徙住隨州之安居拾蔬薪習織絀樵無縷盜無儲者數數然也泊于歸李門侍舅姑始茲終無片言稍忤其囊理家政則裁冗而緝匱贏事而縮食性尤喜周卹比隣有以急告典衣質釧以應其求弗惜也道光丙午二月初十日疾卒享年六十卜厝於宅西之古隄河厥後府君卒厝其柩於穴左先庶妣嚴恭人隨先妣勤操井臼襍順衷和即尺布斗菽亦同親拮据策

清兒時保抱提攜飲食調護之恩出之庶妣者十數年如一日同治甲子七月某日首
辛趾乙改厝先考先妣於游山之原越癸酉八月十二日庶妣嚴恭人卒享年七十有
六祔厝於側恭遇

覃恩先考初封奉直大夫繼封中憲大夫先妣暨先庶妣初封宜人繼封恭人

聖朝推恩追而上之祖考全三府君初贈修職郎繼贈中憲大夫祖妣氏曰劉曰蘇初
贈孺人繼贈恭人仲子非才稍有成就以蒙光榮皆我先考先妣之厚澤留貽也於是
泣述梗概以表斯阡若其懿德純行或可傳之不朽謹以俟諸知言君子

明鑑摘要跋

光緒十年夏六月奉檄秉鐸彝陵山齋僻靜每晡夕披覽往籍若與古人晤對一堂竊謂經年緯月累代咸存纂編援古證今各家胥有評騭而有明一朝實蹟於

昭代時事最爲切近嗜古者尤宜留心考証也因取

欽定明鑑全編二十四卷擇其要者手繕一帙以爲家塾課本自甲申十一月迄乙酉五月每日錄數條兼及按語或公事枝梧必於次日補之雖字畫不免草率而舛誤尙希視原書稍爲刪節名曰摘要後之有志鑒古者覽而識之於以知一代氣數之興衰由於政治之得失而二百餘年之主極民風凡可以昭爲法戒者皆在

聖謨彰輝

睿製激揚之中也是爲跋

光緒十一年乙酉六十五歲

正月十二日接甘省信十九日發甘信並致胡體齋太守信予生平佔暉之餘卽屏息靜坐自謂爲學之要以主靜爲宗自豫中宦場蹉跌心緒時形鬱悶凡人思慮太過多由於名心俗見四字名心甚則學問科名皆滋愧餒俗見多則家境之順逆子弟之知愚以及疾痛天傷無非縈擾此心之端除此一一病惟淡而置之可以順應一切人生百事皆由天定能淡乃可日游於坦蕩之天於是於靜字之外又注意一淡字以圖桑榆之收三月東湖莊濟川來見請作先人墓誌銘羅笙陔邀赴南鄉看山宿武生王有恒家途中見挿禾者金鼓節歌男女雜作次日晚間回城四月二十日家屬到署五月王子上黃潤齋請出城觀競渡七月澤兒珠孫珩輪下省科場九月九日登攬勝樓作書懷二律贈邵保田並擬聯澤兒珠孫報罷十一月受六一書院丙戌年關書又墨池書院監院札二十三日接甘省信隨由馬遞發甘信十月初五日爲珠完娶

幼聘應城汪春

如之

九日登攬勝樓贈邵保田孝廉

虛窗兀坐酒痕消細檢宗圖破寂寥

時方
次家乘

晚節休教疏砥厲閒官但許遠塵囂謀生

計拙羞彈缺作宦緣疏懶折腰舊雨晨星增感慨由來劍氣欲凌霄

瀟瀟風雨捲長楸攬勝同登最上樓千里巫山巴峽水一林黃葉滿城秋曾無鴻雁回

天末儘有蛟龍鬪海陬

浙閩正
籌海防

爲問先生安樂日行窩贏得幾詩籌

攬勝樓擬聯

浮生沂漢水南游此地曾經一覽

往事隨江流東去幾人獨有千秋

附邵保田和作

雲捲巴山雨未消長天征雁影寥寥吟懷不藉高樓酒閑署何來遠市囂著作文章

花在手兒孫金紫帶圍腰莫嫌老去謀生拙萬丈光猶動九霄

空庭夜雨暗梧楸有約同登百尺樓共說黃花香晚節漸看紅葉下高秋夢中蝴蝶

關山路風裏鱸魚水國陬太息東南猶血戰眼前誰與抒軍籌

光緒十二年丙戌六十六歲

前辛巳送考漢陽見房主中堂書

至誠之極可動天地無欲之極可質神明人非賢莫交利非義莫取事非見莫說念非善

莫學謹無愛忍無辱靜常安儉常足

予味其語有根柢自是以後凡居官保身應世接物皆奉爲圭臬

得力良多朱子語類呂新吾呻吟語劉念臺人譜類記並國朝張楊園近古錄陸稼

書三魚堂騰言陳榕門五種遺規潘芝軒讀史鏡古編皆有益於身心取置案頭刻刻

循覽此心已如對冰壺渣滓全消悔不十年讀書此語誠不我欺也擬兩書院條規二

月十六日珠孫同家屬到署三月發書院條規告示十四日珠孫送秦媳赴甘澤兒赴

歲考二十四日六一書院開課每課取列超等卷俱詳細批改並就題擬作十八日接

珠孫由西安來信二十四日澤兒侍母上東山寺攬勝樓並到天主堂文昌閣文星閣

等處劉媳長女同去七月十八日接甘省信珠孫等五月十二日到廿六一講堂後齋房題宗廬二

字匾並跋取效法廬陵之意八九月府考場畢十月十八日珠孫由甘回署十九日學

臺到張印仁黼

號劭子有年誼

二十日開考十一月二十四日畢場姜孝子祠送差東湖縣

送六一書院丁亥年關書接墨池監院札十二月初七日毓長到署呈譜稿買通鑑集

覽會文正集朱子綱目皇清經解

宗廬跋

宋景祐初廬陵先生由館閣遷彛陵教民禮讓德業聞望州之人咸欽仰焉迨有明李公一迪守是邦慨然謂士人曰學必得所宗因擇城東里許建祠祀先生並課士於中榜曰六一書院於是學者皆知以先生爲宗二百年來所造就而成材者不少也光緒甲申歲余自栢舉改官後寄軫於茲登其堂景仰遺踪輒深響往丙戌承乏講堂課士之暇小憩繇室軒窗洞啟窗外隙地數弓喬柯茂蔭濃覆階砌時張君鏡菴黃君壽堂心頗樂之屬余題其壁竊思游觀之樂一時適其意耳惟廬陵先生流風遺緒歷數十世尙能深入人心所願與有志師古者爭自濯磨一以先生爲宗他日行誼文章無慚往哲斯則先生之教澤猶新已於戲若先生者雖百世宗之可也爲顏其室曰宗廬亦猶李公建祠教士之意云爾

六一講堂儼聯

六執許同箋永叔文章先涑水

一辭欣再贊廬陵筆削繼尼山

光緒十三年丁亥六十七歲

正月十五日

皇上親政二十四日爲新來得龍甫惡耗弟以近年家事多不如意致肝氣發痛於十
五日氣痛暴卒得年六十四二月十三日斯仰止請代考六一甄別十五日新生月課三月
二十七日笙陔請到平善壩上聚寶山隨到三游洞題七古七律晚宿僧房次日歸作
峽江吟四律四月十八日接甘信調委大河店釐務毓長回家五月襄隄潰口家鄉大
水十六日門前燒破七月毓長料理刻譜九月二十八日內眷赴三游洞當回十月初
一日辰時三孫爲璇生字子鑑號星次初六日本府請代考墨池官課六一明年館荆
州道致信府縣薦人首事朱熾甫來商意在減修以作圖館乾修予辭館不就京山殷
秋農由宣恩學署來拜接庚午同年楊葆初信當覆江之西舊有姜孝子祠祀漢姜詩
黃幼農觀察以權差來郡構廳事於祠右爲郡中讌會之所陳仲偶觀察有題壁絕句
人多誦之依韻賦三絕愧不如初寫黃庭聊以留累次歷覽之跡耳十一月二十四日
澤兒珠孫攜眷回家關季華作先考雲椒府君傳黃耀庭作墓誌銘胡魯笙張敬亭作

譜序十二月譜成自序年底刻譜工告竣

三游洞用歐公韻

彝陵江下泊輕舟彝陵江上探層嶺那知中有神仙窟鬼斧神工出人境上頭翠嶺皆
青山下有瀑布懸崖間豁然洞開山腰裏劈破雲根迸石澗邃怪幽深不可測因崖結
構窗櫺起峭壁誰把姓字留人去山空鳥自幽佛殿無聲禪語寂擬將往蹟問樵客樵
客細語三游事苔蘚剝落拭爲席我聽此語意如迷探奇求險有誰知唐宋詩名不可
滅山靈長護下半年溪擊舟躡屐陟崔巍苔蘚盤空鳥道回古壁徧題騷客詠神工疑倩
巨靈開簷前雲影侵霜鬢雨後溪聲入酒杯浣誦歐詩增感慨同因謫宦此間來

黃牛峽鼓枻

峽勢崢嶸萬古懸黃牛合沓雜雲烟撐舟巨浪多翻石鼓枻洪濤宛接天艣唱三更音
寂寂猿啼兩岸水瀝瀝崖前幸有叢碑在絕磴登臨思泐然

白鹿巖聽泉

白鹿巖前引領望飛泉百尺勢軒昂千潭徹底明山谷一線凌空湧石梁聒耳清聲消

俗慮源頭活水滌詩腸奚童汲取甘漿去檢點茶璫試品量

龍角山題壁

龍角山頭四望空巍然峭壁挿蒼穹煙霞合雜詩情裏平遠都歸畫意中屹岬休疑熊耳險嵯峨不讓虎頭雄登臨幸有騷人在大筆淋漓氣吐虹

虎牙灘觀濤

灘頭不注水潺湲地闊奇觀北楚蠻巨石嶒峻龍角時飛濤洶湧虎牙環波經蜀道三千里瀑挂荆門十二關滾滾江流留勝概縱橫萬古接巫山

姜孝子祠

甘泉勝蹟紀何時江上名巖曠代知石罅傳聞鯁鯁躍教人觸讀白華詩古祠深鎖暮秋時漢代名留過客知聽得甘泉石上滴江頭峭壁好題詩江陽事蹟始何時一滴甘泉振古知至行非因題詠顯巖前那有晉唐詩

附陳仲偶觀察原作

滄桑移易已多時孝子名猶婦孺知不用一錢買泉石青山亘古屬姜詩

峭壁抵岷江喜巖前駭浪初平挂帆已過曬後處
遺型標曩哲留石罅甘泉久滴停屐猶聞躍鯉聲

譜序

安溪李文貞公曰以父母之心爲心者天下無不友之兄弟以祖宗之心爲心者天下無不和之族人以天地之心爲心者天下無不愛之民物張子西銘早發明此理而龜山楊氏猶疑其涉於兼愛不知今之人不患其兼愛特患自私自利之心熾卽一本之親鮮不以秦越視也誠能由分殊而推理一因理一而聯分殊則莫如重譜古云不修譜者謂之不孝然譜之爲孝難言也有徵而不書失於忘無徵而書失於誣而好事者又或妄引門第鑿空罕實如班孟堅之祖鬪殺於菟沈修文之祖實沈臺駘龔承詵彼皆以爲智而實則愚甚夫祖豈可擇哉兢兢然尊其所知闕其所不知詳其所可徵不詳述其所難考此廬陵譜例所以斷自可見之世也吾族先世籍麻城北關外黃土崗茫無可徵自始遷祖祖一公由麻城遷京山之高規二世鎮公居高規生三子長能福次能海次能忠海公仍居高規忠公遷沔陽之採桑我祖福公卜遷於川西之洞天

里福公而下代有偉人簪纓蔚起而宗圖驟如或以始遷祖以前世系無稽故從略歟抑或恐傳疑而失其真歟逮始祖第八世孫之柱公創修族譜十世陞公孔章公繼之而譜議乃定十一世勃菴樸菴名俱失考十二世士鶴士鳴各公又繼之而世系乃有成書迄今歷百數十年此本多歸漫漶其間支分派衍生遷卒葬之類泯滅而莫紀者不可勝數光緒丁丑策奉

命宰文城己卯改官南旋辛巳引

見回籍族父老咸以譜事譴誣自維讜陋未敢輕任泊甲申秉鐸尋陵山齋僻靜爰檢舊本躬膺纂輯並屬襄斯役者相與分途親履族庭詳加清釐凡屬有關族政無分鉅細悉倣古史體例列爲表傳志圖共三十卷郵寄於家質之族者賢雖未敢謂傳信之書俟諸後世而不惑而因譜以睦族信者紀疑者闕抱德暘和彬彬然孝恭是務當與世之或忘或誣甚至鑿空而罕實者不侔矣夫人能大族非族大人自茲以往族衆其益懋修厥德以保世而滋大斯其爲孝無窮也豈第假文章爲潤色自詡守先而待後也哉

光緒十四年戊子六十八歲

上年除日大雪元旦連三日大雪二十八日接甘省信二月十四日毓澤鈞生扣之到署墨池山長熊福民來拜府尊送甄別卷代閱一日有友來坐談及一在上位者往時勳業爛如朝廷賴之近於無貝之才而有貝之才處之多不合宜大損聲名予曰無貝之才不可恃恃則必至矜己有貝之才不可嗜嗜則必至病人矜己病人聲名烏得不

損三月初九日楊葆初來拜

江調署夏

十二日澤兒增輪回漢科考珠孫由家到郡四月

十二日接澤兒信珠孫一等第一隨補廩二十四日澤兒回署五月二十日毓長由漢口增輪入都七月初八日澤兒下省科場鈞生回家八月初十日馬雨亭來交寄甘信並接甘信悉六月十二日牌委代理秦安縣知縣七月初三日接印九月初九日得范生子喬中式信見全錄知應城黃雨濃名道澍陳聘三名伊言同榜中式作易仙舫壽序府尊存調署德安十五日接制臺差新府尊沈到十月初十日得電信澤兒由家攜眷到漢口二十三日抵署十一月接墨池監院札十二月十二日接甘信悉十月二十六日交卸二十八日德茂到接鴻哉福臣信知本鄉自八月至十月尾行痧症不及醫

治少年天者不少惟南灣託佑獲免

光緒十五年己丑六十九歲

府札飭知

恩科予自少至老記性最好偶有時讀書難記輒靜坐片時再讀依然能記盡心收則靜靜則書之義理貫通於中是以能記孟子求其放心句誠學者用功之要二十七日
皇上大婚二月十六日

太后加徽號拜牌十九日早起痰中帶血午刻大吐氣逆張海門開方服藥吐未淨而飲食如常至二十四日吐淨南門不戒於火延燒二百餘家陳義興著人來搬衣箱夏澤亭陸子放來照料三月初一日澤兒赴漢陽歲考四月初四日接澤兒信正場一等
古學第四二十日

大婚恩詔到鹽局道蔣亦謝設文社澤兒埶課五月社卷澤兒取第四獎文集 六月

取第五獎飯單 十七日沈府決科十八日社卷發陳如右第二澤兒第五獎宮 決

科案發因書院生不許外府同榜另榜寫如右第一澤兒第二科場幫費不許外府領

大闢接甘信六月委科場隨員差九月委發審局差蔣道送如右澤兒元卷七月十八日澤兒下省科場二十八日沈府傳見交山東賑捐冊合收一百七十九串內自捐十串

送府自八月二十二日雨至九月初八日計十七天日夜不住秋禾受損二十八日三孫女生初九日已刻赴爾雅臺稍坐午刻由北城回城上得珠孫中式電信發甘省喜信十一日沈府拜會道喜十七日劉劍芝由漢陽來得珠孫文刻入闈墨信二十一日接京電問榜信當電復十月沈府傳見屬澤兒代作制臺裕五十壽稟並請閱府考卷十一日澤兒進院十二日開考十八日珠孫在家復娶陳孫媳聘安陸陳壽堂之女二十九日

歲案發十一月十一日開科考十二日科案發澤兒回署府送修四十兩學憲趙翼之尙輔十二月初七日到初九日開考考畢送差初十日珠孫到署二十三日晴川書院請客是年二月十七日由本身同知銜宜昌府教授贈贈祠考全三府君爲奉政大夫祖妣氏劉蘇爲宜人同日由本身同知銜宜昌府教授誥贈先考雲椒府君爲奉政大夫先妣氏嚴爲宜人先庶妣氏嚴爲宜人三月十六日由本身同知銜宜昌府教授誥授奉政大夫元配方誥封宜人同日由長子毓長刑部主事加四級贈岳父方公朗山

爲中憲大夫岳母胡氏危氏爲恭人

光緒十六年庚寅七十歲

正月初十日發京甘兩信爲珠扣之回家爲珠隨赴京會試接鴻哉福臣並族人信

爲游

山隨復信十九日接府札代理歸州學正二月初二日毓澤坐紅船赴歸二十二日接澤兒信並峽中記稿閏二月初八日發澤兒信十一日接澤兒信並雜作詩稿十九日龔匠山到隨赴川

送川資

二十五日澤兒回署四月初十日庚午同年陳蘭舟來拜

府請擬彭宮保輓聯接毓長信知珠孫會試堂備七月初一日劉劍芝會試回到署初四日交歸州學記十四日接家信知秋收尙好題署中廳堂匾對十月初二日毓澤赴漢陽科考十一月十七日回署科案一等第四十二月初四日爲珠到署十八日生期送禮均未受

輓彭宮保

鐵面無私挽三千里狂瀾功在大江南北

丹心未泯留五百年正氣魂歸衡嶽東西

廳堂匾對

爲善最樂讀書便佳

爲善非務名姑完吾本分事

讀書貴明道未可與俗人言

光緒十七年辛卯七十一歲

正月府札委書院監院二十七日游鎮境山

文卿筌陔蔣香
陔爲琛同去

山長吳文祿來拜漢川

縣黃石珊保送毓澤考兩湖書院

未考

三月初六日毓恩委涼州府釐差二十三日書院

首事邀飲東山寺接府札委科場識認差四月初二日發甘省信

此信五月二十
八日到涼州

九日澤兒吐血十一日全家中輪船十四日抵漢口十六日遊伯牙臺二十二日到家

五月二十四日赴熊家題主次日回是月下場兩次被回族人十一家發錢二十二串

外姓三家發錢三串七月初二日攜毓長毓澤下省寓三道街李宅院上稟到十六日

開考錄遺十八日發涼州局信二十日同香谷到兩湖書院並會公祠二十一日過漢

陽見沈太尊澤兒補廩八月初一日院上委點到初六日爲珠到初八日已刻進場十

一日澤兒早起大吐勉強入二場十二日香谷來商刻魏清風集指錄二十日過江

二十三日到家二十七日戌刻四孫爲瓊生字子衡號星三九月十八日赴靜占家李

亦香到暢談二十三日回便道省白楊港祖墓十月二十四日接涼州局信十一月初

一日劉潤田劉湛亭茂元三家被回分送麪肉並發錢二十日赴周家題主次日回

光緒十八年壬辰七十二歲

正月元日游山拜墓初八日冒雪上船赴宜昌鈞生同赴次日酉刻抵漢口十一日上

輪船十四日天心洲擱淺二十日酉刻抵宜昌劉劍芝請咨會試攜眷住署二月初五

日接毓長由川城來信知毓澤赴縣就醫三月初三日接毓長信並涼州信天才送來初五

日天才回發家信並涼州信件四月十四日鈞生回家二十四日質夫到署接家信五

月時令不正各處設壇誦經陳陶傲入學父子來拜京山易琴如來將赴川送路費六月

初四日身上作寒熱眠食如常初八日寒熱未淨小村開方服藥楊西山送金雞哪霜

少寒多熱五更始退十二日服金雞哪霜寒熱愈聞六月十八日吳曉山來拜二十日

寅刻吐血數日夜不眠七月初一日蔡子初開方服藥初四日寅刻頸上氣核突起申

後漸消初六日夜不眠服洋參寸冬各一錢連服洋參初九日漸愈十四日接毓長信
家中年成尙好晚間西壩不戒於火延燒河街水火傷大小男婦數百口郡城外一大
災也西刻瀉兩次晚上四次接甘電悉八月十三日委署平涼府華亭縣知縣十月二
十五日華亭接印九月十六日府試歲科畢場十月初三日存府回任學憲孔少霽祥
霖接隨初五日開考十一月初二日姜孝子祠送差初三日游鎮境山聞輔侯王楚卿
范文卿同去

作七律並擬聯買說文兩部歐文忠集王船山集古文詞類纂擬張占亭之父母八十
雙壽聯又黎松亭六十雙壽並其子采芹花燭聯二十四日由馬遞發華亭縣信接監

院札十二月初一日陸又泉由湖南來信己就癸巳
墨池館范文卿送四庫提要擬崇禎書

屋楹聯接澤兒信內附六家巷義渡碑記稿

再游鎮境山憩望江樓

巖舟江岸過江村畫裏樓高半掩門古樹參差煙漠漠平臬蔓衍草渾渾簷前雀噪頻
爭啄峽上猿嘯合斷魂雪印泥鴻陳跡在辛卯
游此莫隨春夢了無痕

人如翠竹碧梧寬句憑闌月到眼

地有崇山峻嶺尋芳拄笏雲攢頭

張生占亭之父母八十雙壽聯

嬰鑠推乃翁背琴肩酒青城上

慈仁屬阿母毓桂培蘭白首同

黎松亭六十雙壽並其子采芹花燭聯

筵列棗梨恰當禮醮少男齊眉並錫神仙福

泮分芹藻從此歡承二老繞鄰先誇伯仲賢

崇樸書屋楹聯

解綬賦歸田憶名場廿載雪泥容我都消無事福

鋤荆開別墅還舊日一椽風雨課兒補讀未完書

光緒十九年癸巳七十三歲

正月人日得本年

恩科信十三日發家信並致亦香信毓長發吳心陔信

時主講荆門書院

二月初六日接華

亭電信

公私吉本月十日開縣考

發華亭縣家信十六日陸又泉到三月初五日接澤兒花朝

前三日平安信十二日劍芝到蔣可仁來送詩稿陳藜閣同如右來本府存因沈觀察

新構孝子巖茅亭請代擬聯並代沈觀察擬聯十九日荊州道周來巡請閱墨池課卷

初三日接府委科場識認差二十一日稟辭午刻毓長同上輪船二十五日申刻抵漢

口二十九日已刻到家七月初八日毓長下省科場代澤兒由廩生加貢並捐訓導九

月十四日各山省墓二十日環孫同起身赴宜二十二日抵漢口二十四日鐵政局看

機器二十五日上輪船二十九日抵宜昌稟到銷差十月初九日毓長信到遲至二十

一日晚環孫始交看驚悉澤兒前月二十二日寅刻大吐氣脫老年人值此實難爲懷

十一月二十八日發乾瀉日夜十數次二十九日瀉如昨三十日減半服洋煙至十二

月初五日始全愈十八日學生來祝麪兩席飯一席二十一日何華堂畫像二十八日

接華亭電報知是月初四日華亭交卸

代存寬甫太守擬孝子巖茅亭聯並跋

舊雨話今朝踵武侯重構草廬巖前偶息征鴻影

甘泉懷古蹟依孝子別開花樹石罅猶聞躍鯉聲

光緒壬辰余奉檄返山城適觀察沈公權權寓郡次年春拓孝子巖隙地蓋茅亭設綺寮以公稚慕前修志潔行芳必有隱相合者非徒飾游覽已也爰綴聯以識景仰

代沈觀察擬聯

時偶得官閑也敎屋蓋蘆花與黃岡竹樓並留千載

地原非我有又喜堂開絳雪隨孝子巖石上接三巴

光緒二十年甲午七十四歲

人生之經論雷雨關乎際遇非自家能作主若性天仇爽心地光明則人可學而至也予平生於此八字最留意而恒恥躬之不逮回憶豫中官場不諧於時彛陵之行原非本意然藉此十年薄宦而三千餘金之私累得按原本清還此身如釋重負正月初七日請開缺修墓稟稿送府幕周秀谷看秀谷擬稿送來初九日楊西山約詣像局照像二月初四日上詳請開缺本府送甄別卷請閱十四日接毓長信知同珠孫本月初十日附江輪入都會試接華亭信知恩兒交代清楚擬晉省後借差回家擬儀門聯古人

知止不殆此次告退雖經當道堅留及學中代我關切者再四婉商而此志則決不可回請開缺詳文紳士請留稟帖均延閣府署不批予兩次稟見設爲危詞以求退二月十四日復申文送府加同鄉官印結至三月初三日奉批準委代理初八日送印隨稟辭上輪各處差片辭行東湖縣學李雨巖以詩贈行步韻和十二日抵漢口十六日未刻到家本地十三日戊刻龍風過大雷電雨平地水深數尺後園樸樹受災園墻損壞四月十二日發京信五月初六日赴李家題主作亦香哀詞並賀主題詞次日看班隄山午刻回十二日接毓長信六月珠孫捐四項教職統選渠母久病發京信屬珠孫回家自六月初至七月四十餘天不雨七月以後酷熱十餘天二十八日丑刻珠孫到家三十日晚間大北風改涼八月初一日卯刻室人方恭人發瀉兩次吐兩次氣微動不省人事延至戌刻謝世初二日未刻入殮移柩堂左初八日發京信並甘省電信九月初四日恩兒秦媳到家十月初三日赴白楊港祖山秦楚卿湛亭 孫同去二十六日毓長到家本月初二日得信初九日出京十二月初三日赴游山料理舊碑石二十五日龔家嘴修墓是月劉媳由禮部具題請旌奉

旨旌表節孝准其建坊

擬儀門聯

既爲儒官須明五達道

凡涉訟案不受一文錢

廩生羅立松等批

具稟悉查教授李品端學粹訓迪有方久爲士林所欽服此次請假修墓其志甚堅本府亦未便強留重拂其孝思也且將來尙可延致各書院主講其於課士更爲親切仰即知之

步韻酬李雨巖廣文

瀟水湖邊課服田辭家作宦又頻年符分栢舉慚良吏座擁臬比效昔賢漫許聲華高
岱岳能空碗礫卽神仙泥鴻十載同留跡一別魂銷兩黯然

附李雨巖原作

羨君決計賦歸田一臥山城已十年桃李新陰多吉士黍棠舊德屬名賢傳經喜見

孫繩武作記驚聞子得仙惆悵行旌攀未許臨歧握手倍悽然

李亦香哀詞

沐沚蘭兮漱餘芳采江蘼兮懷中央望塞修兮誰與若有人兮五華之嶺少岐嶷兮長
敦龐齒彌增兮道彌彰筆作未兮書爲倉隱經緯兮峻門墻契予以荅兮莫予逆阻
重岡兮如咫尺予投簪兮返故園君捐袂兮振雲翻思君深兮曾悱惻涕橫流兮手頻
拍試揚袍兮拊鼓傲緩歌兮情迫徐登龍兌奠酒漿撫長劍兮神愴已矣哉世無人兮
莫予亮孰使予慄慄兮彷徨天無阿兮如弓張胡跼予兮殲予良攬茹蕙以掩淚兮
聊連蜷而欣欣兮樂康

題主祝詞

緬君之才出風入雅思君之德毀方合瓦憶自卯年堂經綠野長吉升壇香山結社翦
燭聯床永夕心寫古道猶存應賡純嘏曾幾何時歲暗三更蕙荃不覆蕭艾徒榮望舒
及夏奔屬背盟高山流水鍾子無情倏爾槎觸涕零沾襟我來題主撫衣徐趨爰陳桂
醕爰奠生芻孤芳蕪穢萎絕堪虞炯炯靈氛蹙局慟予宜爾子孫嘉祉遐敷

光緒二十一年乙未七十五歲

正月初三日吉階鴻哉範五福臣來商出殯各節訂慎終錄備載一切作輓聯珠孫呈祭文稿書銘旌輓聯毓恩呈課單請齊安嚴少白擇定二月初四日巳時出殯各處發訃文三十日排祭品紙札旌傘請黃雨濃陳韻雲劉味真蘇益章丹泉佐卿相禮二月初一初二日合族來奠初三日遠近親友來奠爲珠題主毓恩鴻哉秦楚卿冒雨上山料理開壙初四日辰刻天開無風已刻出殯鶴仙埠上船申刻下埭泥滑未用儀仗初五日雪雨初六日天晴豬羊紙札祭饌香案全幅旗傘上山天才孫華守墓兩月初八日丑刻冢婦方恭人謝世殮後移堂左十六日雪磚墮寒重連三日大寒大雪滴水成冰日記載五月恐有水患申報見御史安維峻奏

皇太后遇事牽制無以對祖宗天下之心奉

旨革職發軍臺三月毓恩各處謝弔十一日赴祖祠監春祭十三日赴龔家嘴謁墓二十五日冢婦方恭人出殯閏五月初五日聞襄隄決口一日夜水至大門外六月初六日接張子壽寄毓長信並五月

殊論靜占春月患走氣筋痛至今未全愈五月申報中倭和局初定割台灣償兵費二

萬萬兩限年交七月初六日先妣嚴恭人冥誕游山拜墓松舟復被回

送綿單衣四件錢二串

秀芳被回

送錢二串

八月十二日京山蔡理雙來拜閏五月後水時去時來七月初始退消

六月二十七日至八月十六日五十日不雨夏澇秋旱下面粉米未收兼以時症雜行其最險者吐瀉轉筋惟急服附子可救次則秋溫身熱十數日不退醫者言宜服白虎桂支湯輕者更有溫瘧亦宜服清熱加截藥十七日雨透各症當可漸平也二十一日步沈家林省墓二十二日作畫像七律九月十九日龔家嘴省墓十月二十五日船到漢川並應城之耶君橋女兒橋看山十一月初二日回家初八日祖祠監冬祭十五日受風寒飲食略減十餘日始復元十二月十五日席請登義等立艾家榜壇腳合同

方恭人輓聯

內政肅如賓閱五十七年豈期蓋篋猶存比翼忽摧雙行影

逕魔迷若夢延六十四刻頓使泉臺竟赴同心還結再世緣

峯帷有家孫喜前宵乍返公車繞榻承顏方期慈竹慶長春暉增愛日

撰杖思阿子，悵數載分馳。宦轍倚闔，抱痛詎料靈萱。嗟忽隕慘，被罡風。

何執齋生傳中輓方恭人聯

悵懷四千餘里，外緣符權兩縣未整歸裝，那堪因雁帛遙通頓絕遊人，陟岵望
回首五十七年中，歷珮解三城克修內職，從不以魚蔬瑣計稍分夫子讀書心。

范文卿生德明輓方恭人聯

屏華節飾留母儀，一百年那期白竹生寒人間春減。

敕始誌終相夫子，三多五福應許黃麻錫誥天上恩加。

光緒二十二年丙申七十六歲

元日率諸孫游山拜墓初二日龔家嘴拜墓初三日艾家榜拜墓初七日先考冥誕上
香初十日毓恩平價發大麥八十石十二日七星觀被回發棚席錢十五千十五日書
畫像七律詩擬白楊港治蟻築墓說系以詩埒灰隔法二月初八日新修祖牌起工十
八日先庶妣冥誕上香十九日作京山觀音巖聯二十一日祖牌工竣二十五日看書
見朱子與呂伯恭書云訓誨之意微婉深切銘佩何敢忘也宏大平粹四字謹書坐隅

以爲終身之念竊思士不可以不宏毅執德不宏亦信道不篤宏寬廣也太狹則孤立而無與充實而有光輝之謂大大而化則聖雖不能化己不失爲作聖之基平則無偏頗以之養心則平矜釋躁以之應事則平易近人粹則少駁雜語云貂裘而雜不如狐裘而粹蓋人莫患於無常行也能從此四字用心所學思過半矣三月十七日祖牌安位敬祖上香二十五日赴鈞生家見沈石田自寫小照題句與或非贗筆也社威於寄詩並出所作真率七圖請序四月初一日作序初三日題二絕增序尾初六日村中有人年六十餘說其子平日事奉公道公道本好從俗乃不足之詞感而賦八絕並序二十二日作年譜序五月初二日赴靜占家便道白楊港省墓十二日回家六月安邦被回付棚蓆錢二千二十三日樸記後倉屋起工七月初作秋暝露坐詩八月初二日聞西口潰初四日破塹水到門前堰復水灌老屋天井九月初連三晝夜大北風被水者墻屋稻堆多倒塌沖刷自來罕有之災親民者當如何安集以示體恤詎署縣何某趁水上逼催錢漕地保遞災稟被押兩月餘病始釋約內糧多稱貸完納未完者屬逃戶是月十七日霜降十八日酉刻雷鳴十月初聞上憲派賑銀下縣去年水後川賑二萬

兩縣實任黃公不肯經手全交委員聶某代辦名爲平糶實惠未能下逮衆口沸騰此次未知如何敷衍二十日已刻得長重孫名朝鼎字智生號禹九十一月初四日方恭入禫祭十二月初四日次外孫蕭介之病夭二十二日白楊港清墓蟻全徙土性不見乾煖心疑之

治蟻築墓說

乙未春仲厝方恭人之柩於白楊港祖塋中間其隙壤多蟻穴毓長恩心怖甚儼別圖遷之予維天珍地秘鬼神司豈易驟得善地自念平生尙少遺行恭人秉性仁慈母儀淑慎以理度之當不至爲螻蟻所蝕且蟻文從義蟻亦虫之義者也予將禮以香帛飼以果品並此說焚之墓側蟻如有知則當從義而徙而壤可淨而患可息不然則是冥頑不靈予雖有言彼仍悍然竊據久相兀拒涵淹孕育以肆其害惟有每歲春前製毒藥操利錘徧鏟其穴投之以藥務殲其類無俾遺種於斯阡非予之願與爲仇也抑蟻之自促其生而悔無及耳以後合厝多用雄黃石灰和淨白土圍兩棺上下四面堅築厚三寸做古灰隔之法然後以本山土覆之天篤其慶斯地効其靈存順沒安理或不爽

也若獲福之有無厚薄則何敢妄冀並系以詩

牛眠自昔惟德將毒蟻休教穴漫藏錫福從天原不爽鍾靈在我那能戕韓文驅鱷消
民患柳說捕蛇儻吏狂瘠骨願歸乾淨土白楊港水有餘香

增古灰隔法

按家禮有作灰隔之法其法先布細炭末於壙底築實厚三寸然後以石灰三分細
沙白土各一分篩拌令勻以淡酒徧灑之築實厚三寸別用薄板爲灰隔牆高於棺
四寸許置於灰上乃於四旁旋下四物亦以薄板隔之炭末居外三物居內如底之
厚築之既實則抽板近上復以炭灰築之及牆之平而止

擬京山觀音巖聯

施接引之方應推法護千秋宏開覺路
獻菩提之願竊喜泉鳴百丈淨洗塵緣

眞率七圖序

林君威於與余同居澁水之濱相距五十里阻以南北笠屐緣慳憶丁卯省試初晤於棘垣卒敘闊疏未暇劇譚迄今冉冉垂三十年矣余以塵網久嬰罕居里閭彼此未經造訪甲午冬子毓長自都門遙歸述及與君同寓邸舍風雨對榻時蒙垂詢近狀余心屬之丙申初夏偕來以詩贈我落落數十言微婉深摯之情溢於行間並出所作眞率七圖丐余一言竊思古者以言贈人所以致愛敬陳忠告也圖中七事類皆植本培原養心怡性所關閱是圖者知君有時悟道有時勤耕並放懷於鹿林雁澱以尋嶽而訪湖几席間山水景物之奇畢萃眼底由是綿春暉於慈竹泣秋雨於長楸有會於希夷之理者良多宜其俯仰自如瀟灑然幻作南華真人坦率而行所無事也余忤迂執不諧於時甲申由栢舉改官尋陵曾撰聯廳事曰爲善非務名姑完吾本分事讀書貴明道未可與俗人言不務名卽有意於歸眞反璞貴明道卽明率性之謂道如君所圖頗覺相印以心夫以君蹀躞之才踔厲風發正居官服政之日乃韜櫜全眞守其謙率然則以斯圖徵題殆將輒勝於人並蘄勝於古之立言者矣豈若僿僿於榮利而絕

無餘事者稍拂其志即自甘積廢也哉雖然先儒有箴言與行交修真率兩字須著實用力擴而充之卽大學誠意之誠能透過此關便省卻多少纏葛胸中殊異常安適此
余多年砥礪而未敢遽信者用自勉而願與君共勉焉風塵息鞅墮書魔執簡徵題驛
使過最好披圖尋樂趣百年心事付煙蘿

秋水盈盈阻鞠塵餘芬惹我見天真願君會得游濠意蝶夢初醒又一人

增林威於見贈二律

北望垆夫里星光遠燭天瑰材羅廡下玉樹毓階前閱世鬢眉古論文骨力堅芝山
清淑氣此老得其全

憶我曾親教頻經二十年忘懷空芥帶衍術妙陶甄已試肱三折猶動手一編餐霞
人不識合署地行仙

戒不孝七絕八章有序

邨中老人年六十餘僅一子家貧乏食麥黃隨其子擔麥困憊之狀難堪息於余門
首叙及除日度歲一餐乾飯以下皆藉野草和羹以爲生現雖新麥可啖而腹儉腸
枯不食難受食亦難受聞之惻然隨予以米粽十枚問其子平日天性答以公道公
道本好從俗乃不足之詞積風靡靡恐世之公道子不少也感而賦此天門李丙生

李小香兩茂才王書錦明經均有步韻之作未錄

豚犬兒孫不孝多忍教親老受研磨請他試看簷前水點點還須落舊窠
呱呱膝下莫離親毛羽初成性失真足蹬妻來懷抱子癡鸞厭對白頭人
物蠢猶申跪乳情人如愧物枉榆生看娘反眼天將黑暴雨須防雷一鳴
明知百事孝當先貌是心非理惘然自喜冥中無果報通盤算定孰逃天
三更衾冷夜沈沈就溼移乾苦費心七尺昂藏空長大衰年不顧病呻吟
雁羽分飛又幾行經營家計苦爺娘蓬頭少婦工離間詬語都添老鬢霜
百結愁腸何日寬風前燭作等閒看虎皮羊質中情淡薄在高堂眼孰瞞

春暉未報總堪悲說與蚩氓了不知網縱恢恢疏莫漏傷心最是餒而時

秋暝露坐喜稻正登場

村前雨歇莫雲歸歲喜豐稔願不違山犬疑人成獨吠晚螢近水作雙飛蛇龍出險災
方澹雀鼠無爭訟已稀一枕黃粱將入夢閒門照影月光微

光緒二十三年丁酉七十七歲

新正月初二日游山拜墓擬關廟楹聯並祖祠二聯二三月陰雨綿綿襄隄堵築不固水
泛冲刷四月二十日門前堤破水到大堰外春收盡成畫餅上下數百里民居蕩析田
舍爲墟附近天門高鄉麥甫熟各姓日聚數百男婦分途強取閔不畏法之徒幸災倡
亂愚而黠者和之羣情洶洶嗣經隣境督團嚴拿劫案風乃息五月中水發較前次更
大閘中作遣懷七律六月得足雨二次高田有秋七月初水又發有秀才挈衆出門逃
荒稍有力者酌給路費未及一月憊而歸縣屬災區非不委辦平糶經牟利手難免侵
漁以致價不甚廉且杯水車薪無濟於事往歲饑濱湖多以菱芰爲生今夏此物不秀
不實去者旋失計而返盎無儲突無煙十居八九值此時光湊十數貫買青林嘴湖邊

基地謂凡事須留退步則可耳若預爲他日鑿窟計恐遠慮亦籌防不到八月作秋夜懷人六言中秋後水又漲續辦晚禾及早禾之發耳者全沒比戶窟羅無術親民之官動以掣肘卸責想列鼎而食者隱恤民艱必將立解倒懸鼠碩鴻嗷何忍坐視九月九日作書懷七律憶三游洞五律得程价卿名必藩方梅生名世鑑同榜中式信月杪秦潤卿來呈其尊人手澤請閱并告貸二十四日毓長攜旒甫下漢十月初七日回家二十六日毓長季女出閣聘奩兩事從減非惟節費或可藉砥浮俗二十七日申刻毓恩得子庶劉出名爲琫字耀祖號遠村十二月十六日毓長接黃小魯信商辦平糶十八日毓長下省二十七日回家省中得夷船占住膠州信並和款六條

關廟擬聯

參天則聖繼文宣曲阜鍾靈曲沃鍾靈皆生民所未有
報國而忠先武穆炎漢不朽炎宋不朽合日月以爭光
先張趙而侯乃聖乃神功爭吳魏三分鼎
佐豫荆以帝允文武志在春秋一部書

祖祠擬聯

敦本首宗盟若護新陰葉莫春秋尋斧縱

象賢懷祖訓如承漢詔科將孝弟力田登

臚唱出天家喜三百輩兒孫宗人勝列

經傳綿世澤思五千言道德柱史名標

閨中遣懷

神游八極隘瀛洲四顧茫茫空唱酬薄宦曾經逾十載虛名未敢負千秋蠶鹽送老安

閒適餽粥承先省伎求莫羨香山圖九叟人間最好是丹邱

秋夜懷人

夜永砧聲淒切月涼樹影參差獨坐長歌音婉三更短榻睡遲汲水烹茶然竹挑鐙得

句補詩憶否傲霜殘菊幽情遠隔疏籬

九日書懷

臬比坐擁幾經年九日登高不計山老至何堪慚曉鏡愁刪便許駐醴顏長安筆硯圖

書側小築園林水石閒
居宅面濱湖背枕岡宅後舊有園圍中古樸青葱多歷年所甲午春三月怪風拔樹圮其圍是冬更拓地數弓廓而築之向慕本朝大儒張楊園學問篤實次年春植楊數十株甫三讀罷年茂枝遠揚濃陰徧覆自喜成林甚速覺古人十年樹木之期尙緩也 讀罷蘇詩憑筇取白頭容我占清閒

憶三游洞并序

丁亥春莫偕陳畚毓茂才夏澤亭孝廉并及門范生文卿羅生笙陔泛小艇上三游洞晚宿僧房酒酣乘興作古近體詩極一時之娛今歷十年所矣新科榜揭畚毓高標追憶前游情事宛然賦此以誌今昔之感

亂山雲滿峽峽口洞曾經石窟猿聲碎溪牢虎氣腥扶藜尋峭壁踏蘚望空船不負幽泉咽還當洗耳聽

光緒二十四年戊戌七十八歲

新正月初二日游山拜基初八日毓長致黃小魯吳心陔信催平糶米二十四日晚間大雷雨霽二月初八日毓長下漢增輪入都三月初一日糶米到二百五十石初八日開局平糶二十日糶家嘴拜墓道旁見拾草根者衆二十五日糶米到二百石二十七日

接毓長信知三月初二日抵京查得珠孫缺快選閏三月樸記作學屋十七日豎柱上
梁糶米到百石春季菜麥有收各戶始輟呼庚癸四月初淫雨十日不輟皖內全行被
澇糶米到二百石十九日接閩三月信並鹿茸麗參二十七日得邯鄲報珠孫選安郡
復訓缺五月端節後平糶收局約內共發糶米七百五十石六月擬學屋門對孝弟爲
人瑞文章蔚國華又簷前風月資新賞座右圖書結古歡自五月初五雨後六日不
雨上鄉秋收減半下鄉溝路不通者亦受災七月初八後連日好雨失時自後四閱月
餘不雨麥多未種強種亦多未生八月八日珠孫下省領憑十一月初八回家十九日
由襄河攜眷赴任是日學屋成功挂扁對十二月雪三寸有補種麥者十八日設麪四
席飯兩席擬學屋小扁對西窗話舊疏簾隨雨捲爽氣撲山來讀離騷經紀略

讀離騷經紀略

離騷作於懷王見疏時非如謝梅莊所云作於襄王放原後也原以讒見疏恐羣小乘隙害之故託於香草美人以自況方年二十得事楚宣王懷王時爲三閭大夫中間歷威王十一年懷王三十年至襄王二十一年癸未原年八十餘是年二月奏將白起燒先王墓夷陵襄王兵散保於陳城原遂以五月五日投汨羅死先是懷王七年受秦相張儀與商於地六里之欺十八年原自齊歸諫王殺張儀襄王十二年司馬子蘭譖原於王遂放原於江南斯時原末遽有死志也二十一年癸未見放已九年是年沈於汨羅離騷云雖不周於今之人兮願依彭咸之遺則言雖被讒仍欲法彭咸以諫君末云既莫足與爲美政兮吾將從彭咸之所居乃國無道至死不變之意玩通篇前後無國將亡以死自誓之詞更非因見疏而以死懟君太史公言憂愁幽思而作離騷其語最確當時楚襄任用非人不復用原以修德行政禍亂日深故國邱墟桑梓兵燹乃悲憤而投水適與彭咸之死同

彭咸殷大夫事紂不聽其諫投水而死

通篇總計十四節一百八十八聯

其中結構次第淺深虛實起伏提頓無美不備此千古之奇文也讀者當細玩之

通篇正意祇以懷王信譏疏己外則上官大夫靳尚子蘭等用事內則寵姬鄭袖淫惑王心以致政亂國危己既見疏不能救正又以親臣無去國之義中間託言求女一節則因鄭袖蠱惑王心又不能直言其害故設言處妃有娥二姚反言以託其意李安溪何義門解皆比求賢不獨意複於當日情事亦不切何者原己見疏豈能薦賢使王用耶

光緒二十五年己亥七十九歲

新正月初三日游山拜墓十四日附近有荒信逃者五日絡繹不斷十九日始平實則毫無影響人心浮動十五日接珠孫郢中元日信知十二月十四日接印二月十三日復接郢信並昨四月菜麥豐收五月初一日抄時文稿擬搜輯百篇六月鈔成作序七月初四立秋日裝成二册存之下鄉秋收甚好上鄉減收九月初六日步游山省墓二十四日子刻瓌孫得女十月初三日請黃福生教讀到館初五日毓長由京回家十三日同赴縣西城外看山不當意十七日毓長赴馬家堰看山亦不當意十一月初八日代族人作祭產記十二月寒重十餘日點水成凍二十外連日冰雪二十六七日大雪平

地厚四寸或可兆豐年也書時文後紀陋

自訂時文百篇序

自論文以機法爲工而時文遂成小道若使大家爲之其道理魄力氣味色澤皆不懈而及於古布帛菽粟之文何嘗不與河嶽並壽予早歲初學作文未敢高自期待卻最喜從大家門徑入手嗣以秋風屢蹶不得不畫鬢入時由從師以迄安州隨侍並課讀家塾約計所作不下千篇率皆散佚無存己亥夏仲爰檢陳編搜輯得文百篇視先輩之道理魄力氣味色澤均未之逮而波譎雲詭乘酣逞恠有意以炫才者則不敢襲其形貌竭六十日揮汗之功手自鈔定彙爲兩冊留之巾箱以爲手澤或猶以是見少焉不知昔人啜峴茗片旗亦可終日嘗一瓣而知全鼎未必不在此淺淺也後有承志者時爲循覽庶得予數十年朝夕浸灌之苦心惟不願付諸梨棗供人毛求是則予平生不敢自是之意焉耳

書時文後

時文不足盡作家之長好事者多目爲小道其實國朝大儒名臣均以爲進身嚆天所謂言者心之聲也非平日枕藉功深涵養有素何能代聖賢立言親切有味惟讀書多而積理富如取如攜傾而出之甚易也如云文章本天成則理之純也高誼薄雲天則情之厚也籠天地於形內挫萬物於筆端則氣之充也至神明變化之功深方且獨步一時而雄視百代地負海涵莫名一體謂之爲時文也可卽謂之爲古文也亦不能如是或得之沾丐或失於餽釘甚至剽竊雷同妄邀賞識縱教滯入珊網若霸上棘門之軍直兒戲耳揆之朝廷以科目拔濟世之才以文章收華國之選大相刺謬論者偏執已見愛古薄今創大言以欺世以爲不足爲夫豈篤論也哉

紀陋

龔家嘴墜河詳癸巳譜

刁沒湖阻風由縣歸家同船族中兩夫婦並船手救強泊黃氏祖山三日陡風

始息船手尙義以二升米供子餘食同蒿三日

漢陽江遇颶詳甲辰譜

蔡家溝走暴詳己巳譜

丁莊寨平捻戊寅西平任內身先隊伍突冒賊鋒一紅衣賊馬上向予開炮不著登時剿洗逆捻殲四十餘人梟首四城生擒百餘人分輕

重審辨別股聞風解散地方賴以安靜上司持澄叙官方挽世道而服人心任以無足重輕之案撤委改官職陟緹繆何以澄叙官方挽世道而服人心

新溝口避劫甲午彝陵告歸船至新溝襄水一大發水頭高丈餘自新溝至漢口損船斃命不可數記為漢上一大劫予船入湓口甫片刻得

安抵里門

六陌俱瀕于危謬沐庇佑履險如夷當如何仰答天庥惴惴焉將蹉跎八十春矣上之未能窮搜陰符值海氛多事之秋無補於世次則性近屈彊躡鏡仕路無以為宗族戚隣光寵又次並不克以身帥教致服內子弟多狎于不義凡內省而滋疚者每念竊自

惡焉

光緒二十六年庚子八十歲

元旦連三日雨七日先君冥誕上香二月初十日先母忌日引孫等游山拜墓三月十一日外孫蕭叩之病夭二十日以後天晴春季全收四月初接郢信並史府所書扁對十二日黃福生解館五月初一日毓長腹痛十七日珠孫假歸延至二十日卯刻不起停堂左年譜自乙未至今三易稿矣客歲十月毓長由都門假歸正喜桑榆莫景歡聚一室春來晝永屬將譜稿重校便早開刻慰我八十介壽之心視世之演劇稱觴耀耳目以博歡者有異也豈料膝下之緣幻若朝露校刊之役竟不能親手經理展卷潛然何勝西河之慟六月初二日赴靜占家消遣十日歸來七月初得天津京都洋拳交惡兵信科場一律停緩作稻場晚坐五律並擬課文示楷之初十日珠孫上郢八月初作秋日書懷七絕熊芹香來渠丁卯戊辰曾經受業越三十餘年每過我晤談尙有前此互相濯磨之意亦及門中之學篤而行謹者十一日聞都城失守 今上奉 太后七月某日啟行移蹕太原此二百餘年未有之變也二十八日智海挈眷到家澹泊盟心

冲和養度堅貞煉性曠達怡情四語自忖平生雖未過信爲人欲拔出塵壒之外定當如斯九月初八日雷大鳴過霜降已六日不合時令二十日毓長出殯於三屋垆之原上墓作乾山巽向十一月初一日智海赴川城申到籍文隨下省十三日雷大鳴二十六日雪四寸十二月初六日雪三寸智海回家旬日天陰寒凍十八日八十生辰不張燈綵凡送禮概不收來賀者待以酒麪頃偵拳匪構禍

帝奉 太后蒙塵由太原駐蹕西安正大小臣工徹樂省膳之日歲早隨應以下挈家四逃者數月不斷近鄉餽粥多不給自家五月又突遭變故稱觴獻壽問心能自安乎心不安奚用此揚厲鋪張爲也

稻場晚坐

山村昏欲莫坐久有餘涼水荇風牽帶秋荷露瀉裳蟬從吟處歇鵲到宿時忙動靜交
相得關情趣自嘗

叙懷

科名幸竊亦前緣回首春明景宛然雞肋一官剛啖蔗黃梁未熟夢先圓

詩書付託歸儒雅道素相承正此時悞我鬚眉終莫悔

甲戌朝考入選以有鬚分外用 傳家許有象

賢兒

偶成

最好柔榆景風塵早息縉憂危隨世切摧折見才長虎已盤山臥鴻休戲海翔幽人占履道歲晚懷冰霜

輓鹿萃

周甲正添籌續命無緣偏教地下修文遺我哀兮奪我愛
浹辰將啓殯返魂有術宛似秋曹供職送兒去也望兒還

自擬輓聯

經世本無方含貞抱樸八十年悵今宵太白積光也教詩引桃花尋巖早占醉仙楊
檢身常不及比事屬詞六萬字儼昔日康成紀表應許書生帶草繞徑長圍通德門
於質那敢虧履薄臨深一念何時非膽怯
所生期無忝磨光刮垢百年幾日得身閑

凡事到今已始安如能操絮冰壺既安且吉
斯人自古誰無死但得望崇山斗雖死猶生

一律勤培植抑斯奧揚斯明坐我玉山裴叔則

三生淨洗心澄不清澹不濁照人秋水李延年

八十擬聯

誥錫五花椿庭綯綵

筵開六豆萊子斐衣

光緒二十七年辛丑

光緒二十八年壬寅

光緒二十九年癸卯

光緒三十年甲辰

辛壬癸甲四年遺於我父自壽八十

紀壽

天保之首章曰降爾遐福福祚之緣造化幸之非倖致也自箕疇衍五福先之以壽非壽而欲長膺多福也蓋難我高祖超羣公皓首窮經得轆軻一第得年八十有四曾祖漢登公勉承先志蹉跌名場年亦八十有二祖全三公因圖母親宅兆構訟京山九年備嘗艱苦中年以後安常履順克繩祖父同登八十逮我父以氣體最健之身十年官廣文甫七十而星隕難訟協古希視前三代則多曠也予生於道光辛巳體素孱弱入珊網作宰文城迄光緒庚子喜度八十春即思古聖有與齡之誼遂隱萌奢願以爲前三祖各八十高曾二祖尙餘六年設予能徼倖得四年合前六年移於我父統歸五世八秩祖錫之孫本不見損二祖或不以是罪予予奉之父何敢言益予父或不以是責予而積五世之正直忠厚俾以譏穀成數合計四百年仰承天休斯何如際遇也雖然禮有之八月告存上壽原不可濫邀辛丑至今此念刻刻在抱而未敢貪天以翼所欲之必從茲蒙屆是期矣予之奢願得償矣予之隱念得釋矣所慮者昔之與齡經有明文今之移年事屬創見行而宜之謂義斯舉也與者無名而受者無實揆之以義不

免近迂然迂則心安不迂則心不安心安斯理得理得而義亦不乖故甘蹈此迂而不
辭人卽以此笑予之迂而亦不辭爰就此刊作門聯五世八旬壽對以三代四品封後
之人克迪前光保其所有餘不至戕其所不足將來繼繼繩繩同躋壽域揚列祖無疆
之庥其摠集福蔭於一門也豈偶然哉

夢中偶成

衆峯綿亘幾蓬萊莫怪時師眼不開地秘天珍神守護福山還待福人來

紀三代祭產

朱栢廬先生家訓祖宗雖遠祭祀不可不誠祭必有費費資於產此祭產之所由昉也溯自五世玉瑛公遺有游山公產六世洪山公暨七世上蔡公遺時豐鄉公產歸併五世公產內八世廷維公遺沈家林公產越四世高祖生曾祖漢登公兄弟三人其仲兄傳至十六世乏嗣絕產作三公祭產以上各產累代擇人經理資生無窮奉祀罔替列祖實式憑之至我祖全三公遺公田六斗零我父雲椒公道光丙午三子析居提界樹田十石嗣因典房分配不勻以此田分與宏記而祭產則懸而無薄矣予不敢任其缺如光緒壬寅春以私下分年收存租錢並提田房合本身分爲三代祭產載之總簿崇祀事以垂久遠歸四家分年經管輪流推換或囤積或發放秉公裁度勿徇己私如有侵挪虧場等弊著經手人照數賠出以後戶口日增賢愚厚薄不一須簡老成殷實經管不許狡猾假公濟私甚或恃橫包攬有意乾沒當管者定行據實稟官追繳將來生發積成大數袁簡齋有言善用何嘗非俊物凡分內喪祭昏冠應試成名無力之家酌予幫貼設遇災曠附近隣里量依助以濟最窘非敢云誼篤本根也藉以舒先人未遂

之願並冀不負此創始之心是爲記

全三公祭產

方二屋田六斗二升半 租三石一斗二升半與老二
房并祥宏兩記分年收

收存租錢三十串

雲椒公祭產

范馮灣田一石二斗四升半 租六石七斗二升半

又田一斗 租五斗

界樹灣田一斗五升 典價無定額

艾塆山脚一塊 典價無定額

采珊公祭產

章鐵嶺田一石零五升 租五石二斗五升

垵塚西街四合頭磚屋 租價無定額

